

Jém wibic anmati jém ijayñewiip jém Xiwan

*Jém Dios iManic oy iti yíp naxyucmi juuts tum
pixiñ*

(1 Jn. 1:1; Ap. 19:13)

¹ Wiñgam cuando moj iti itumpiy cosa, jesic ittim idic jém Dios iManic, iñiyitim jém Anmati. Jém Dios iManic iwaganait tanJatun Dios. Jém Dios iManic jeetim jém Dios. ² Cuando moj iti itumpiy cosa, jesic jém Dios iManic iwaganait jém tanJatun Dios. ³ Wagayoxayaj iga iwatyajpa itumpiy cosa. Da i ni tum cosa dapic je iwati. ⁴ Je iniit jém vida iga tachiiba. Jém vida je jém jucti jém tsocpáppic jém pixiñtam ianamanjom. ⁵ Tsocpa jém jucti piichcim y jém piichi da wiap icpích jém jucti.

⁶ It idic tum pixiñ jém icutsatnewiip Dios, iñiyi Xiwan. ⁷ Cutsatta jém Xiwan iga inmadáyíñ jém pixiñtam iga miñpa jém Dios iManic juuts tum jucti. Oy inmadáy jém pixiñtam iapaap jém miñpáppic iga icupicyajiñ cuando miñpa. ⁸ Jém Xiwan da je jém jucti, pero oy inmadáy jém pixiñtam iapaap jém jucti jém miñpáppic. ⁹ Je jém numapic jucti. Miñ yíp naxyucmi iga iyicquejyajpa itumpiy jém pixiñtam.

¹⁰ Oy iti yíp naxyucmi. Iwaganayoxa jém tanJatun Dios iga iwatyaj yíp nas con itumpiy jém itwiip yim, pero jém pixiñtam, yíp naxyucmipic,

da iixpicayaj jém Dios iM̃anic. ¹¹ Oy it̃i it̃icm̃i, jém naxyucm̃i de Israel, pero jeeyaj da ipictsoñyay. ¹² Pero jém ipictsoñneyajw̃iip, jém icupicneyajw̃iip, chiijajta derecho iga ts̃íyyajiñ juuts jém Dios im̃anic̃tam. ¹³ Da jex juuts tum̃ p̃ixiñ im̃anic̃ jém iwatnew̃iip yomyucm̃i, juuts iw̃iañjam̃ jém jatuñpic, pero Dios im̃anigayajpa. Ts̃íyyaj juuts Dios im̃anic̃tam.

¹⁴ Oy it̃i ỹip naxyucm̃i jém Dios iM̃anic juuts tum̃ p̃ixiñ. Maaỹytim̃ juuts taichtam̃. Oy it̃i ỹip naxyucm̃i con aichtam̃. Ánixayñeta iga inimiñ jém ip̃imi jém iJatuñpic ichiñe jém tump̃ic iM̃anic̃. Jém Dios iM̃anic̃ ts̃am̃ tóyóypa, siempre nuumañmatpa, da migóypa. ¹⁵ Jém Xiwañ oy iñmadáy jém p̃ixiñtam̃ iapaap̃ jém miññew̃iip. Nim̃ jém Xiwañ:

—Ỹibam̃ jém manñimayñew̃iip iga ocm̃im̃ miñpa tum̃ p̃ixiñ más w̃iap̃ que aich̃ porque it̃tim̃ id̃ic dende wiñigam̃ cuando danam̃ anayñe aich̃.

¹⁶ Jém Dios iM̃anic̃ ts̃am̃ taw̃iwadayñeta tantump̃iytam̃. Ts̃am̃ taw̃iittã porque inimiñ jém w̃ib̃ic tóyooyi iga tayaachanj̃amt̃amiñ Dios.

¹⁷ Chiitã jém Moisés jém wiñic̃pic̃ añquím̃ayooyi iga añmadayyajt̃aiñ̃ jém p̃ixiñtam̃. Jesic̃ ocm̃i jém Jesucristo oy ỹip naxyucm̃i iga tañquejáy jutsap̃ tayaachanj̃am̃ta Dios y iga tañquejáypa jém num̃ap̃ic̃ añquím̃ayooyi. ¹⁸ Da ĩ quemañ oypa iix̃ jém tañJatuñ Dios; pero jém Dios iM̃anic̃, jém tump̃ic̃, jém iwaganaitw̃iip̃ Dios, tañquejaytã juutsp̃ic̃ Dios jém tañJatuñ Dios.

*Jém Xiwañ jém acch̃íñoypaap̃ iñmatpa de Jesucristo
(Mt. 3:11-12; Mr. 1:7-8; Lc. 3:15-17)*

19 Algunos jém judíos, jém ityajwɨp jém Jerusalén, icutsatyaj jém paɲijyaj con jém levitapic pɨxiñtam iga icwácyajiñ jém Xiwan. Nímayta:

—Nigi acwaaci jém Xiwan: “¿Mich, miɲapaap?”

20 Jesic cuando núcyaj juɬ it jém Xiwan, je da injam. Iñímáy jeeyaj:

—Ich da je aCristo jém acutsatnewɨp Dios.

21 Jesic nımyaj jém paɲijyaj:

—¿Jesic miɲapaap? ¿Que mich jém miElías jém wiñicpɨc miprofeta?

Pero jém Xiwan icutson. Iñímáy:

—Ich da aje.

Nımyaj jém paɲijyaj:

—¿Que mich jém miprofeta jém mananjóctampaap?

Jém Xiwan iñímáy:

—Ich datim aje.

22 Jesic jém paɲijyaj iñímayyaj jém Xiwan:

—¿Mich, miɲapaap? Anımaayi iga wiɲiñ ananjmadayta jém acutsatnewɨp. ¿Mich iñyaac, ti wiɲap ananjmadáy?

23 Jesic jém Xiwan iñímáy jém paɲijyaj:

—Icham oy anajıyooyi jém titsinaxyucmi. Oy ananjmadáy jém pɨxiñtam iga: “Áɲaayi jém tun, numtsaci, porque miñpa jém tánQmi”, juuts nımpa jém profeta jém Isaías.

24 Jém fariseoyaj icutsatyajtim jém icwácyajpáppic jém Xiwan. 25 Acwáctatim jém Xiwan, nímayta:

—¿Jesic tiiga micchínóypa siiga mich da je mi-Cristo, ni da je miElías ni da je miprofeta jem miñpáppic?

²⁶ Jém Xiwan iñímáy jeeyaj:

—Ich acchínóypa con ni. Pero yïim it mimichtámanjom tum pixin jém dapic íñixpicneta.

²⁷ Ocmim miñ jem pixin, pero más wïap que aich. Ich da wïap antsíy ni juuts tum imozo iga ancuwijáyáypa jem iciac.

²⁸ Jempigam iñasca jem Xiwan jem attebet Betábara, anwiñtuc de jem río Jordán jut acchínóypa.

Jém Jesús je jem Dios iCordero

²⁹ Jém tunjac jama jem Xiwan iix iga miñpa Jesús, iñímáy jem pixinñtam:

—Ixi, jem pixin jeexic miñpa, je jem Dios iCordero. Accaatap iga iccáyáypa itumpiy jem pixinñtam itañca. ³⁰ Yíbam jem pixin jem mannímayñewiip iga: “Ocmim miñpa tum pixin, pero más wïap que aich, porque ittim dende wiñigam cuando danam anayñe aich.” ³¹ Ich da idic anjodon iapaap jem pixin, pero ich miñ acchínóoyi con ni iga jem ityajwiip Israel wiañ ijodónayaj iapaap jem Cristo.

³² Nímtim jem Xiwan:

—Ich ánix jem Dios iAnama juuts tum cuucu cuando quet dende sinyucmi. Miñ iti con je.

³³ Jesic ich da idic anjodon iapaap jem pixin jem miñpáppic, pero cuando Dios acutsat iga acchínóypa con ni, anímáy iga: “Cuando íñixpa iga jem Dios iAnama quetpa sinyucmi y miñ iti con

tum p̄ixiñ, jesic iñjodon iga jeam jém ininjócpáppic. Acchíjópátim mex je con jém Dios iAnama, da je con ni.” ³⁴ Ich ánix iga jem̄pigam iñasca yíp p̄ixiñ, jeeyucmi wiap mannímáy iga yíbam p̄ixiñ jém Dios iManic.

Jesús icupin jém wiñtipic icuyujc̄wiñ

³⁵ Jesic tungagam jama jem̄tim ityaj jém Xiwan con wisten jém icuyujc̄wiñ. ³⁶ Iix jém Xiwan iga widañnaspá jém Jesús. Jesic iñímáy jém icuyujc̄wiñ:

—Ixtaami jém p̄ixiñ. Yíbam jém Dios iCordero.

³⁷ Jesic jém wisten icuyujc̄wiñ imaton ti iñímáy, moj itúnjy jém Jesús. ³⁸ Jesic Jesús iámseedáy, iix iga itúnjypa jém wisten, iñímáy:

—¿Ti miñ immétsta?

Nimyaj jém wisten:

—¿Rabí, (taichtam tanañmat̄imi nimtooba, Maestro), jut miit?

³⁹ Jesic Jesús iñímáy jeeyaj:

—Miñi aami.

Jesic nic iámyaj jut it Jesús. Jemum iyaj jém jama, núcyaj a las cuatro.

⁴⁰ Tum de jém wisten jém imatonneyajwiip junimpa jém Xiwan, jém itúnjywiip jém Jesús, iñiyi Anti. It̄wi jém Ximój Peto. ⁴¹ Jesic jém Anti wiñti nic iméts it̄wi jém Ximój, iñímáy:

—Ampátneum jém Mesías. (Taichtam tanañmat̄imi nimtooba jém Cristo.)

⁴² Ocmi jém Anti ininíc jém Ximój jut it Jesús. Jesic Jesús iwíámpa jém Ximój, iñímáy:

—Mich miXimój, jém Jonás mimānic, pero siip manacniyap iga miCefas. (Taichtam tanañmatimi nímtooba iga Peto.)

Jesús inwejáypa jém Felipe y jém Natanael

⁴³ Jesic tungagam jama nictooba idic Jesús jém naxyucmi de Galilea. Ipát jém Felipe. Nímayta:

—Mĩñi atúñyi.

⁴⁴ Yip Felipe jém Betsaidapic pĩxiñ, jeetim attebet jut tsucum jém Anti y Peto. ⁴⁵ Jesic jém Felipe nic iméts jém Natanael, iñímáy:

—Ampátneta jém pĩxiñ jém tanímayñewiip iga miñpa jém Moisés y jém tungac jém wiñicpic profeta jém ijayñewiip Dios inmati. Je jém Jesús, jém Nazaretpic, jém José imānic.

⁴⁶ Nĩmpa jém Natanael:

—¿Que wiap iput tum wibic pĩxiñ de jém attebet de Nazaret?

Nĩmpa Felipe:

—Mĩñi aami.

⁴⁷ Cuando Jesús iix iga icunúcpa jém Natanael, iñímáy:

—Yiim miñpa tum nunta Israelpic pĩxiñ, jém dapic inij migooyi.

⁴⁸ Jesic jém Natanael icwác jém Jesús, iñímáy:

—¿Jutsa mánixpic?

Nĩmpa Jesús:

—Antes que danam minwejayñe jém Felipe, mánix jut miit jém tsujcucim.

⁴⁹ Jesic jém Natanael iñímáy jém Jesús:

—Rabí, micham jém Dios miMānic. Micham miRey de Israel.

⁵⁰ Jesic Jesús icutson, iñímáy:

—Siip mich aṇcupicpa porque mannímáy iga mánixñe jém tsujcucim. Núcpa jama iga íñixpa jém más mijpic milagro. ⁵¹ Numa mannímáypa iga íñixtámpa iga ájáypa jém sin y químpa y quetpa jém sinyucmipic pixiñtam aichyucmi, jém aMiññewiip Sinyucmi.

2

Jém aṇcoomíyóycuy jém attebet de Caná

¹ Ocmi nas tucunajama, it tum aṇcoomíyóycuy jém attebet de Caná jém naxyucmi de Galilea, ittim jém Jesús iapa. ² Aṇwejayyajtātim jém Jesús con icuyujciwiñ iga niguiñ jut it jém aṇcoomíyóycuy. ³ Yaj jém vino, jesic Jesús iapa iñímáy:

—Siip yajneum jém vino.

⁴ Jesic jém Jesús iñímáy:

—Yomo, ¿tiiga annímáy iga yajneum jém vino? Danam núcne jém hora iga aṇwatpa jém milagro.

⁵ Jesic jém Jesús iapa iñímáy jém icuyoxayajpaap jém tic iomi:

—Wattaami itumpiy juuts miñímáypa.

⁶ Jemum it seis jém tsaamajcuy. Cucómayñeta ni iga icheeyajpa ici juuts jém judíos icostumbre. Cada jém majcuy iyajpa ochenta o cien litro de ni.

⁷ Jesic Jesús iñímáy jém mozo:

—Comtaami yípyaj majcuy con ni.

Jesic moj icomyaj jém seis majcuy hasta wi com.

⁸ Jesic Jesús iñímáy jém mozo:

—Siip topi uxan, nigi chi jém mayordomo de jém sin.

Jempigam iwatyaj. ⁹ Jesic jém mayordomo iuc uxan jém ni jém acsetnetawip iga vino, pero da ijodon jut ipicyaj jém vino. Pero jém mozo, jém itopneyajwip jém ni, ijodon jut ipic jém vino. Jesic jém mayordomo inwejay jém pixiñ jém yoomiypaap. ¹⁰ Inimáy:

—Jesic nawattap sin, itumpiy ichiiba wiñti jém más wibic vino iga iuguñ jém iamigoyaj. Jesic ocmi cuando iucneyajum jáyan jém wibic vino, jesic chiijajtap jém vino dapic jaya wi. Pero mich iniccáyñe jém más wibic vino hasta siip.

¹¹ Jempam moj iwat Jesús jém milagro jém attebet de Caná, jém naxyucmi de Galilea. Anquejayyajta jém pixiñtam iga iniit jém Dios ipimi. Jém icuyujciwiñ tsam icupicyaj jém Jesús.

¹² Jesic ocmim, nic Jesús jém attebet Capernaum. Iwagananicyaj iapa, itiwitam y jém icuyujciwiñ. Pero jemum da watña jama tsíyyaj.

Jesús iquebacputpa jém númyajpaap jém mijpic masticjom

(Mt. 21:12-13; Mr. 11:15-18; Lc. 19:45-46)

¹³ Jesic jeetim tiempo núctooba jém pascuasín jém iwatyajpáppic jém judíos. Nic Jesús Jerusalén jut iwatyajpa jém sin. ¹⁴ Y jém mijpic masticjom ipát jém imáyyajpáppic jém xix, jém borrego y jém cuucuyaj. Jemum coñyajtim imesacim jém icucacyajpáppic tumiñ. ¹⁵ Jesic Jesús ipic tum tipxi, iwat tum cótsóycuy. Iquebacput itumpiy jém pixiñtam

jém itw̃ip masticjom con jém xixyay y jém bor-regoyaj. Ipatspatsquedáy itumiñ naxyucm̃i jém icucacyajpáppic tumiñ. Ichiputseedáy jém ime-sayaj. ¹⁶ Iñímáy jém p̃ixiñtam jém imáyyajpaap jém cuucuyaj:

—Toptaami jém cuucuyaj aṇṣicm̃i. Odoy acsettaami anJatuñ itic juuts tum mercado.

¹⁷ Jesic jém Jesús icuyujc̃w̃iñ ijisyajpa juuts jayñeta jém Dios iñmat̃i. Nimpa: “Ich tsam̃ p̃imi aṇwatpa cuenta mich iñtic, manJatuñ Dios.”

¹⁸ Jesic jém judíos icwácyajpa. Nímayta Jesús:

—¿I mip̃im̃iy iga iñquebacput jém p̃ixiñtam? Si-iga Dios mip̃im̃iy, jesic aṇquejaayi aichtam tum milagro.

¹⁹ Jesús iñímáy jeeyaj:

—Miswattaami yíp mastic, jesic jém tucunajama anactsucumpa eyb̃ic.

²⁰ Nímyaj jém judíos:

—Cuarenta y seis am̃tiy yoxayaj iga iwatyaj yíp mastic. ¿Que w̃iap iñictsucum en tucunajama?

²¹ Pero cuando nimpa Jesús iga iwatpa eyb̃ic jém mastic, je iñmatpa de jém im̃jtay. ²² Cuando accaatap jém Jesús y ocm̃i p̃ispa, jesic jém icuyujc̃w̃iñ ijisyajpa ti iñímáy jém Jesús. Jesic icupicyaj jém Dios iñmat̃i jém jayñetaw̃ip y jém iñmat̃i jém iñímayñew̃ip jém Jesús.

Jesús ijodoñ ti iniityaj iṇamanj̃om jém p̃ixiñtam

²³ Jesic iganam it Jesús jém Jerusalén, cuando iwatyajpa jém pascuas̃iṇ, jáyañ jém p̃ixiñtam moj icupicyaj porque iixyaj jém w̃ib̃ic milagro jém

iwatnewiip. ²⁴ Pero jém Jesús da iniiayyaj confianza jém pìxiñtam, porque ijodon ti iniityaj ianamanjom itumpiy jém pìxiñtam. ²⁵ Da ixunpa Jesús iga i inmadáypa iga tsam malo jém pìxiñtam, porque ijodon iga tsam it mal ianamanjom.

3

Jém Nicodemo oy iám jém Jesús

¹ It idic tum fariseopic pìxiñ iñiyi Nicodemo, anjagooyi de jém judíos. ² Jém Nicodemo oy iám jém Jesús tsuucim. Mu iñúc, iñímáy:

—MamMaestro, anjodónata iga Dios micutsat iga anaquejaytámiñ aichtam. Da i wiap iwat jém wibic milagro juutspic mich inwatpa siiga da inwaganait Dios.

³ Jesic Jesús iñímáy jém Nicodemo:

—Numa mannímáypa siiga tum pìxiñ da nayxetpa eybic, jesic da tsíypa juuts Dios imichi ni da nicpa iti con Dios.

⁴ Jém Nicodemo icwác jém Jesús. Iñímáy:

—¿Pero jutsap iñayxet tum pìxiñ tsamipic? ¿Que wiap itigiy eybic jém iapa ipuujom iga nayxetpa?

⁵ Jesús icutson jém Nicodemo. Iñímáy:

—Numa mannímáypa siiga tum pìxiñ da naypa con ni y da naypatim con Dios iAnama, da tsíypa juuts Dios imichi ni da wiap itigiy jut it Dios.

⁶ Jém nayñewiip jém yomyucmi iniit no más jém vida yíp naxyucmi. Pero jém nayñewiip con Dios iAnama iniit jém sinyucmipic vida. ⁷ Odoy ámanjací iga mannímáy iga siiga da miñayxetpa

eybíc da miñúcpa jut it Dios. ⁸ Poypa jém sawa jut quej. Tammatonpa iga poypa jém sawa, pero da tanjodon jut miñpa ni jut nicpa. Jesaptim quejpa iga nayñe jém pixiñ con Dios iAnama. Pero da tánixpa jutsa miñay.

⁹ Jesíc jém Nicodemo iñímáy jém Jesús:

—¿Pero que jutsap tannasca jempic?

¹⁰ Nimpa Jesús:

—¿Que mich miIsraelpic mimaestro y da inçutiñyíypa ti mannímáypa? ¹¹ Numa

mannímáypa aichtam anwijodontam ti síp mannímáy. Mananmadaytámpa jém cosa jém ánixñewiip. Pero michtam da ancupigaytámpa.

¹² Siiga mananmadáypa jém cosa jém itwiip yíp naxyucmi y da incupicpa, ¿jesic jutsap incupic siiga mananmadáypa jém cosa jém itwiip sinyucmi?

¹³ 'Da i wiap iquím sinyucmi, no más ich wiap anquím. Ich jém aMiññewiip Sinyucmi, aít idic sinyucmi, pero aquet yíp naxyucmi iga anwatpa jém Dios iyoxacuy. ¹⁴ Wiñic jém Moisés ipanpa tum cuy, icquím tum tsañwatnas jém cuyyucmi cuando oyyaj jém Dios ipixiñtam jém titsinaxyucmi. Jesaptim aich, jém aMiññewiip Sinyucmi, acquímtap tum cuyyucmi ¹⁵ iga itumpiy jém pixiñtam, jém acupicneyajwiip aich, da togoypa, mas ipictsonyajpa jém vida jém dapic cuyajpa.

¹⁶ 'Dios tsam itoypa itumpiy jém pixiñtam jém ityajwiip yíp naxyucmi. Jeeyucmi ijíc iga accaata jém tumpic iManic iga itumpiy jém icupicneyajwiip jém Dios iManic da togoypa,

mas ipictsonpa jém vida jém dapic cuyajpa. ¹⁷ Porque Dios da icutsat iManic yíp naxyucmi iga ichiiba castigo jém pxiñtam. Icutsat iManic iga iciacputyajiñ itumpiy jém ityajwip icuwifi yíp naxyucmi.

¹⁸ 'Siiga tum pxiñ icupic jém Dios iManic, jesic da i ichiiba castigo. Pero jém dapic icupicpa, jesic Dios ijycámayñe iga ichiiba castigo porque da icupicpa jém Dios iManic jém tumpic. ¹⁹ Chiitap castigo jém pxiñtam porque cuando miñ yíp naxyucmi jém wibic juctiantsoa, jesic jeeyaj da iwianjamyaj. Tsam itoyyajpa jém piichi porque tsam iwianjam iga imalwatyajpa. ²⁰ Itumpiy jém imalwatyajpáppic ijóyxyajpa jém wibic juctiantsoa. Da icunúcyajpa jém juctiantsoa iga odoy quejiñ iga imalwatyajpa. ²¹ Pero jém iwatneyajwip juuts nimpa jém numapic anquímayooyi, icunúcyaj jém wibic juctiantsoa iga quejiñ iga iwíwatyajpa juuts ixunpa Dios.

Jém Xiwan jém acchíoypaap eybic inmatpa de Cristo

²² Jesic ocmi jém Jesús con icuyujcwiñ nicyaj jém naxyucmi de Judea. Jemigam nic itiyaj. Acchíoyyajpa. ²³ Acchíóypatim jém Xiwan jém atebet Enón nocojom de jém atebet Salim porque jemíc tsam it ni. Nicyaj jém pxiñtam iga achinyajtaiñ. ²⁴ Porque danam pajnetā cárcel jém Xiwan.

²⁵ Jesic algunos de jém Xiwan icuyujcwiñ moj añajiyaj con jém judíos iga ti ixunpa jém Moisés inquímayooyi iga tsíy tum pxiñ cuáyñe. ²⁶ Jesic

jém Xiwan icuyujc#wiñ nic inmadayyaj jém Xiwan. Inímayyaj:

—Mammaestro, jém p_ixiñ jém tanjiypátnewiip jém Jordán inwiñtuc, jém annímayñewiip mimich iga jeam jém Dios iM_anic, siip acchíyóypatim mex je. Nicyajpa itumpiy jém p_ixiñtam iga itúñiyajpa.

²⁷ Jesic jém Xiwan inímay jém icuyujc#wiñ:

—Siiga da ti tachiiba Dios, jesic da ti tanait.

²⁸ Michtam anw_imaton_neta cuando manañmadayta iga ich da je aCristo. Pero Dios acutsat iga anjagoyñeiñ ammiñ iga anw_itsagáypa jém Cristo ituñ. ²⁹ Cuando it jém ancoomíyóycuy, jesic jém representante wiñti iw_itsacpa itumpiy jém cosa. Jesic ocmi miñpa jém yoomiypaap iga ipictsonpa jém iyomo. Jesic maymay jém representante. Jesaptim aich. Agui amaymay iga núcneum jém Cristo. ³⁰ Siip más jáyanap jém Cristo ip_ixiñtam. Dam atúñiyajpa jém p_ixiñtam porque cuyajum jém anyoxacuy.

Jém Miññewiip Siñyucmi tsam wiap

³¹ Jém yucmipic miññe, je más wiap que itumpiy jém p_ixiñtam. Pero jém tsucumnewiip yíp naxyucmi iniit yíp naxyucmipic jixi. Inmatpa yíp naxyucmipic anquímayooyi. Pero jém yucmipic miññe inimiñ jém más wibic jixi. ³² Inmatpa jém wibic anquímayooyi jém iixñewiip y jém imatonnewiip siñyucmi. Pero jém p_ixiñtam da icupicyajpa jém inmadayooyi, itumpiy ijsiyajpa iga migooyi. ³³ Pero ich aXiwan ancupic jém inquímayooyi y mannímáypa iga je jém numapic,

da migóypa tanJatun Dios. ³⁴ Porque jém icutsatnewiip Dios, inmatpa jém Dios inmati. Quejpa iga tsam pimi chiiñeta jém Dios iAnama. ³⁵ TanJatun Dios tsam itoypa jém iManic. Ichiñcodáy itumpiy cosa ichiñom iga wiañ iwat juuts je iwianjam. ³⁶ Siiga i icupicpa jém Dios iManic, jesic ipictsonpa jém vida jém dapic cuyajpa. Pero siiga tum pixiñ da icupicpa jém Dios iManic, jesic da ipictsonpa jém vida jém dapic cuyajpa. Dios ichiiba jém pixiñ jém miipic castigo jém dapic cuyajpa.

4

Jesús anmatyajpa con tum Samariapic yomo jém mutcim

¹ Jesic imatonyaj jém fariseoyaj iga más jáyan jém pixiñtam itúñiyyajpa jém Jesús que jém Xiwan, icchinpatim más jáyan pixiñtam. ² Pero jém Jesús iyaac da acchíóypa, nada más acchíoyoyajpa jém icuyujcwiñ. ³ Mu ijodóna jém Jesús ti iñisyajpa jém fariseoyaj, jesic put de jém naxyucmi de Judea. Set eybic jém naxyucmi de Galilea.

⁴ Iganam nicpa Galilea jém Jesús, tienes que naspa jém naxyucmi de Samaria. ⁵ Jesic núc jém Jesús tum Samariapic atebet iñiyi Sicar. Da juumi jém nas jém ichiñewiip wiñigam jém Jacob jém imaníc José. ⁶ Jemtim it jém muti jém iwatnewiip jém Jacob. Cugapjama núc jém Jesús. Agui sopsne. Juumi miñ. Jesic coñ Jesús jém mutcim. ⁷ Jesic jeeti rato núc tum Samariapic yomo. Miñ ipic ni. Jesús iñimáy jém yomo:

—Acwaaci uxañ ni.

8 Da i jém icuyujc#wiñ. Nic ijuyyaj titam icútyajpa jém attebet Sicar. 9 Jesic jém Samariapic yomo iñímáy jém Jesús:

—¿Tiiga aṇwágáypa ni aich? Mich mijudío y ich aSamariapic ayomo.

Jempam nim jém yomo porque jém judíos tsam ijóyixyajpa jém Samariapic pixiñtam. 10 Jesic Jesús icutson jém yomo. Iñímáy:

—Meega mich iñjodon i miwágáypa jém ni y meega iñjodon tim iga Dios michiitooba jém wibic ni, jesic mich aṇwágáypa jém ni y ich manchiiba jém wibic ni jém michiipáppic jém vida.

11 Jesic jém yomo iñímáy jém Jesús:

—Pero mich da ini timi iñtoppa jém ni. Tsam jojmi jém muti. ¿Jutsap iñtop jém ni jém tachiipáppic vida? 12 Jém anjatunwewe ijatun jém Jacob ichac yíp muti para aichtam. Jém Jacob con jém imanictam nicyajpa yim. Icnicyajpatim jém ianimatyaj. ¿Que mich más miwíap que jém Jacob?

13 Jesic Jesús iñímáy jém yomo:

—Itumpiy jém iucyajpáppic yíp ni, yimpic it mutjom, níctitsyajpa eybic. 14 Pero jém iucpáppic jém ni, jém ichpic anchiiba, dam eybic níctitspa. Jém ni tsíypa juuts tum ni ixcu y ianamanjom. Iyaacquímpa jém ni iga ichiiba jém vida jém dapic cuyajpa.

15 Jém yomo iñímáy jém Jesús:

—Mimich, achii jém ni, jesic dam eybic aníctitspa. Da amiñgacpa yim iga ampícpa ni.

16 Jesús iñímáy jém yomo:

—Nigi anwejaayi jém inwidaaya. Miñtaami yim.

¹⁷ Nim jém yomo:

—Da ajaayíy.

Jesic Jesús iníimáy:

—Da mimigóypa iga miñimpa iga da mijaayíy.

¹⁸ Porque iniit idic cinco inwidaaya y jém pixiñ jém siipic iniit da je inwidaaya. Da mimigóypa iga da mijaayíy.

¹⁹ Cuando imaton junimpa Jesús, jesic jém yomo iníimáy:

—Quejpa iga mich miprofeta. ²⁰ Aichtam jém aSamariapic anwewetam dende wiñigam ijsiyajpa Dios yíp cotsicyucmi. Pero mimichtam miñimtámpa iga solamente Jerusalén wiap tanjista Dios.

²¹ Jesús iníimáy jém yomo:

—Cupici siip ti mannímáypa. Núcpa jém jama iga wiap injista tanJatun Dios jutquej. Da miñicpa Jerusalén ni datim miquímpa yíp cotsicyucmi iga iniñwejpáttámpa Dios. ²² Mimichtam miitwip Samaria da injodon i injistámpa. Pero aichtam jém ajudíospic apixiñtam ánixpicneta jém nunta Dios porque Dios ichac iga tsucum jém naxyucmi de Israel jém ciacpudoypaap. ²³ Siip núctooba jém jama cuando jém numapic icupicneyajwip Dios ijsiyajpa Dios ianamanjom, ijsiyajpa juuts nimpá jém numapic anquímayooyi. Jém tanJatun Dios imétspa jém ijsiyajpáppic jempic. ²⁴ TanJatun Dios je tum Anama juuts jém sawa. Jém numapic icupicneyajwip Dios jeeyaj numa ijsiyajpa

Dios ianamanjom juuts nimpa jém numapic anquímayoyi.

²⁵ Jém yomo iñímáy Jesús:

—Anjodon iga miñpa jém Mesías jém icutsatpaap Dios, iñiyitim Cristo. Cuando núcneum jém Mesías, jesic tanquejáypa itumpiy jém wı́tampic anmatı.

²⁶ Jesic Jesús iñímáy jém yomo:

—Icham aje, jém siıppic mananmat.

²⁷ Jeeti rato núcyaj jém Jesús icuyujcıwiñ. Tsam ámanjacyaj iga anmatpa Jesús con jém yomo. Pero da i icwác jém yomo iga: “¿Íti miñ imméts?” Ni datim i icwác jém Jesús iga: “¿Ítiiga ininmatpa jém yomo?” ²⁸ Jesic jém yomo ichac imajcuy, nic jém attebet. Nic inmadáy jém pıxiñtam:

²⁹ —Nıgi aami tum pıxiñ. Anmadáy aich itumpiy titam anwatne dende wiñic. ¿Que da yı́bam jém Cristo?

³⁰ Jesic jeeyaj putyaj jém attebet, nic iámyaj jém Jesús. ³¹ Iganam nicne jém yomo, jém Jesús icuyujcıwiñ iñimayyaj:

—MamMaestro, mıñı miwiiqui.

³² Pero Jesús iñímáy jém icuyujcıwiñ:

—Ich anait wıccuy jém dapic iñıxpıctámpa mimichtam.

³³ Jesic jém icuyujcıwiñ mojpı nacwácyajtaji entre jeeyaj. Nımyajpa:

—¿Tananjam iga algunos inimíñáy jém wıccuy?

³⁴ Pero Jesús iñímáy icuyujcıwiñ:

—Cuando anwatpa juuts ixunpa Dios y anaccupacpa jém Dios iyoxacuy jex juuts ich anwıccuy. ³⁵ Michtam miñımtámpa iga: “Togoyñam

cuatro meses iga itpa jém cosecha.” Pero ich mannímáypa, ixtaami iga ciñneum jém cosecha. Jáyan jém pìxiñtam icupicyajtooba jém Dios inṁaṁti. ³⁶ Jém ipiñyajpáppic jém cosecha yojyajṁap. Ipiñyajpa jém pìxiñtam iga chiitap jém vida jém dapic cuyajpa. Itumpiy jém inñipneyajwiip y jém ipiñyajpáppic jém cosecha wagamaymáayajpa. ³⁷ Numa juuts nimpa jém aṁmaṁti iga tum pìxiñ inñippa jém cama, pero tungac ipiñpa jém cosecha. ³⁸ Mañcutsat iga niñuiñ impin jém yoxaji juṁ mich da inñip. Tungac yoxayajpa jém camjom, pero michtam impináypa jém iyoxaji.

³⁹ Jáyan jém Samariapic pìxiñtam jém ityajwiip jém attebet Sicar icupicyaj jém Jesús porque jém yomo inímáy iga: “Jém pìxiñ aṁmadáy itumpiy juuts ich aṁwatne.” ⁴⁰ Jesic cuando jém pìxiñtam núcyaj juṁ it jém Jesús, icunucsayyajpa. Inímayyaj iga: “Tsiiyi yim con aichtam.” Jesic jemum tsíy jém Jesús wisna jama. ⁴¹ Jesic iganam acuyujóypa Jesús jém attebet Sicar, mástím jáyanam jém pìxiñtam icupicyaj jém Jesús. ⁴² Jesic jeeyaj inímayyaj jém yomo:

—Siip anjodonṁtam iga yíp pìxiñ je jém Cristo jém iciacputpáppic itumpiy jém ityajwiip icuwiṁti yíp naxyucmi. Anjodonṁata porque anyaac ammatonṁeta ti nimpa, da no más iga mich anañmadáy.

Jesús icpis tum mijpíic anjagooyi ijaymanic

⁴³ Jemum poychíy wisnajama. Ocmi moigacum niñui jém Jesús jém naxyucmi de Galilea. ⁴⁴ Porque iyaac nim jém Jesús iga: “Wipectsonṁap jém profeta

jutquej, pero cuando nicpa najíyooyi iticmipic atebet, jém itiwitam da iwipictsonyajpa.”

⁴⁵ Cuando núc Jesús Galilea, jesic jém Galileapic pxiñtam iwipictsonyaj. Porque oy sinajiyaj jém pascuasín jém Jerusalén. Iixyajtim titam iwatne Jesús jém Jerusalén. ⁴⁶ Nicgac Jesús jém atebet Caná, jém naxyucmi de Galilea, jut icset jém ni iga vino. Jesic jemum it idic tum mipic anjagooyi, icuyoxap jém rey. Mimne jém anjagooyi ijaymanic jém atebet Capernaum. ⁴⁷ Cuando ijodónap jém anjagooyi iga putneum Jesús jém naxyucmi de Judea y núcneum jém naxyucmi de Galilea, jesic nic iám jém Jesús. Jém anjagooyi icunucsáypa jém Jesús iga niguiñ iticciim iga icpisáyiñ jém ijaymanic porque caatoobam. ⁴⁸ Jesic Jesús iñímáy jém pxiñ:

—Mimichtam, siiga da iñixtámpa jém wibic seña y jém witampic milagroyaj, da incupictámpa iga Dios acutsat yíp naxyucmi.

⁴⁹ Pero jém anjagooyi iñímáy Jesús:

—MánOmi, siipti tanicpa antes que caaba jém ammanic.

⁵⁰ Jesic Jesús iñímáy jém anjagooyi:

—Siip nicsim iñticmi. Pisneum jém immanic.

Jém pxiñ icupic ti iñímáy Jesús. Mojum seti iticmi. ⁵¹ Iganam seti idic iticmi jém anjagooyi, jesic tunjom ipát algunos de jém icuyoxayajpaap. Miñ imétsyaj jém iomi. Nímayta:

—Pisneum jém immanic.

⁵² Jesic jém anjagooyi icwác jeeyaj iga juchis hora moj uxáñaji iga pistooba jém imanic. Nímyaj:

—Matic a la una de la tarde ichac jém jawan.

⁵³ Jesic jém tsixi ijatun ijis iga jeetim hora Jesús inímáy iga: “Pisum jém immanic.” Jesic jém pixiñ icupic Jesús con itumpiy jém ityajwip iticcim.

⁵⁴ Wisten milagro iwat Jesús cuando set jém naxyucmi de Galilea de jém naxyucmi de Judea. Yíp jém ocmipic.

5

Jesús icpis tum pixiñ jém meycim iníyi Betesda

¹ Jesic yaj iwat jempic, núc jém jama iga jém judíos iwatyajpa tum sin Jerusalén. Nictim mex jém Jesús. ² Jemum Jerusalén it tum meyi watneta, taañianaca. Jém ni iníyi Betesda jém hebreopic anmatimi. Nocojom it jém taañi ipuerta iníyi jém Borrego iPuerta. Jém meyanaca it cinco corredor. ³ Woneyaj jém corredor jáyan jém mimneyajwip. Ittim jém cáchti, jém cuxuj y jém tusacanewip icumij. Injócyajpa iga tsigóypa jém ni. ⁴ Porque aveces miñpa tum sinyucmipic pixiñ iga ictsigóypa jém ni. Jesic jém wiñtipic tigiypa jém meyjom cuando tsigóypa jém ni, pisa de cualquier jém caacuy. ⁵ Jemum it tum pixiñ tsam pecam mimne. Iniitum jém caacuy treinta y ocho amtíy. ⁶ Jesic Jesús iix jém pixiñ jut wone. Ijodóna Jesús iga tsam pecam mimne, inímáy jém pixiñ:

—¿Inwianjam iga mipispa?

⁷ Jesic jém mimnewip inímáy Jesús:

—Mánomi, da anai i acucompa jém meyjom cuando tsigóypa jém ni. Iganam atigiytooba aich, wiñti tigiypa tungac.

⁸ Jesús inímáy jém pixiñ:

—Siip tsucumim, p̄iñim jém iñchees, w̄itim.

⁹ Jeeti rato pisum jém p̄ixiñ, ipiñ jém ichees, mojum w̄iti.

Watta ȳip milagro jém jejcuyjama. ¹⁰ Jém judíos p̄imi jóyñeyaj. Iñímayyaj jém p̄ixiñ jém pisnew̄ip:

—Ȳip jama jém jejcuyjama. Jém tananquímayooyi da ij̄icpa iga iñchimteñpa iñchees ȳip jama.

¹¹ Jesic jém mimnew̄ip idic iñímáy jém anjagooyiyaj:

—Jém p̄ixiñ, jém acpisnew̄ip, anímáy iga: “P̄iñim iñchees. W̄itim.”

¹² Jesic jeeyaj icwácyaj, iñímáy:

—¿I miñímáy iga: “P̄iñim jém iñchees, w̄itim”?

¹³ Pero jém acpisnetaw̄ip da ijodon̄ i icpis porque tsam it̄ñim jém lugar y nicneum jém Jesús.

¹⁴ Jesic ocmi Jesús ictsíy jém p̄ixiñ jém m̄ipic masticjom. Iñímáy:

—Siip mipisneum. Odom malwat̄i eybic iga odoy iññascain̄ tum cosa más p̄imi malo.

¹⁵ Jesic jém p̄ixiñ nic inmadáy jém judíos iga Jesús jém icpisnew̄ip. ¹⁶ Jém judíos ijóyixyajpa

Jesús iga acpisóypa jém jejcuyjama. Jeeyucmi tsam icpóyiyaj jém Jesús. Imétsyaj jut̄pic iccaayajpa.

¹⁷ Pero Jesús iñímáy jeeyaj:

—Jém anJatun̄ Dios yoxap hasta siip. Ich ayoxaptim.

¹⁸ Jeeyucmi jém judíos más p̄imi iccaayajtooba jém Jesús. Porque da solamente iga yoxap jém jejcuyjama, pero n̄impatim Jesús iga: “Ich jém Dios anJatun̄.” Jesic tsíy jex juuts tanJatun̄ Dios.

Jém Dios iM̄anic jextim ip̄imi juuts jém iJ̄atun

¹⁹ Jesic Jesús iñímáy jém p̄ixiñtam:

—N̄uma mannímáypa iga jém Dios iM̄anic da iwatpa juuts ij̄ispa iyaac, iwatpa juuts iix iga iwatpa jém iJ̄atun. Jém Dios iM̄anic iwatpa jextim juuts iwatne iJ̄atun. ²⁰ Jém anJ̄atun Dios itoypa jém iM̄anic y inquejáypa itump̄iy juuts je iwatpa. Ocmi Dios inquejáypatim iM̄anic jém más mij̄pic milagro y mimichtam tsam miámanjactámpa cuando iñixtámpa. ²¹ Porque jém anJ̄atun Dios icp̄ispa jém caaneyajw̄ip, ichiiba vida. Jesaptim iwat jém Dios iM̄anic, ichiibatim vida jém p̄ixiñtam jém iw̄ianjamyajp̄appic. ²² Jém anJ̄atun Dios da i ic̄ip̄in̄pa. Iccám iM̄anic juuts tum anjagooyi iga ic̄ip̄in̄ñ itump̄iy jém p̄ixiñtam, ²³ iga itump̄iy de jeeyaj icuj̄ipyajin̄ jém Dios iM̄anic. Jém dapic icuj̄ippa jém Dios iM̄anic, jesic datim icuj̄ippa jém anJ̄atun Dios jém icutsatnew̄ip.

²⁴ N̄imtim Jesús:

—N̄uma mannímáypa mimichtam, siiga immaton̄pa ich anan̄mat̄i y incup̄icpa Dios jém acutsatnew̄ip, jesic iniitum jém vida jém dapic cuyajpa. Jesic da imp̄ictson̄pa jém castigo. Michiyñe idic juuts caane jém iñanama, pero siip vivojam jém iñanama. ²⁵ N̄uma mannímáypa iga núcpa jém jama y siip núcneum iga jém p̄ixiñtam, jém caaneyajw̄ip, imatón̄ayyajpa jém Dios iM̄anic ij̄iyi. Jém icup̄icneyajw̄ip ti iñímáy, ip̄ictson̄yajpa jém vida. ²⁶ Jém anJ̄atun Dios iniit jém vida y w̄iap ichi i quej. Ichiiñet̄im jém iM̄anic jexp̄ictim p̄imi iga jeegacti w̄iap michi jém vida juutstim

anJatun Dios. ²⁷ Jém Miññewiip Siñyucmi chiita jém pimi iga iciipin jém pixiñtam. Jeeyucmi miñ yíp naxyucmi. ²⁸ Odoy ámanjaci cuando mannímáypa iga pisaypa jém caaneyajwiip. Porque núcpa jém jama cuando itumpiy jém pixiñtam, jém caaneyajwiip, imatónayyajpa jém ijiyi. ²⁹ Itumpiy jém caaneyajwiip putyajpa de jut cumneyajta. Jém iwatneyajwiip juuts iwianjam Dios, pisaypa iga ipictsonyajpa jém vida iga dam eybic caaba. Pero jém malopic pixiñtam, pisaypatim iga ipictsonyajpa jém castigo jut da nunca putpa.

Wiquejpa iga Jesús iniit Dios ipimi

³⁰ Jesic nintim Jesús:

—Ich da ti wiap anwat anyaac. Ançiipinpa jém pixiñtam juuts anímáy Dios. Jeeyucmi ich anwiciipinpa porque da anwatpa juuts ich anwianjam, pero anwatpa juuts iwianjam jém anJatun Dios jém acutsatnewiip. ³¹ Siiga ich anyaac mananmadáypa iga Dios acutsat, jesic da i acupigáypa jém ananmadayooyi. ³² It tungac testigo jém minmadaypáppic iga Dios acutsat. Ich anjodon iga nuumanmatpa cuando miñímáypa jut amiñ. ³³ Michtam incutsat jém pixiñtam iga niguiñ icwacyaj jém Xiwan jém acchínoypaap. Jém Xiwan miñuumanmadáy, da mimigóyáy. ³⁴ Ich da ansunpa jém testigo iga ayoxpátta aich, pero ammétsa jém testigo iga miyoxpáttamiñ iga miciaacputtamiñ mimichtam. ³⁵ Jém Xiwan jex juuts tum jucti iga miyicquejpa, agui witsocpa. Cuando it jém Xiwan, mimichtam agui mimaymaytam iga impictsonja jém Xiwan inquímayooyi. ³⁶ Pero

it tum testigo más wi que jem Xiwan. Jem milagroyaj, jem anwatnewiip, tsíy juuts tum testigo para ich. Cuando anwatpa jem milagro juuts anímáy Dios, jesic quejpa iga Dios acutsat yíp naxyucmi. ³⁷ Jem anjatun, jem acutsatnewiip yíp naxyucmi, tsíytim juuts tum testigo iga ich amiñ siñyucmi, pero mimichtam da queman immaton̄ta jem Dios ijiyi ni da queman iñix̄ta jem icuwiñ. ³⁸ Mimichtam, da inīta jem Dios in̄mati iñanaman̄jom porque da an̄cupicta aich jem acutsatnewiip Dios. ³⁹ Mimichtam tsam in̄cuyujcatámpa jem Dios in̄mati jem jayñewiip porque iñ̄jístámpa iga jemum impátpa jem vida jem dapic cuyajpa. Pero jem Dios in̄mati jem jayñewiip, miñmadáypa de aich. ⁴⁰ Mimichtam da michiytamtooba juuts ich man̄cuyujciwiñ iga wīaiñ impictson̄ta jem vida jem dapic cuyajpa.

⁴¹ N̄imtim Jesús:

—Ich da amméts̄pa jem p̄ixiñtam yíp naxyucmi iga acujípyajiñ. ⁴² Man̄wīxp̄icpa mimichtam, an̄jodon̄ iga da iñ̄toytámpa Dios. ⁴³ Ich amiñ jem an̄jatun Dios iñ̄iyimi, pero mimichtam da ampictson̄ta. Siiga miñpa tungac p̄ixiñ jem dapic je Dios im̄ichi, jesic impictson̄támpa. ⁴⁴ ¿Pero jutsap in̄cupicta Dios porque tsam minicujíptamtap iñ̄yaac? Da in̄wattamtooba jem w̄itampic cosa iga Dios icutum micujíptamiñ. ⁴⁵ Odoy j̄isi iga ich anaquímpa jem quejaj contra mimichtam jem an̄jatun Dios iwiñ̄jom. Pero jem Moisés numa iniquímpa jem quejaj contra mimichtam porque miñimtámpa iga in̄cupicta jem Moisés in̄químayooyi.

⁴⁶ Siiga numa inꝑucicta jém Moisés inꝑuímayooyi, jesic inꝑucictámpaŋim iga Dios acutsat porque jém Moisés ijay iga ich amiñpa. ⁴⁷ Pero siiga da inꝑucictámpa ti ijay jém Moisés, ¿jesic jutsap inꝑucic ti mannímáy?

6

Jesús icwíc cinco mil pìxiñtam

(Mt. 14:13-21; Mr. 6:30-44; Lc. 9:10-17)

¹ Ocmi, cuando yaj iñasca jempic, nic Jesús jém laguna anwiñtuc, iñiyi jém laguna Galilea, iñiyitim Tiberias. ² Tsam jáyan pìxiñtam itúñiyajpa Jesús porque iixyaj jém milagroyaj cuando icpìs jém mimneyajwip. ³ Quím Jesús tum cotsicyucmi, iwaganacoñyaj jém icuyujcñwiñ. ⁴ Núctooba jém pascuasñ jém iwatyajpáppic jém judíos. ⁵ Cuando ámqum Jesús, iix iga miñyajpa tsam jáyan jém pìxiñtam. Jesic iñímáy jém Felipe:

—¿Jut wiap tanjuy caxtánañi iga tanacwíctámpa itumpiy yípyaj pìxiñtam?

⁶ Ichobiñímáy jém Felipe jempic iga icutítspa, porque ijodon Jesús jutsap icwíc jém pìxiñtam.

⁷ Jesic jém Felipe iñímáy:

—Meega tanait doscientos tumiñ de plata iga tanjupa caxtánañi, da ictsíypa iga cada tumtum ipictsonpa uxan.

⁸ Jesic jém Anti, tungac jém icuyujcñwiñ, jém Ximoj Peto itíwi, iñímáy Jesús:

⁹ —Yim it tum jaychixi. Iniit cinco caxtánañi de cebada y wisten tñpi. Pero como tsam jáyan ityaj, da ictsíypa ni uxan.

¹⁰ Jesic Jesús iñímáy jém icuyujc#wiñ:

—Accoñyaji itumpiy jém pixiñtam.

Jesic coñyay múganjom, ityay como cinco mil jém pixiñtam. ¹¹ Jesic Jesús ipic jém caxtánañi. Cuando yaj inwejpát Dios, ichi jém caxtánañi jém icuyujc#wiñ. Jeeyaj iwécyaj, ichiiyay itumpiy jém pixiñtam jém coñyajw#ip. Jempictim iwat con jém t#ipi. Chiiyajta juuts ixunyajpa jém pixiñtam. ¹² Jesic cuando cusum wiiquiyaj, iñímáy Jesús jém icuyujc#wiñ:

—Siip pintaami itumpiy jém cutsiyñew#ip iga odoy togóy#ñ ni uxaj.

¹³ Jesic ipinyaj itumpiy jém cutsiyñew#ip, jém dapic yaj icútyaj jém pixiñtam. Icucomyay doce na-coon con jém cutsiyñew#ip de jém cinco caxtánañi de cebada. ¹⁴ Jesic jém pixiñtam cuando iixyaj jém milagro jém iwatnew#ip Jesús, n#myaj:

—N#ma y#p p#xiñ jém Profeta jém tananjóctampáppic iga miñpa y#p naxyucmi.

¹⁵ Pero Jesús icuti#y#y iga miñpa imats jém pixiñtam iga iccámpa p#m#mi juuts tum rey, jeeyucmi nic icutum tum cots#yucmi.

Witpa Jesús jém n#wiñpacyucmi

(Mt. 14:22-27; Mr. 6:45-52)

¹⁶ Jesic jocpiichabam iti. Quetyaj jém Jesús icuyujc#wiñ jém laguna añ#aca. ¹⁷ Ti#iyyaj tum barcojom, moj niquiyaj jém laguna añwiñtuc jém attebet Capernaum. Cupiichawum, pero danam quet jém Jesús. ¹⁸ Jesic moj poyi jém sawa tsam p#mi. Agui mij jém n#poa. ¹⁹ Juumi nic jém

barco como cinco o seis kilómetro. Icwityajpa jém barco con remos. Jesic jeeti rato iixyay iga miñpa jém Jesús, witpa imiñ jém niñwiñpacyucmi. Núc nocojom jut it jém barco. Tsam pimi cinyaj jém icuyujcwiñ. ²⁰ Jesic Jesús iñímáy jeeyaj:

—Aicham, odoy cñtaami.

²¹ Jesic iwipictsonyay jém icuyujcwiñ, icquímyaj Jesús jém barcojom. Jesic tumti rato núcyaj jém laguna aññaca jut nicyajpa.

Jém pixiñtam imétsyajpa jém Jesús

²² Jesic icuquejama jém pixiñtam, jém tsíyñeyajwip jém laguna aññaca, jut tsucumyay jém Jesús icuyujcwiñ, ijodónayaj iga it idic jem no más tum barco. Ijodónayajtim iga jém Jesús da iwagananicyaj jém icuyujcwiñ barcojom.

²³ Iganam sip ijsyay jém pixiñtam, núcyaj wati jém barco, tsucumyay jém attebet de Tiberias. Núcyaj jém laguna aññaca nocojom jém lugar jut icútyajpa jém caxtánañi jut inwejpát Dios jém tánomi. ²⁴ Jesic cuando jém pixiñtam iixyay iga da i jém Jesús ni jém icuyujcwiñ, tigiyay jém tungac barcojom, jém yaguiñpic miñyay, nicyajtim jém attebet Capernaum iga imétsyajpa Jesús.

Jesús jém caxtánañi jém tachiipáppic vida

²⁵ Jesic cuando ipátyaj jém Jesús jém laguna añwiñtuc nimyajpa:

—MamMaestro, ¿juchis miñúc yim?

²⁶ Jesic Jesús iñímáy jeeyaj:

—Numa mannímáypa, mimichtam ammétstampa porque micusta mu inçútta jém

caxtánañi. Da ammétstámpa porque inçutiñiyta ti manañquejayta con jém wibic milagro jém anwatnewiip. ²⁷ Odoy yoxataami no más para jém wíccuy, jém itwiip yíp naxyucmi, porque je yajpa. Más wi iga miyoxatámiñ para jém tungac wíccuy jém dapic cuyajpa, jém michiipáppic jém vida jém dapic cuyajpa. Ich, jém aMiññewiip Siñyucmi, amiñ iga manchiiba jém wíccuy jém dapic cuyajpa. Quejpa iga acutsat jém anJatun Dios porque achi jém pimi iga wiñiñ anwat jém milagroyaj.

²⁸ Jesic jém pixiñtam iñímáy jém Jesús:

—¿Ti wiap anwatta iga anwattámpa jém Dios iyoxacuy?

²⁹ Jesús iñímáy jém pixiñtam:

—It tum yoxacuy iwianjam Dios iga inwattámiñ, acupictaami aich jém acutsatnewiip Dios yíp naxyucmi.

³⁰ Jesic jém pixiñtam iñímáy jém Jesús:

—¿Que jup seña anañquejáypa mimich iga mançupictámiñ? ¿Jup milagro wiap inwat? ³¹ Jém tanjatunwewetam wiñigam icútyaj jém maná jém titsinaxyucmi. Jayñeta jém Dios inmati iga: “Chiiyajta jém pixiñtam jém siñyucmipic caxtánañi.”

³² Jesic Jesús iñímáy jém pixiñtam:

—Numa mannímáypa, da je siñyucmipic caxtánañi jém ichiññewiip jém Moisés jém wiñicpic pixiñtam. Pero anJatun Dios michiiba jém nunta siñyucmipic caxtánañi. ³³ Porque jém caxtánañi, jém michiipáppic Dios, quetpa siñyucmi y ichiiba vida jém pixiñtam jém ityajwip yíp naxyucmi.

³⁴ Jesic nĩmyaj jeeyaj:

—MánQmĩ, achiitaami siempre jexpic caxtánañi.

³⁵ Jesic Jesús iñímáy:

—Ich jém acaxtánañi jém michiipáppic jém vida. Siiga i miñpa atúnjy, jesic da nunca yuap; siiga i acupicpa aich, jesic da nunca níctitspa. ³⁶ Mannímáyta iga mex ánixñeta mimichtam, da ancupictámpa iga michíyĩn juuts ich mancuyujciwiñ. ³⁷ Itumpiy jém pĩxiñtam, jém achiipáppic jém anJatun Dios, miñpa atúnjyyaj. Siiga miñpa atúnjy tum pĩxiñ, ampictsonpa, da anquebacputpa. ³⁸ Porque ich amiñ sinyucmi iga anwatpa juuts iwianjam Dios jém acutsatnewip. Da amiñ iga anwatpa juuts aich anwianjam. ³⁹ Jém anJatun, jém acutsatnewip yíp naxyucmi, da ixunpa iga togoypa ni tum jém pĩxiñ jém achiñewip aich. Achiitá jém pimi iga wiañ anacpisyaj jém ampĩxiñtam jém caaneyajwip jém íjanpigam jama. ⁴⁰ Porque jém anJatun Dios, jém acutsatnewip, iwianjam iga itumpiy jém pĩxiñtam, siiga iixyaj jém iManic, icupicyajpa, ipictsonyajpa jém vida jém dapic cuyajpa. Anacpisyajpa itumpiy jém ampĩxiñtam jém íjanpigam jama.

⁴¹ Jesic agui jóyñeyaj jém judíos. Icujiyyaj jém Jesús porque nĩmpa iga: “Ich jém acaxtánañi jém aquetnewip sinyucmi.” ⁴² Nĩmyaj jeeyaj:

—¿Que da yíbam jém José imaníc? Tánixpígáy jém ijatun y iapa. ¿Tĩiga tanímáypa iga quetne sinyucmi?

⁴³ Jesic jém Jesús iñímáy jém pĩxiñtam:

—Tsaci iga an̄cuj̄ytámpa mimichtam. ⁴⁴ Da i wiap imiñ iga acupicpa siiga jém anJatun̄ Dios da inimiñpa. Ich anacp̄ispa jém amp̄ixiñtam̄ jém caaneyajwiip̄ jém in̄an̄p̄igam̄ jama. ⁴⁵ Jém wiñ̄icp̄ic profeta ijaychacne jém libroj̄om̄ iga: “Dios iccuyujyajpa itump̄iy jém ip̄ixiñtam̄.” Siip̄ mannímáypa iga itump̄iy jém p̄ixiñtam̄ jém iccuyujneyajwiip̄ jém anJatun̄ Dios, jém imaton̄neyajwiip̄, miñpa atún̄iyyaj̄ aich.

⁴⁶ N̄impatim̄ Jesús:

—Ich anjodon̄ iga da i oypa iix jém anJatun̄ Dios, ich an̄cut̄um̄ ánixñe. Porque ich amiñ̄ jut̄ it̄ jém anJatun̄. ⁴⁷ Numa mannímáypa, jém acupicpaap̄ aich, ipictson̄pa jém vida jém dap̄ic cuyajpa. ⁴⁸ Ich jém acaxtánañi, jém manchiipápp̄ic vida jém dap̄ic cuyajpa. ⁴⁹ Mimichtam̄ in̄jatun̄wewetam̄, jém wiñ̄icp̄ic, icútyaj̄ jém maná jém titsinaxyucmi. Pero ocmi caayajtim̄ jeeyaj. ⁵⁰ Pero siip̄ manan̄madáypa iga it̄ tun̄gac caxtánañi jém quetnewiip̄ sin̄yucmi. Siiga i icútpa ȳip̄ caxtánañi da eybic caaba. ⁵¹ Ich̄tim̄ mismo jém acaxtánañi jém aquetnewiip̄ sin̄yucmi. Siiga i icútpa ȳip̄ caxtánañi, itpa para siempre. Jém caxtánañi, jém manchiipápp̄ic, ich am̄mij̄tay. Ich̄ anyaac̄ an̄jicpa iga accaatap̄ iga anyojáypa jém p̄ixiñtam̄ it̄an̄ca iga ipictson̄yajpa jém vida jém dap̄ic cuyajpa.

⁵² Jesic̄ jém judíos nacwácyaj̄tap̄ entre jeeyaj. Moj̄ an̄ajiyaj̄. Nanímayyaj̄tap̄:

—¿Jutsap̄ tachi jém im̄ij̄taȳ iga tan̄cúdáypa?

⁵³ Jesic̄ Jesús in̄ímáȳ jeeyaj:

—Ich jém aMiññewiip Siñyucmi, numa mannímáypa siiga mimichtam da inćútpa ich ammiytay y siiga da íñucpa jém annipiñ, jesic da iniij jém vida iga nicpa miiti con Dios. ⁵⁴ Siiga i icútpa jém ammiytay y iucpa annipiñ, iniitum jém vida jém dapic cuyajpa; anacpíspa jém íñanpigam jama. ⁵⁵ Jém ammiytay nunta wíccuy y jém annipiñ nunta uccuy, mimatspagáypa íñanama. ⁵⁶ Siiga i icútpa ammiytay y iucpa annipiñ, awaganaitpa aich y ich anwaganaitpa je. ⁵⁷ Jém anJatun Dios jém acutsatnewiip iniit jém vida. Ich anaittim jém vida porque achiiñe jém anJatun. Jesanetim jém ampixiñtam jém icútnewiip jém ammiytay, iniityajtim jém vida jém dapic cuyajpa, porque ich anchiiñe. ⁵⁸ Mananmadáypa de jém caxtánañi jém quetnewiip siñyucmi. Yíp caxtánañi da jex juuts jém wíccuy jém maná jém icútneyajwiip jém injatunwewetam wiñigam. Jeeyaj caayajtim itumpiy. Pero siiga i icútpa yíp caxtánañi, iniitpa jém vida jém dapic cuyajpa para itumpiy tiempo.

⁵⁹ Jesús inquejáypa jempic jém ityajwiip jém sinagoga jém atebet Capernaum.

Tachiita jém vida jém dapic cuyajpa

⁶⁰ Jáyan jém icuyujcwiñ cuando imatonjaypa ti nimpaj jém Jesús, jesic nimpaj:

—Tsam tánca yíp anquímayooyi. ¿I wiap icupic?

⁶¹ Jém icuyujcwiñ mojpaj icuyiyaj jém Jesús. Pero je ijodon ti síp inimpaj, jesic inimáj:

—¿Que da inwianjamta yíp anquímayooyi? ⁶² ¿Jesic ti injistampa siiga mimichtam ánixtampa, jém aMiññewiip Siñyucmi, cuando aquímgacpa siñyucmi

jut aít idic wiñigam? ⁶³ Tum pìxiñ ianama iniit jém ivida. Pero siiga putpa jém ianama, jesic jém imijtay da ti cuwatcuy. Ich ananmati, jém mananmadayñewiip, numa iniit jém vida, iniit jém anama. ⁶⁴ Pero todavía it algunos de mimichtam da incupictámpa ich ananmati.

Mu icupin Jesús jém icuyujcwiñ ijodon iapaap da icupicpa y iapaap iwadáypa jém atraición. ⁶⁵ Jesic Jesús iñímáy itumpiy jém itúñiyajpaap:

—Jeeyucmi mannímáypa iga da i wiap imiñ iga atúníypa siiga jém anJatun Dios da ijícpa, siiga da anamíñáypa.

⁶⁶ Dende jesigam tsam jáyan jém Jesús icuyujcwiñ ichaganputyaj iga iwaganasiba, da más itúñiyaj. ⁶⁷ Jesic Jesús icwácpa jém doce icuyujcwiñ. Nímayta:

—¿Que mimichtam antsaganputpatim?

⁶⁸ Icutson jém Ximój Peto, iñímáy:

—Mánomi, ¿jesic i antúníypa? Mimich iniit jém wibic anmati jém tachüpáppic jém vida jém dapic cuyajpa. ⁶⁹ Aichtam mancupicnetámum y anjodónanetámum iga mich miCristo jém Vivopic Dios miManic.

⁷⁰ Jesic Jesús iñímáy jém icuyujcwiñ:

—Ich mancupineta mimichtam jém doce mancuyujcwiñ. Pero tum de mimichtam miwoccwiñ.

⁷¹ Inmatpa Jesús de jém Judas Iscariote, jém Ximój Iscariote imaníc. Je tum de jém docepic icuyujcwiñ, pero iwadáypa atraición jém Jesús.

7

Jém Jesús itiwitam da icupicyajpa

¹ Jesic ocmi cuando yaj inquejáy jempic, siiba Jesús jém naxyucmi de Galilea. Da nictooba jém naxyucmi de Judea porque jém judíos iccaaya-jtooba. ² Da jáypa núc jém siñ iga iwatyajpa jém nacxtic jém judíos. ³ Jesic jém Jesús itiwitam iñimayyaj:

—¿Tiiga michíy yim? Nici jém naxyucmi de Judea iga itumpiy jém incuyujciwiñ jém ityajwiip jém naxyucmi de Judea wiap iixyay ti inwatpa. ⁴ Siiga i ixunpa iga ixpictaiñ, jesic da iyamwatpa tum cosa jut da i iixpa. Siiga mich inwatpa jexpic cosa, odoy yamwati. Wati jém pixiñtam anucmi iga miixtaiñ.

⁵ Porque jém itiwitam datim icupicyajpa jém Jesús. ⁶ Jesic Jesús iñimáy jeeyaj:

—Danam núcne jém hora iga anwatpa juuts ixunpa Dios jém naxyucmi de Judea. Pero mimichtam juchis quej wiap iññic. ⁷ Jém pixiñtam, jém ityajwiip yíp naxyucmi, da mijóyixtámpa mimichtam. Pero tsam ajóyixyajpa aich porque ich atsíy juuts tum testigo iga tsam imalwatyajpa jeeyaj. ⁸ Mimichtam, nicstaamim mixínajitam. Ich da anicpa porque danam núcne jém hora iga anicpa.

⁹ Ocmi yaj nimi jém Jesús, jemum tsíy jém naxyucmi de Galilea.

Yamnic Jesús jém mijpic siñjom

¹⁰ Cuando nicyajum sínajiyaj jém itiwitam, jesic nictim mex jém Jesús. Da nic cucwiñjom, pero yamnic. ¹¹ Jém judíos imétsyajpa jém Jesús sinjom. Nímyajpa:

—¿Jut it jém p̄xiñ?

¹² Jesic jém p̄xiñtam jém ityajwiip jém sinjom nacwácyajtap entre jeeyaj iapaap jém Jesús. Nímyajpa algunos iga agui wibic p̄xiñ jém Jesús. Pero tungac nímyajpa iga tsam imigóyáypa jém p̄xiñtam.

¹³ Pero da i inmatpa jut wiap imatonyaj jém judíos porque tsam cinyajpa. ¹⁴ Cuando núcne cucmi iga sinayajpa jém p̄xiñtam, jesic tigiy Jesús jém m̄ipic masticjom. Moj accuyujooyi. ¹⁵ Jesic jém judíos tsam ipooñanjamyaj cuando imatonyaj jém Jesús. Nímyaj:

—Da oy cuyuji yíp p̄xiñ, pero tsam j̄ixiíy.

¹⁶ Jesic Jesús iñímáy jeeyaj:

—Yíp anquímayooyi da ich ammiichi. Imiichi jém acutsatnewip. ¹⁷ Siiga tum p̄xiñ iwianjam iga iwatpa juuts ixunpa Dios, jesic icutiíyíypa iga Dios imiichi yíp anquímayooyi, da ich anjixquiimi. ¹⁸ Siiga tum p̄xiñ ijixquímpa tum anquímayooyi, iwatpa iga cujĩptaĩñ. Pero siiga tum p̄xiñ ixunpa iga cujĩptaĩñ jém icutsatnewip, jesic quejpa iga nuumanmatpa jém p̄xiñ, da migóypa, da t̄ancaíy ni uxañ.

¹⁹ ¿Que da numa michiĩñeta jém Moisés jém wiñicpic anquímayooyi? Pero mimichtam, ni tum, da incupictámpa jém anquímayooyi. Mimichtam, ¿tiiga anaccaatamtooba aich?

²⁰ Nĩmyajpa jeeyaj:

—Mich iniit tum mal espíritu. ¿I miccaatooba?

²¹ Jesic Jesús iñímáy:

—Mimichtam agui impooñanjamtámpa iga ich anwat jém milagro jém jejcuy jama. ²² Jém Moisés ichac jém costumbre iga inwattámiñ jém marca de circuncisión. Datim Moisés ictsucum yíp costumbre, pero jém wiñicpic pixiñtam iwattim jempic. Jeeyucmi mimichtam inwadaytámpatim jém marca tum jaychixi y da inwadaytámpa caso siiga jejcuy jama. ²³ Jesic siiga mimichtam inwadaytámpa jém marca de circuncisión tum jaychixi iga inwatpa juuts nĩmpa jém Moisés inquímayooyi, ¿jesic tiiga anjáyixpa aich siiga anacpĩspa tum pĩxiñ mimnewiip jém jejcuy jama? ²⁴ Odoy nĩmi iga imalwatpa tum pĩxiñ siiga da inwijodon. Wicĩpĩñi con wibic jixi.

Nĩmpa Jesús iga Dios icutsat yíp naxyucmi

²⁵ Jesic algunos jém ityajwiip jém Jerusalén moj nanĩmayyajtaji entre jeeyaj:

—¿Da yĩbam jém pĩxiñ jém imétsyajpáppic jém anjagooyiyaj iga accaataiñ? ²⁶ Yim it. Síp inmat jém pĩxiñtam icucwiñjom. Pero da i ijíyápa. ¿Tananjam iga jém anjagooyiyaj iñuntawijodon iga yíp pĩxiñ jém Cristo jém icutsatnewiip Dios? ²⁷ Pero taichtam tanjodon jut miñ yíp pĩxiñ. Pero cuando miñpa jém Cristo da i ijodon jut tsucumpa.

²⁸ Jeeyucmi pĩmi jĩypa Jesús jut accuyujóypa jém mijpic masticjom, nĩm mu ijiy:

—Numa michtam ánixpicpa y iñjodon̄tam jut amiññe, pero ich da amiñ anyaac. Jém acutsatnewiip je jém numapic Dios, michtam da iñixpictámpa. ²⁹ Pero ich ánixpicpa porque ich amiññe Diosc̄im, jeam acutsatne.

³⁰ Jeeyucmi jém anjagooyiyaj tsam imatsyajtooba jém Jesús. Pero da i wiap imats porque danam núcne jém hora iga matstap. ³¹ Y tsam jáyan jém p̄ixiñtam icupicyaj jém Jesús. Nimyajpa:

—Cuando miñpa jém Cristo, ¿que wiap iwat tungac más wibic milagro que jém iwatnewiip yíp p̄ixiñ? Da wiap.

Jém fariseoyaj icutsat jém policía iga imachiñ jém Jesús

³² Jesic jém fariseopic anjagooyiyaj imatonyaj ti nimyajpa jém p̄ixiñtam de jém Jesús. Jesic jeeyaj con jém panij anjagooyiyaj icutsat jém masticjompic policía iga niguiñ imatsyaj jém Jesús. ³³ Jeeyucmi Jesús iñimáy jém p̄ixiñtam:

—Apoyitpa con mimichtam tum rato. Da jáypa nicpa aiti jut it jém acutsatnewiip. ³⁴ Michtam ammétstámpa, pero da ampáttámpa porque nicpa aiti jut mimichtam da wiap iññicta.

³⁵ Jesic jém judíos moj nacwácyajtaji entre jeeyaj:

—¿Jut nicpa yíp p̄ixiñ iga da wiap tampátta? ¿Tananjam nicpa jém tungac naxyucmi jut it jém Israelpic p̄ixiñtam jém inmatyajpáppic griego iga iccuyujpa jém griegoyaj? ³⁶ ¿Íi nimtooba yíp p̄ixiñ cuando nimpa iga: “Michtam ammétstámpa, pero da wiap ampátta y jut nicpa aiti, da wiap iññúcta”?

Jém ni jém tachiipáppic vida

³⁷ Jesíc núc jém jama iga cuyajpa jém sɨ́, jém más mijpic jama. Teñchucum jém Jesús jém pɨ́xiñtam aɲcucmi. Pimi iɲ́yáypa jém pɨ́xiñtam, nímayyajtəp:

—Siiga miñictitstampa, miñi manacnicpa.

³⁸ Siiga tum pɨ́xiñ acupicpa aich, jesíc iniit juuts nɨ́mpa jém Dios ɨ́mɔti: “Tum mijpic nɨ́xcuy ianamanjom.”

³⁹ Cuando ɨ́matpa jempic, nímtooba Jesús iga jém icupicneyajwɨ́p, ipictsonyajpa jém Dios iAnama. Porque danam núcne jém Dios iAnama hasta nicgacpa Jesús sɨ́nyucmi.

Naweecyajtəp jém pɨ́xiñtam

⁴⁰ Jesíc cuando jém pɨ́xiñtam imatonyajpa ti nɨ́mpa jém Jesús, nɨ́myajpa algunos iga: “Yíp pɨ́xiñ numa jém profeta jém tananjócnewɨ́p.”

⁴¹ Pero tungac de jeeyaj nɨ́myajpa:

—Yíp pɨ́xiñ numa jém Cristo jém icutsatnewɨ́p Dios.

Pero jém tungac más de jeeyaj nɨ́myajpa:

—¿Que wiəp imiñ jém Cristo de Galilea?

⁴² Tanjodon iga nɨ́mpa jém Dios ɨ́mɔti iga jém Cristo jém David ɨ́cmanic imaníc. Naypa jém Belén, jeetim atebet jut it idic jém David.

⁴³ Jempigam nawécyajta jém pɨ́xiñtam.

⁴⁴ Algunos de jeeyaj imatsyajtooba jém Jesús, pero da i wiə mimats.

Jém anjagooyiyaj da icupicyaj jém Jesús

⁴⁵ Jesíc jém mastic ipolicía setyajum jut ityay jém panij anjagooyiyaj con jém fariseoyaj. Jesíc acwácyajta jém policia:

—¿Tiiga da inimiñta jém preso?

46 Nĩmyaj jém policía:

—Da i nunca wiap inmat juuts jém pĩxiñ.

47 Jém fariseoyaj iñĩmayyaj jém policía:

—¿Que mich incupictámpatim jém mĩgooyi?

48 Iñjodontam iga jém tanan̄jagooyiyaj ni jém fariseoyaj da icupicyajpa yíp pĩxiñ. 49 Pero yípyaj pĩxiñtam da icutiĩyiyajpa jém tanan̄químayooyi, jeeyaj da wiap iñúcyaj jut it Dios.

50 Jesic jém Nicodemo, jém oyñewiip iám jém Jesús tsuucim, tum fariseopic an̄jagooyi, iñĩmáy:

51 —Jém tanan̄químayooyi da ijícpa iga chiitap castigo tum pĩxiñ siiga da wiñti cĩpĩntap iga quejiñ siiga imalwatne.

52 Jém tungac an̄jagooyiyaj iñĩmayyaj jém Nicodemo:

—¿Que mich miGalileapictim mipĩxiñ? Cuyujcai jém Dios in̄mati iga iñjodónaiñ iga ni tum jém profeta da miña de jém naxyucmi de Galilea.

53 Jesic cada tumtum nicyaj iticciim.

8

Matst̄a tum yomo jém pejoypáppic

1 Pero nic Jesús jém cotsicyucmi iñiyi Olivos.

2 Jesic jém tungac jama, icuquejama, nicgacpa Jesús jém mijpic masticjom. Antuumayaj jém pĩxiñtam iga imaton̄yajpa. Jesic coñ jém Jesús, moj in̄quejáy jém antuum̄aneyajwiip. 3 Jesic algunos jém escribaspic maestroyaj con algunos jém fariseoyaj inimiñyaj tum yomo jut it Jesús. Matst̄a jém yomo porque pátt̄a jut pejóypa ixi. Namiñt̄a jém yomo

hasta jém pìxiñtam aṇcucmi iga icwácyajpa jém Jesús. ⁴ Nímaytap:

—Maestro, matsta yíp yomo porque pátta jūt pejóypa ixi. ⁵ Nimpa jém Moisés inquímayooyi iga tannácscatámiñ tsaami jém pejoypaap. Jesic mich anímaayi jup castigo tanchiiba yíp yomo.

⁶ Nímyajpa jem̄pic jém fariseoyaj iga icutítspa jém Jesús. Imétsyajpa jūtpic iquejajwadayyajpa jém Jesús. Jesic cómneactiṇ jém Jesús, moj jayi naxyucmi con ici. ⁷ Pero jeeyaj da ichacpa iga icwácyajpa. Jesic teñchucum jém Jesús, iñímáy jém inimiññewiṇp jém yomo:

—Siiga tum de mimichtam da mitañcaíy, wi iga iñyígáypa con jém wiñtipic tsa.

⁸ Jesic eybictim cómneactiṇ jém Jesús, moigacum jayi naxyucmi con ici. ⁹ Jesic cuando jém pìxiñtam imaton̄yay ti iñímáy jém Jesús, agui iṇisyajpa iṇaman̄jom iga táñcaíytim. Tumtumti moj niquiyaj. Wiñti nicyaj jém más tsamipic hasta cunigayyaj itumpiyyaj. Jesic icutumtim tsíy jém Jesús con jém yomo, jemum teñ jém cuarto icucmi.

¹⁰ Jesic teñchucum jém Jesús. Da i iix, tsíy no más jém yomo. Jesic Jesús iñímáy:

—Miyomo, ¿jūt it jém miquejajwadaypáppic? ¿Que da i wiṇa michi castigo?

¹¹ Jém yomo icutson. Iñímáy:

—Da i, mánomi.

Jesic Jesús iñímáy jém yomo:

—Ich datim manchiiba castigo. Siṇp nicsim. Odom malwaṭi eybic.

Jesús jém wibic juctian̄tsoca

¹² Ocmi eybictim accuyujóypa Jesús, iñímáy:

—Icham jém ajuctian̄tsoca, amiñ iga anyicquejpa jém ityajwiip yíp naxyucmi. Jém atúñiypaap da siiba jém plichcim, pero iniit jém jucti an̄tsoca ianamanjom, jém ichiipáppic vida jém dapic cuya-jpa.

¹³ Jesic jém fariseoyaj iñímayyaj jém Jesús:

—Mich iñyaac min̄matpa iga miapaap, jeeyucmi da quejpa iga miñuuman̄matpa.

¹⁴ Jesic Jesús iñímáy jeeyaj:

—Siiga ich anyaac anan̄matpa iga aiapaap, jesic numa jém anan̄mati porque anjodon̄ jut amiñ y anjodon̄tim jut anicpa. Pero mimichtam da iñjodon̄tam jut amiñ ni datim iñjodon̄ jut anicpa.

¹⁵ Michtam mic̄ipinoytámpa juuts nimpa yíp naxyucmipic anquímayooyi. Ich da i an̄cipin̄pa.

¹⁶ Pero siiga aciipínóypa juuts tum juez, jesic awic̄ipínóypa porque da anyaac aciipínóypa. Anwaganaciipínóypa jém an̄jatun̄ Dios jém acutsatnewip̄ yíp naxyucmi.

¹⁷ Jayñetawum michtampic ininquímayooyi: “Siiga wisten̄ testigo n̄impatim jem̄pic, w̄i iga tan̄cupicpa.”

¹⁸ Jesic itum w̄i porque anyaac ats̄y juuts tum testigo iga manan̄madáypa aiapaap. Ts̄yitim juuts testigo jém an̄jatun̄ Dios, jém acutsatnewip̄ yíp naxyucmi.

¹⁹ Jesic icwácyajpa jeeyaj. Nímaytap̄ jém Jesús:

—¿Jut it jém iñ̄jatun̄?

Jesús icutson̄, iñímáy jeeyaj:

—Mimichtam da ánixpicta aich ni datim íñixpicta jém anJatun Dios. Siiga ánixpicta aich, jesic íñixpictámpatim jém anJatun Dios.

²⁰ Jempigam inmatpa Jesús jém mijpic masticjom iganam accuyujóypa jém cuarto jut pintap jém ofrenda. Pero da i wiap imats porque danam núcne jém ihora.

Jém dapic icupicpa Jesús da wiap iñicyaj jut nicpa je

²¹ Jesic eybictim iñímáy jeeyaj:

—Ich anicpa. Mimichtam ammétstampa, pero da wiap ampátta. Jesic cuando micaanetámum, nicpa iñyojta jém iñtánca jut da nunca miputpa. Jut ich anicpa, mimichtam da wiap iññicta.

²² Jesic nimyajpa jém judíos:

—¿Jut nicpa yíp pìxiñ? ¿Que nacaatap iyaac? Porque nimpa: “Jut ich anicpa, michtam da wiap iññicta.”

²³ Jesic Jesús iñímáy jeeyaj:

—Mimichtam miñaxwiñpic, ich asinwiñpic, ich amiñ sinyucmi. Mimichtam yíp naxyucmipic mipixiñtam, ich da yíp naxyucmipic apixiñ.

²⁴ Jeeyucmi mannímáypa iga cuando micaanetámum, nicpa iñyojta jém iñtánca. Porque siiga da incupictámpa iga ich amiñ sinyucmi, jesic cuando micaanetámum, nicpa iñyojta jém iñtánca.

²⁵ Jesic icwácyajpa jeeyaj, nímayta jém Jesús:

—¿Que mich mijapaap?

Jesic Jesús iñímáy:

—Ich ajeam juuts mannímayñe wiñti. ²⁶ Wia manañquejayta iga mimichtam tsam mitañcaiyta y wiaptim meega mançipinpa mimichtam. Pero da anwatpa, porque nada más anañmatpa yíp naxyucmi jém anquímayooyi jém anímayñewiip jém acutsatnewiip. Je da migóypa, siempre numañmatpa.

²⁷ Pero da icutiyyiyaj iga nimtooba Jesús iga jém tanJatun Dios ichiñe jém inquímayooyi. ²⁸ Jeeyucmi Jesús inímáy jém pixiñtam:

—Ich jém aMiññewiip Siñyucmi y cuando acquímtap aich jém cunusyucmi, jesic incutiyyiytámpa aiapaap. Manañmadaytámpa jém anquímayooyi jém anquejayñewiip jém anJatun Dios. Da anyaac anjixquímpa. ²⁹ Jém anJatun Dios jém acutsatnewiip yíp naxyucmi, anwaganait aich. Da atsacne ancutum porque siempre anwatpa juuts je iwianjam.

³⁰ Iganam inmatpa jempic jém Jesús, jesic jáyan jém pixiñtam moj icupicyaj.

Jém Dios imanictam y jém icuyoxayajpáppic jém Wocçwiñ

³¹ Jesic Jesús inímáy jém judíos jém siippic icupicneyaj:

—Siiga mimichtam da inñhactámpa iga inwattámpa juuts mannímáypa, jesic numa michíypa iga mançuyujçwiñ. ³² Wiap incutiyyiyta jém numapic anquímayooyi, jesic jém numapic anquímayooyi miccutsigaytámpa iga oday michíytámiñ juuts tum esclavo.

³³ Jesic los de más jém judíos, jém dapic icupicneyaj Jesús, iñímayyaj:

—Aichtam jém Abraham amanictam. Da nunca atsiyta juuts tũm esclavo. ¿Íiiga annímaytampa iga acutsigaytamtaĩñ?

³⁴ Jesic Jesús iñímáy jeeyaj:

—Nũma mannímáypa, itũmpiy jém imalwatyajpáppic tsíy juuts esclavo porque iwatpa juuts ipiimíypa jém malopíc jixi ianamanjom. ³⁵ Mannímáypatim iga tũm esclavo da wiap iwaganait jém iomi itũmpiy tiempo. Pero tũm pixiñ imaníc wiap iwaganait jém ijatun itũmpiy tiempo. ³⁶ Siiga Dios iManíc miccutsigáypa, jesic da michíypa juuts esclavo iga inçuyoxap jém Wocciwiñ. ³⁷ Ich anjodon iga mimichtam jém Abraham mimanictam, pero mimichtam ancumectampa iga anaccaatamtooba aich porque da inwianjamta ti mananmadáypa. ³⁸ Mananmadáypa jém anquímayooyi jém anquejayñewip anJatun Dios. Pero mimichtam inwattampa juuts miñímayta mimichtam iñjatun.

³⁹ Jesic jeeyaj iñímayyaj jém Jesús:

—Aichtam anjatun jém Abraham.

Jesic Jesús iñímáypa:

—Siiga nũma mimichtam jém Abraham mimanictam, wi iga inwattampatim juuts iwatpa jém Abraham. ⁴⁰ Pero mimichtam ancumectampa iga anaccaatampa aich, aunque mananmadayñe jém numapic inquímayooyi jém achiiñewip anJatun Dios. Jém Abraham da nunca iwat jempic.

⁴¹ Michtam, siip inwattámpatim juuts iwatpa mich in̄jatun̄.

Jesic jeeyaj in̄ímáyaj jém Jesús:

—Aichtam da je ajeppen. Aichtam an̄jatun̄ tum̄, jém Dios an̄jatun̄.

⁴² Jesic Jesús in̄ímáy jeeyaj:

—Siiga numa Dios in̄jatun̄, tienes que antoytámpa aich porque ich amiññe jut it Dios. Ich da amiñ anyaac; Dios acutsatne yíp naxyucmi.

⁴³ ¿Tiiga da incutiíyiytámpa ti mannímáypa? Da wiap incutiíyiyta porque da incupicpa ich anan̄madayooyi.

⁴⁴ Mimichtam in̄jatun̄ jém Wocciwiñ. Jeam mimichitam. In̄wian̄jamta iga inwattámpa juuts ixunpa jém in̄jatun̄. Jém Wocciwiñ jém accaoypáppic dende wiñigam. Datim nunca nuuman̄matpa. In̄matpa migooyi porque je jém migoypaap, ictsucum jém migooyi.

⁴⁵ Aunque ich mannuuman̄madáypa, mimichtam da an̄cupictámpa. ⁴⁶ Ni tum̄ de mimichtam da wiap ampádáy ich antánca. Siiga mannuuman̄matpa, ¿jesic tiiga da an̄cupictámpa aich? ⁴⁷ Siiga Dios im̄ichi tum̄ pixiñ, iwimaton̄pa jém Dios in̄mat̄i. Mimichtam da je Dios mimichitam jeeyucmi da immaton̄támpa jém Dios in̄mat̄i.

Ittim jém tán̄omi Cristo cuando danam i jém Abraham

⁴⁸ Jesic jém judíos imalnímáy jém Jesús, n̄im̄yaj:

—¿Da mannímáy iga Samariapic mip̄ixiñ y tum̄ mal espíritu iniit in̄anaman̄jom?

⁴⁹ Jesic Jesús in̄ímáy:

—Ich da anai jém mal espíritu. Ich anwatpa jém wítampic cosa iga wíxtaiñ jém anJatun̄ Dios. Pero mimichtam da anwíxtámpa aich. ⁵⁰ Ich anyaac da ammétsa iga acujíptaiñ. Jém anJatun̄ Dios ixunpa iga acujíptaiñ. Jeetim anJatun̄ iciṗin̄pa jém malopic pixiñtam, ichiiba castigo. ⁵¹ Numa mannímáypa, siiga tum̄ p̄ixiñ icupicpa ich anan̄madayooyi, jesic da nunca caaba.

⁵² Jesic jém judíos iñímayyaj jém Jesús:

—Siip̄ ancutiṗiytámpa iga mich iniit̄ tum̄ mal espíritu iñanaman̄jom. Tsam̄ wiñigam ca jém Abraham. Caayajtim̄ jém wiñicp̄ic profeta, pero mich miñim̄pa iga siiga tum̄ p̄ixiñ icupicpa jém inin̄madayooyi, jesic da nunca caaba. ⁵³ ¿Que mich más miw̄iap que jém anjatun̄ Abraham jém caanew̄ip? Cucaayajtim̄ itump̄iy jém wiñicp̄ic profeta. ¿Mich ti iñj̄ispa iga miṗapaap?

⁵⁴ Jesic Jesús icutson̄, iñímáy jeeyaj:

—Siiga anacujíptap̄ anyaac, jesic da ti acuwatcuy. Pero anJatun̄ Dios acujíppa. Jeetim̄ Dios, jém miñimtamp̄app̄ic iga mich iñDios. ⁵⁵ Pero mimichtam da iñixp̄ictámpa Dios. Ich numa ánixpicpa. Siiga mannímáypa iga da ánixpicpa Dios, jesic amigóypatim̄ juuts mimichtam. Pero ich numa ánixpicpa Dios y siempre anwatpa juuts je anmadáy. ⁵⁶ Agui iw̄ianjam̄ jém iñjatun̄ Abraham iga wiap̄ iix jém jama iga amiñ yíp naxyucm̄i, agui maymay mu iix jém jama.

⁵⁷ Jesic jém judíos iñímayyaj jém Jesús:

—Mich da inij̄ ni cincuenta iñamt̄iy ¿y miñim̄pa iga iñixñe jém Abraham?

⁵⁸ Jesic Jesús iñímáy:

—Numa mannímáypa cuando danam nayñe jém Abraham, ich aittim.

⁵⁹ Jesic jém pìxiñtam ipinyaj tsa iga iñácscayajpa idic tsaami. Pero yam jém Jesús, put jém masticjom, nas jém pìxiñtam aṇcucmi. Nic.

9

Jesús icpìs tum pìxiñ cachtì mu iñay

¹ Cuando naspa Jesús tum lugar, iix tum pìxiñ, cachtì mu iñay. ² Jesic jém Jesús icuyujcìwiñ icwácyajpa. Nímayta:

—MamMaestro, ¿tiiga cachtì yíp pìxiñ mu iñay? ¿Que yíp pìxiñ iyaac iwat tánca, o jém ijatun con iapa iwat tánca iga cachtia mu iñay?

³ Jesic Jesús iñímáy jém icuyujcìwiñ:

—Da cachtì yíp pìxiñ iga táncaíy iyaac o iga táncaíy jém ijatun o iapa. Cachtia yíp pìxiñ iga ixtaiñ iga Dios wiap iwat jém wibic milagro. ⁴ Iganam siññi wì iga tanwatpa jém Dios iyoxacuy jém acutsatnewip, porque miñpa jém pìichi cuando da ì wiap iwat jém yoxacuy. ⁵ Iganam aít yíp naxyucmi, jesic ich jém wibic juctiantsoa, anyicquejpa jém ityajwip yíp naxyucmi.

⁶ Jesic yaj iñímáy jempic, Jesús tsujpa naxyucmi, iwat uxan tuuti con ichuyñi, iccámáy jém tuuti jém cachtì iixcuyucmi. ⁷ Jesic iñímáy jém cachtì:

—Nigi cutseaayi jém iñixcuy jém meyjom jém lugar Siloé.

Taichtam tanaŋmaṭimi jém Siloé nimtooba jém cutsatnetawip.

Jesic jém cáchtī nicpa icutseáy jém iixcuy. Cuando setpa, ixixóypam. ⁸ Jesic jém ivecinoyaj con jém iixñeyajwip idic cuando iwácpa tumiñ, moj nanímayyajtaji entre jeeyaj:

—¿Que da yíbam jém coññepaap idic yim iga iwácpa tumiñ?

⁹ Nimyajpa algunos:

—Numa, yíbam jém pxiñ.

Tuŋgac nimyajpa:

—Quénam jeam, pero da je.

Pero jém cáchtipic idic nimpá:

—Aicham.

¹⁰ Jesic jém anṭuumañeyajwip iñímayyaj jém cáchtipic idic:

—¿Jutsa mitoj jém iñixcuy?

¹¹ Nimpá jém cáchtipic idic:

—Jém pxiñ iñiyi Jesús iwat uxan tuuti, accámáy ánixcuyyucmi y anímáy iga: “Niḡi cutseaayí jém iñixcuy jém meyjom jém lugar Siloé.” Jesic oy anṭcutseáy ánixcuy, mojum aixixooyi.

¹² Jesic nimyaj jeeyaj:

—¿Sip jut it jém pxiñ?

Jém cáchtipic idic icutson:

—Da anjodon jut in.

Jém fariseoyaj icwácyajpa jém cachtipic idic

¹³ Jesic ocmim nanicta jém cáchtipic idic jém anjagooyicim jut it jém fariseoyaj. ¹⁴ Jecuyjama

idic cuando jém Jesús iwat uxaṇ jém tuuti iga ic-tojáy jém cáchtí iixcuy. ¹⁵ Jesic jém fariseoyaj eybic icwácyaj jém cáchtipic idic. Nímayta:

—¿Jutsa miixixóy?

Jesic jém cáchtipic idic nimpá:

—Jém p̄xiñ accámáy uxaṇ jém tuuti ánixcuyucmí. Oy añcutseáy jém ánixcuy jém meyjom. Siip aixixóypam.

¹⁶ Jesic algunos jém fariseoyaj nımyaj:

—Jém p̄xiñ, jém iwatnewiip jem̄pic, da je de Dios porque yoxap jém jecuyjama contra jém tananquımayooyi.

Pero jém tungac jém fariseoyaj nımyajpa:

—¿Pero jutsap iwat jém wibic milagro siiga tãñcaıytim jém p̄xiñ?

Jesic nawécyajta jém fariseoyaj. Agui áñayajpa.

¹⁷ Eybictim acwácta jém cáchtipic idic. Nımayta:

—¿Mich ti miñimpa, ĩapaap jém mictojayñewiip iñixcuy?

Nımpa jém cáchtipic idic:

—Je tum profeta.

¹⁸ Pero jém judíos da icupıcyajpa iga cáchtí idic jém p̄xiñ. Datim icupıcyajpa iga actojayta iixcuy hasta que inwejáyayyaj jém p̄xiñ ijatun con ĩapa. ¹⁹ Jém fariseoyaj icwácyajpa jém p̄xiñ ijatun. Nımayta:

—¿Que yıp p̄xiñ mich immanic, jém miñimpaap iga cáchtí mu iñay? ¿Jutsap miixixóy siip?

²⁰ Jesic nımyaj ijatun con ĩapa:

—Anjodon iga numa yıbam jém ammanic, cáchtí miñay. ²¹ Pero da anjodon jutsa miixixóy y ni

datim anjodon̄ i ictojáy jém iixcuy. Acwaaci jém ammanic porque siip mijam, wiap minmadáy iyaac i ictojáy iixcuy.

²² Jempigam nĩmpa jém cáchtipic idic ijatun̄ con iapa porque icĩnyajpa jém judíos. Porque jeeyaj iccám tum orde siiga nĩmpa tum pĩxiñ iga jém Jesús je jém Cristo, jesic quebacputtap jém sinagoga. ²³ Jeeyucmi nĩmyaj jém pĩxiñ ijatun̄ con iapa iga: “Acwaaci jém ammanic porque siip mijam jém ammanic.”

²⁴ Jesic jém judíos eybictim in̄wejáypa jém cáchtipic idic. Nĩmayta:

—Anuntawian̄madaayi. Jisi iga Dios taixpa. Odo y amigóyaayi. Ich̄tam anjodon̄ iga táncaíy jém pĩxiñ jém miñĩmpaap iga micpis.

²⁵ Jesic jém cáchtipic idic iñĩmá y jém anjagooyi:

—Ich̄ da anjodon̄ siiga táncaíy jém pĩxiñ. Pero annuntawijodon̄ iga acáchti idic y siip aixixóypam.

²⁶ Jesic eybictim acwácta. Nĩmayta jém cáchtipic idic:

—¿Ti miwadáy jém pĩxiñ? ¿Jutsa mictojáy jém iñixcuy?

²⁷ Jém cáchtipic idic iñĩmá y jém anjagooyi:

—Mannĩmayñeum ti awadáy jém pĩxiñ, pero mimichtam̄ da incupictámpa ti mannĩmayñe. ¿Tiiga anacwáctámpa eybic? ¿Que michíytooba juuts icuyujciwiñ?

²⁸ Jesic agui jóyyaj jém anjagooyiyaj. Moj imal-malnĩmayyaj jém pĩxiñ. Nĩmayta jém cáchtipic idic:

—Mimich micuyujciwiñ jém pĩxiñ. Aichtam̄ jém Moisés acuyujciwiñ. ²⁹ Ich̄tam anjodon̄ iga

wiñigam Dios ijíyáy jém Moisés, pero yíp Jesús ni da anjodon jutpic pìxiñ.

³⁰ Jesic jém cáchtipic idic iñímáy jém anjagooyi:

—Yíp cosa da oypa tánix. Mimichtam miñimtámpa iga inçupicne Dios, pero da iñjodon tam jutpic pìxiñ actojáy ánixcuy.

³¹ Tanwijodon iga Dios da imatónáypa tum malopic pìxiñ. Pero siiga tum pìxiñ ijispa Dios y iwatpa juuts ixunpa Dios, jesic numa Dios imatónáypa.

³² Nunca oypa tammaton iga tum pìxiñ wiap ictojáy tum cáchtí iixcuy jém cáchtipic miñay.

³³ Siiga yíp pìxiñ da je de Dios, jesic da ti wiap iwat.

³⁴ Jesic jeeyaj iñimayyaj jém pìxiñ:

—Mich tsam pimi mitáñcaíy miiññay. ¿Que mich siip anaccuyjtoobam aich?

Jesic quebacputta jém sinagoga jém cáchtipic idic.

Tsíy juuts cáchtí jém dapic icutíy jém Dios inmatí

³⁵ Jesic Jesús ijodóna iga quebacputta jém sinagoga jém cáchtipic idic. Cuando mipát jém pìxiñ, jesic Jesús iñímáy:

—¿Que mich inçupicpa jém Dios iManic?

³⁶ Jém pìxiñ iñímáy jém Jesús:

—MánQmi, anímaayi: ¿Iapaap jém Dios iManic iga wiain ançupic?

³⁷ Jesic Jesús iñímáy:

—Mich iñixñe. Aicham jém Dios aManic jém siippic minijmat.

³⁸ Jesic jém cáchtipic idic costeññeactin jém Jesús iwiñjom. Iñímáy:

—MánQmi, manꝑucꝑca.

³⁹ Jesic Jesús iñímáy jém ityajwꝑ jém:

—Ich amiñ yꝑ naxyucmi iga anꝑꝑinꝑajpa jém pꝑixiñtam. Amiñ iga ixixóyiñ jém cáchtꝑꝑc, amiñ iga cáchtꝑajꝑiñ jém ixixoyꝑꝑꝑc.

⁴⁰ Jesic algunos jém fariseoyaj jém iwaganaityajwꝑ Jesús, cuando imatonꝑaj ti inmadáy, nꝑmyaj:

—¿Que mijunꝑa iga aicham acáchtitam?

⁴¹ Jesic Jesús icutson. Nímayyajtꝑ:

—Meega micáchtꝑ, jesic da ꝑ michégáypa jém iñtánca, pero como miñimtámpa iga miixixóypa, jesic michíytámpa con jém iñtánca.

10

Jém iwatꝑꝑꝑc cuenta jém borrego

¹ Numa mannímáyꝑa, siiga tꝑm pꝑixiñ da tigꝑꝑa jém borrego itaañi ijꝑꝑꝑm, pero tigꝑꝑa tꝑm áñeymi, jesic quejpa iga tꝑm númpaap, pꝑmꝑm ininígáypa tꝑngac imꝑchi. ² Pero siiga tꝑm pꝑixiñ tigꝑꝑa jém taañi ijꝑꝑꝑm, jesic quejpa iga jém borrego iꝑmi. ³ Cuando núc jém borrego iꝑmi, jesic jém iwatꝑꝑꝑc cuenta jém puerta, ináypa jém puerta iga tigꝑꝑiñ jém borrego iꝑmi. Jém borregoyaj, jém imꝑchipꝑc, iꝑꝑꝑꝑajpa jém iꝑmi. Imatónactꝑꝑáypa jém iꝑmi ijꝑꝑ. Jesic jém pꝑixiñ inwejáypa jém iborregoyaj jém imꝑchipꝑc con inꝑꝑ. Itoppa jém taañijꝑm. ⁴ Jesic cuando yajum itop itꝑꝑꝑꝑ jém iborregoyaj, mojum nꝑꝑꝑꝑaj. Jém iꝑmi anjagoyñeeba inꝑc, jém iborregoyaj itúnꝑꝑꝑajpa porque imatónactꝑꝑáypa ijꝑꝑ. ⁵ Jém

borregoyaj da itún̄iyyajpa jém tungac p̄ixiñ jém dapic iixpicpa. Ic̄iñyajpa, cupóyayyajpa porque imatónact̄iyyáypa iga da je iomi ij̄iyi.

⁶ Jesús inquejáypa jém p̄ixiñtam con yíp cuento, pero jeeyaj da icut̄iyyiyyajpa ti inmadaytooba jém Jesús.

Jesús jém wib̄ic pastor iwatpa cuenta jém iborregoyaj

⁷ Jesic Jesús eybictim inmadáypa jém p̄ixiñtam. Nimpa:

—Numa mannímáypa iga icham jém apuerta jut tiḡiyyajpa jém borregoyaj. ⁸ Jém tungac maestroyaj, jém wiñtipic miñyaj cuando danam anúcne, je jém númyajpaap, pero jém borregoyaj da iwadayyajpa caso. ⁹ Icham jém apuerta. Siiga i tiḡiypa con aich, jesic ciacputtap. Jex juuts tum borrego tiḡiypa y putpa jém itaañijom y ipátpa jém w̄itampic m̄uc.

¹⁰ Jém númpaap miñ iga númpa, accaóypa, icujíñáypa jém p̄ixiñtam. Pero ich amiñ iga anchiiba jém p̄ixiñtam jém vida iga iniidiñ jáyan. ¹¹ Ich jém wib̄ic apastor tsam anw̄idap jém amborregoyaj. Jém wib̄ic pastor nachiiṭap iga accaatap iga jemp̄igam icupujpa jém iborregoyaj. ¹² Pero jém coñw̄iyoypaap jemp̄ic yoxap iga yojtap, da je pastor, da im̄ichi jém borrego. Jesic cuando iixpa iga miñpa jém lobo, c̄iñpa jém p̄ixiñ, ichacpa jém borregoyaj, poypa. Jesic jém lobo imatspa jém borregoyaj, iccupóyayyajpa. ¹³ Poypa jém yoxapaap porque nada más coñw̄iyóypa, da ij̄ispa jém borregoyaj, porque da je im̄ichi.

14 'Ich jém wibic apastor. Ánixpicpa jém ampixiñtam y jeeyaj aixpicyajpatim aich. 15 Jextim juuts jém anJatun Dios aixpicpa aich y ich ánixpicpatim jém anJatun. Ich anyaac anachiitap iga accaatap iga jempigam ancupujpa jém amborregoyaj. 16 Anaiftim tungac jém amborregoyaj, da yimpic, ich anamiñpatim. Amatónyajpatim ich anjiyi, acupicpatim mex jeeyaj. Jesic anantuumawatpa itumpiyyaj iga wagaityajiñ tumti lugar y tumti pastor injacyajpa.

17 Jém anJatun Dios tsam atoypa porque anyaac anachiitap iga accaatap. Jesic ocmi anyaaactim ampictsonpa eybic jém amvida. 18 Jém ánenemigoyaj da wiap acca, pero ich anyaac anjicpa iga accaatap. Ich anaít jém pimi iga anyaac anachiitap iga accaatap. Anaiftim jém pimi iga anyaac ampictsonpa eybic jém amvida. Jempigam anwatpa porque apiimiy jém anJatun Dios.

19 Jesic cuando jém judíos imatonyajpa ti nimpa jém Jesús, mojpá añajiyaj. Nawécyahtap eybic.

20 Wati de jeeyaj nimyaj:

—¿Tiiga injwadaytampa caso? Yíp pixiñ iniit tum mal espíritu, tsam locoanmatpa.

21 Pero tungac de jeeyaj nimyaj:

—Jém iniitwip tum mal espíritu da wiap inmat jém wibic anmati juuts inmatpa yíp pixiñ. Jém mal espíritu da wiap ictojoy tum cáhti iixcuy.

Jém judíos iñáscayajtooba tsaami jém Jesús

22 Jesic núc jém tiempo de succuc cuando jém Jerusalénpic pixiñtam icusínacayajpa jém mijpic mastic. Wattap jém sin cada amtiy. 23 Jesic nic Jesús

jém mijpic masticjom, widaŋnaspa jém corredor iñiyi Salomón. ²⁴ Jesic an̄tuumañeyaj tsam jáyan jém judíos, icuteñxetyaj jém Jesús. Nĩmyaj jeeyaj:

—¿Mijapaap? Tsam an̄jodónatooba. Siiga micham miCristo, siibam nunta an̄matĩ.

²⁵ Jesic Jesús iñímáy jeeyaj:

—Mannímáyñeum iga ich aCristo, pero da incupicta ti mannímáy. An̄wat jém milagroyaj con jém an̄Jatun̄ Dios ipimi iga wīquejiñ iga icham aCristo. ²⁶ Pero mimichtam da incupictámpa porque da je mamborregotam juuts mannímáyñe pecam. ²⁷ Ich amborregoyaj amatónactīyáypa jém an̄jiyi y ich ánixpicpatim jém amborregoyaj. Jeeyaj atún̄iyyajpa. ²⁸ Anchiiba jém amborregoyaj jém vida jém dapic cuyajpa. Jesic da nunca togoypa. Da i wīap atobáyáy ich an̄chijom. ²⁹ Jém an̄Jatun̄ Dios achī jém amborregoyaj y da i wīap atobáyáy jém amborregoyaj jém an̄Jatun̄ Dios icīijom, porque jém an̄Jatun̄ Dios tsam wīap. Je iniit̄ itump̄iy ipimi. ³⁰ Ich con jém an̄Jatun̄ Dios atum̄titam.

³¹ Jesic jém judíos eybictim ipiñyajpa tsa iga iñácscayajpa tsaami Jesús. ³² Jesic Jesús iñímáypa jeeyaj:

—Jáyan wītampic milagro an̄wat mimichtámanjom jém an̄Jatun̄ Dios ipimimi. ¿Jup milagro anan̄núcpa iga annácscatámpa tsaami?

³³ Jesic jém judíos iñímayyaj Jesús:

—Da mannácscatámpa tsaami iga in̄watne jém wītampic milagro. Mannácscatámpa tsaami iga in̄cuj̄ypa tan̄Dios. Mich mip̄ixiñ, pero miñ̄mpa iga mich miDios.

³⁴ Jesic Jesús iñímáy jeeyaj:

—¿Que da jayñetawum jém Moisés inquímayooyi iga nĩmpa Dios: “Mimichtam midiosam”? ³⁵ Siiga icnĩya jeeyaj iga diosyaj jém ipictsonneyajwĩp jém Dios inĩm̃ati, y da i wĩap ictogoy jém Dios inĩm̃ati jém jaychacnetawĩp, ³⁶ ¿jesic tiiga miñĩmtámpa iga ich añcujĩpa Dios cuando anĩmpa iga: “Ich jém Dios aM̃anic”? Porque Dios acupĩy y acutsat yĩp naxyucmĩ iga añwadiñ juuts je iwĩanjam. ³⁷ Siiga ich da añwatpa jém wĩbĩc milagro juuts iwatpa jém añjatun Dios, jesic odoy acupictaamĩ. ³⁸ Pero siiga ich añwatpa jém wĩtampĩc milagro juuts iwatpa Dios y mimichtam da inĩcupictámpa ti mannímáypa, jesic cupĩcĩ iga da je mĩgooyi jém milagroyaj iga wĩaiñ inĩcutĩiyĩta iga jém añjatun Dios it con aĩch y ich aĩt con añjatun Dios.

³⁹ Jesic jeeyaj eybĩctim imatsyajtooba jém Jesús, pero cĩput, da wĩq mimatsyaj.

⁴⁰ Eybĩctim nic Jesús jém ni añwiñtuc iñĩyi Jordán. Jemum tsĩy Jesús jut moj acchĩñooyi jém Xiwan. ⁴¹ Jesic tsam jáyan pĩxiñtam nic iámyaj jém Jesús. Nĩmyajpa jeeyaj:

—Jém Xiwan, jém acchĩñoypáppĩc, da iwat ni tum milagro. Pero jém Xiwan da tamĩgóyáy cuando tanmadáy ti iwatpa yĩp pĩxiñ.

⁴² Jemum tsam jáyan jém pĩxiñtam icupĩcyaj jém Jesús.

11

Ca jém Lázaro

¹ Jesic mimne tum p̄ixiñ iñ̄iyi Lázaro jém attebet Betania. Yíp jém attebet jut it jém Malía con it̄iwi jém Marta. ² Yíptim Malía jém iccámayñewiip jém pomada jém c̄inpaap jém tánQmi Jesús ipuyyucmi y icujicháyáy ipuy con iway. Jém mimnewiip, jém Lázaro, it̄iwiñtim jém Malía. ³ Jesic jém Malía y Marta icutsadáy aṇmaṭi jém Jesús. Iñímáy:

—MánQmi, mimneactiṇ jém p̄ixiñ, jém iñ̄toypáppic.

⁴ Mu imaton jém Jesús iga mimne jém iamigo, n̄impa:

—Yíp caacuy da iccaaba. Imats yíp caacuy iga ixtaiñ jém Dios ip̄imi y iga ixtaiñtim jém Dios iManic ip̄imi.

⁵ Jesús tsam itoypa jém Marta, jém Malía y jém Lázaro. ⁶ Mu imaton Jesús iga mimne jém Lázaro, jesic da jobit nic iám, jemum tsíy tungac wisnajama. ⁷ Jesic cuando nasneum wisnajama, Jesús iñímáy jém icuyujc̄iwiñ:

—Tanictámpa eyb̄ic jém naxyucmi de Judea.

⁸ Jém Jesús icuyujc̄iwiñ iñímayyaj:

—MamMaestro, jém Judeapic p̄ixiñtam da más pecam miñácscatooba id̄ic tsaami. ¿Que miñicgacpa eyb̄ic?

⁹ Jesús iñímáy jém icuyujc̄iwiñ:

—Tum jama iniit doce hora. Siiga tum p̄ixiñ witpa siññi, jesic da iñ̄eppa ipuy iga tsutpa porque iguixixóypa jém jama jém icuyicquejpaap yíp naxyucmi. ¹⁰ Pero siiga tum p̄ixiñ witpa tsuucim, jesic tsutpa porque da i jém jama iga iyicquejpa.

¹¹ Jesic ocmi eybictim n̄impa Jesús:

—Monpa šiip jém tánamigo Lázaro, pero nicpa antsicyus.

¹² Jesic Jesús icuyujc̣iwiñ iñímayyaj:

—MánQ̣mi, siiga monpa jém Lázaro, jesic tanjodon̄ iga piipa.

¹³ Nĩmtooba Jesús iga caaneum jém Lázaro, pero jém icuyujc̣iwiñ in̄jampa iga nunta monpa. ¹⁴ Jesic Jesús iñuuman̄madáy jém icuyujc̣iwiñ. Nĩmayyajta:

—Caaneum jém Lázaro. ¹⁵ Ich amaymay iga da aĩ cuando ca jém Lázaro porque šiip más w̄i para mimichtam. Más in̄cupictámpa Dios. Jesic nicpa tánám jém Lázaro.

¹⁶ Jesic jém Tomax, iñiyit̄im Mechi, iñímáy los de más jém Jesús icuyujc̣iwiñ:

—Tanictámpat̄im iga tan̄waganacaaba jém tánQ̣mi.

Jesús wiap icpiis jém caaneyajw̄ip

¹⁷ Jesic cuando núc Jesús jém Betania, ijodon̄a iga cuatro jama cumnetawum jém Lázaro im̄ijt̄ay t̄um tsaajosj̄om. ¹⁸ Jém Betania noco it̄ jém at̄tebet Jerusalén, ijuumi como dos kilómetro y medio.

¹⁹ Jesic tsam̄ jáyan̄ jém judíos nic iámyaj jém Marta y Malía iga icpócsayyajpa ianama iga odoy anyáguiñ porque caane jém it̄iwi. ²⁰ Cuando imaton̄ jém Marta iga miñpa jém Jesús, jesic nic iméts tunj̄om. Tsíy jém Malía it̄iccīm. ²¹ Mu iñúc jut̄ it̄ Jesús, nĩmpa jém Marta:

—MánQ̣mi, meega miit̄ ȳim cuando mimneact̄in̄ jém ant̄iwi, jesic da idic ca. ²² Pero ich anjodon̄ iga Dios michiiba šiip titam in̄wágáypa.

²³ Jesic Jesús iñímáy jém Marta:

—Piipa jém iñt̄iwi.

²⁴ Jesic Marta iñímáy jém Jesús:

—Anjodon iga pispá jém antiwi cuando pisyajpa jém caaneyajwíp jém íñanpigam jama.

²⁵ Jesús iñímáy jém Marta:

—Ich wiap anacpis jém caaneyajwíp. Wiap anchi i quej jém vida jém dapic cuyajpa. Siiga tum pxiñ acupicpa aich, aunque caaneum, pispá.

²⁶ Siiga vivonam tum pxiñ jém íñanpigam jama y acupicpa aich, jesic da nunca caaba. ¿Que da incupicpa yíp anmati?

²⁷ Jesic jém Marta iñímáy jém Jesús:

—Núma, mánomi, ich ancupicpa iga micham mi-Cristo jém Dios miManic. Mich jém mimiññewíp naxyucmi, jém ananjócnetanwíp.

²⁸ Cuando yaj inmat jempic jém Marta, nic inwejay itíwi jém Malía. Iyamnímay:

—Núcneum jém tamMaestro, sip minwejáypa.

²⁹ Jesic mu imaton jém Malía, jicsciy tsucum, nic iám jém Jesús. ³⁰ Danam núcne Jesús jém tiganjoj. Tsíyñe jemtim jut oy ictsíy jém Marta. ³¹ Jesic jém judíos, jém ityajwíp jém Marta iticcim iga icpócsayajpa íanama, iixyay iga agui jicsciy nic jém Malía. Jesic jeeyaj itúnyyajpa. Injamay iga nic weji jém Malía jém tsaajoscim.

³² Jesic jém Malía, mu iñúc jut it jém Jesús, icosteeñáy ipuycim. Nimpa jém Malía:

—Mánomi, meega miit cuando mimneactin jém antiwi, da idic ca.

³³ Cuando iix Jesús iga tsam wejpa jém Malía y weyjajpatim mex jém judíos, pimi anyác jém Jesús, tsam ijampa jém anyaaqui íanamanjom. ³⁴ Jesic Jesús icwác, iñímáy:

—¿Jut iñchac jém imijtay?

Nimyaj jeeyaj:

—MánQmi, miñi aami jut it.

³⁵ Wej jém Jesús. ³⁶ Jesic nimyaj jém judíos:

—Ixi. Tsam pimi itoypa jém iamigo.

³⁷ Pero jém tungac nimyaj:

—Yíp pixiñ ictojáy jém cáchtí iixcuy, ¿tiiga da icpisa jém Lázaro iga odoy caiñ?

Acpista jém Lázaro

³⁸ Jesic eybictim pimi anyácne jém Jesús, tsam pimi ijampa jém anyaaqui ianamanjom. Núc jém tsajoscim jut cumneta jém Lázaro. Annúcneta jém tsajos con tum mijpic tsa. ³⁹ Jesic Jesús iñímáy jém pixiñtam:

—Accáyaayi yíp tsa.

Jém Marta, jém caanewiip itíwi, iñímáy jém Jesús:

—Pero mánQmi, sip iniitum cuatro jama caane, tsam anjejpam.

⁴⁰ Jesús iñímáy jém Marta:

—¿Que da mannímáy siiga incupicpa iga ich wiap manyoxpát, jesic iñixáypa jém tanjatun Dios ipimi?

⁴¹ Jesic jém ityajwiip iccáyayyaj jém tsa. Ámquím Jesús sinyucmi, moj inwejpát Dios. Nimpa:

—Manjatun Dios, iyucuidios iga mich ammatógayñe ti mannímáy. ⁴² Anjodon iga siempre mich ammatonpa, pero mannímáypa yimpic iga jém pixiñtam wiñiñ icutiyyiyaj iga mich ancutsatne yíp naxyucmi.

⁴³ Jesic cuando yaj inwejpát Dios, pimi jiypa jém Jesús. Nimpa:

—MiLázaro, puti.

⁴⁴ Jesic putum jém Lázaro, jém caanewíppic idic. Anmónayñeta ici y ipuy con punctucu. Anmónayñetatim icobac con tum punctucu. Jesic Jesús inímay jém pixiñtam:

—¡Cuwijáyaayi jém inmónóycuy, cutsigaayi!

Jém anjagooyiyaj ijisyajpa jutsap imatsyaj jém Jesús

(Mt. 26:1-5; Mr. 14:1-2; Lc. 22:1-2)

⁴⁵ Cuando iixyaj ti iwat jém Jesús, jesic moj icupicyaj jáyan jém judíos jém miññeyajwíp iám jém Malía. ⁴⁶ Pero algunos nic iámyaj jém fariseoyaj iga inmadáypa ti iwat jém Jesús. ⁴⁷ Jesic jém cobacpic panijyaj, con jém fariseoyaj, intuumawatyaj jém Sanhedrín, jém wídaytam. Nímyaj:

—¿Tí wiap tanwatta con yíp pixiñ? Tsam jáyan milagro iwat. ⁴⁸ Siiga seguido tanjícpa iga iwatpa jém milagroyaj, jesic núcpa jém jama iga itumpiy jém pixiñtam icupicyajpa yíp Jesús. Jesic jém Romapic anjagooyi icutsadáypa jém soldado iga imiswadayyajpa jém mijpic mastic y imichap jém tannas.

⁴⁹ Jesic tum de jeeyaj, jém Caifás, cobacpic panij jém amtíy, moj anmatí con jém anjagooyiyaj jém antuumaneyajwíp. Nímpa jém Caifás:

—Mimichtam da ti injodontam. ⁵⁰ Datim incutiíyiyta iga más wí iga accaatap tum pixiñ para itumpiy jém pixiñtam iga odoy togóyíñ jém tannaxyucmi.

⁵¹ Jém Caifás da ijixquím iyaac, pero Dios ichi jém jixi porque je jém cobacpic panij. Jeeyucmi jém Caifás wiap inmadáy jém pixiñtam iga accaatap

jém Jesús iga iyoxpátpa itumpiy jém ityajwíp jém naxyucmi Israel. ⁵² Da solamente iga iyoxpátpa jém ityajwíp Israel, pero accaatap jém Jesús iga intuumawatyajpa itumpiy jém icupicneyajwíp Dios jutquej icutero yíp mundo. ⁵³ Jesic jeetim jama jém anjagooyiyaj moj ijisyaj jutpic iccaayajpa jém Jesús.

⁵⁴ Jeeyucmi jém Jesús da siiba jut iixpa jém judíos. Put jém naxyucmi de Judea. Nic ití tunḡac lugar no-cojom jém titsinaxyucmi. Jém attebet inñyi Efraín. Jemum nic itiyaj Jesús con icuyujcwiñ.

⁵⁵ Núctooba jém pascuasij jém iwatyajpáppic jém judíos. Icuwiti jém naxyucmi de Israel tsucumyaj jáyan jém pixiñtam iga nicyajpa jém attebet Jerusalén iga iwatyajpa jém costumbre iga cuáyñeiñ ianama antes que núcpa jém pascuasij.

⁵⁶ Jesic cuando núcyaj Jerusalén jém pixiñtam, imétsyajpa jém Jesús. Tigiyyaj jém masticjom, moj nanímayyajtaji entre jeeyaj:

—¿Que tananjam iga miñpa sinaji jém Jesús o da miñpa?

⁵⁷ Jesic jém cobacpic panijyaj con jém fariseoyaj tsam imatsyajtooba jém Jesús. Ipiimiyyaj jém pixiñtam, nímayyajta:

—Siiga i ijodon jut it jém Jesús, jesic acjodónaji jém tananjjagooyi iga matstaiñ.

12

Tum yomo iccámáy jém wibic perfume jém Jesús ipuyyucmi

(Mt. 26:6-13; Mr. 14:3-9)

¹ Jesic seis día antes que naspa jém pascuasín, nic joyí Jesús jém attebet Betania jut it jém Lázaró, jém icpisnewiip jém Jesús de jut it jém caaneyajwiip.

² Jém iamigoyaj inisiñap jém Jesús. Jém Marta icwícpa jém miññeyajwiip. Ittim jém Lázaró. Iwaganawícyajpa jém Jesús mesaciim. ³ Jém Malía inimiñ tum libra jém wibic perfume, naps nardo, jém cínápápic, jém aguipic tsoowíy. Iccámáy jém perfume jém Jesús ipuyyucmi. Ocmi jém Malía icujicháyáypa jém Jesús ipuy con iway. Agui cínpa jém perfume, comne jém tic de cñi. ⁴ Ittim tum de jém Jesús icuyujcñwiñ, jém Judas Iscariote, jém Ximoj Iscariote imaníc, jém iwadaypáppic atraición jém Jesús. Nim jém Judas:

⁵ —¿Íiiga da tammáypa yíp wibic perfume? Ivale tres cientos tumiñ de plata. Jesic wiap tanyoxpát jém yaachayajpáppic.

⁶ Jém Judas da iyaachanjampa jém yaachayajpáppic, pero nimpá jemépí porque númpa jém píxiñ. Iwatpa cuenta jém tumiñ ibolsa y siempre iñúmpa jém tumiñ. ⁷ Nimpá Jesús:

—Odoy moogiíyí yíp yomo. Iccáyñe idic jém perfume iga accámáypa cuando acumtap. ⁸ Siempre ityaj con mimichtam jém yaachayajpáppic, pero ich da seguido aítapa con mimichtam.

Jém anjagooyiyaj ijisyajpa jutsap iccaayaj jém Lázaró

⁹ Jesic jáyan jém Jerusalénpic píxiñtam ijodónayaj iga jemum it jém Jesús. Jesic nic iámyaj. Da no más nic iámyaj jém Jesús, pero iixyajtoobatim jém Lázaró jém acpisnetawíip.

¹⁰ Jesic jém panij anjagooyiyaj iwatyaipja acuerdo iga iccaayajpatim jém Lázaró. ¹¹ Porque cuando jém judíos iixyaj iga núma acpisneta jém Lázaró, jesic jáyan ichacyajpa jém Israelpic anquímayooyi, moipja icupicyaj jém Jesús.

*Tigiy Jesús Jerusalén juuts tum anjagooyi
(Mt. 21:1-11; Mr. 11:1-11; Lc. 19:28-40)*

¹² Jém tungac jama jáyan pixiñtam nicne sinajiyaj jém attebet Jerusalén. Iwatyaipja jém pascuasij. Cuando ijodónayaj iga núcpa Jerusalén jém Jesús, ¹³ jesic itúcyaj jáyan jém suyat iay. Nic imétsyay jém Jesús tunjom. Mu ipátyaj, tsam icujípyajpa. Pimi jiyajpa jém pixiñtam. Nimyajpa:

—¡Hosanna! ¡Agui wi jém tanjatun Dios! ¡Tancujíptampa jém Rey de Israel jém miññewiip jém tanjatun Dios iñiyimi!

¹⁴ Jesic jém Jesús ipát tum mañburro. Iquímca. Iwat juuts jayñeta:

¹⁵ Odoy cñtaami miittanwiip jém attebet Sión.

Ixtaami iga siip miñpa jém iñRey.

Iquímcané tum mañburro.

¹⁶ Wiñti jém Jesús icuyujcñwiñ da icutiñyiyajpa, pero ocmi cuando pisneum y químgac sinyucmi jém Jesús, ijisyajpa iga jempigam nimpa jém Dios inmati y jempigam iñascaaba jém Jesús cuando núcpa Jerusalén.

¹⁷ Jodónatap jutquej ti iwat jém Jesús mu inwejay jém Lázaró jém tsajosjom jut cumne. Jém ityajwiip con Jesús cuando pis jém Lázaró, inmadayyaj i quej ti iixyaj. ¹⁸ Jeeyucmi miñ iámyaj Jesús tsam jáyan jém

píxiñtam porque imatonɣaj iga iwat jém milagro.

¹⁹ Jesic jém fariseoyaj nanímayyajtáp:

—Siip quejpa iga da ti wiap tanwatta. Ixi, itumpiy jém píxiñtam icuwiti yíp naxyucmi itúnjyyajpa.

Algunos jém griegopíc píxiñtam tsam iixtooba jém Jesús

²⁰ Miñajtim sínajiyaj algunos jém píxiñtam jém anmatyajpaap jém anmati griego. Miñaj Jerusalén iga ijisyajpa Dios. ²¹ Jeeyaj nic íamyaj jém Felipe, jém miññewiip jém attebet Betsaida jém naxyucmi de Galilea. Jém griegopíc píxiñtam icunucsayyaj jém Felipe. Nímayta:

—Awadaayi tum favor. Nigi nímaayi jém Jesús iga tsam anjyypáttooba.

²² Jesic jém Felipe nic inmadáy jém Anti ti ix-unpa jém griegopíc píxiñtam. Jesic iwagananicyaj jém Anti y jém Felipe iga inmadayyaj Jesús ti ix-unpa jém píxiñtam. ²³ Jesic jém Jesús iñímáy jém icuyujcwiñ:

—Núcneum jém tiempo iga ich, jém aMiññewiip Siñyucmi, ampictsonpa eybíc jém ampimi jém anaitwiip idic siñyucmi. ²⁴ Numa mannímáypa siiga tum pac da ñiptap nascim jut caaba imayi, jesic tsíypa icutum. Pero siiga caaba imayi, jesic jáyanap. ²⁵ Siiga tum píxiñ tsam itoypa ivida yíp naxyucmi, jesic togoypa ivida. Pero siiga tum píxiñ da itoypa ivida yíp naxyucmi, jesic da togoypa ivida, iniitpa para itumpiy tiempo. ²⁶ Siiga tum píxiñ acuyoxatooba, jesic ansunpa iga atúnjyiñ, jesic jemtim jut aitpa aich itpatim jém

acuyoxapáppic. Siiga tum p̄ixiñ acuyoxap aich, jesic jém anJatun̄ Dios iw̄ixpa jém p̄ixiñ.

Nimpa Jesús iga accaatap

²⁷ 'Siip tsam anyácne. ¿Que ti wiap annímáy jém anJatun̄? Ich da annímáypa jém anJatun̄ Dios iga: “ManJatun̄, ayoxpaati iga odoy ayaachwattaiñ”. Da anwatpa jem̄pic porque ich amiñ yíp naxyucmi iga ayaachwattaiñ. Jesic annímáypa iga: ²⁸ “ManJatun̄ Dios, wat̄i juuts mich iñxunpa iga jém p̄ixiñtam micujípyajiñ”.

Jesic j̄ypa Dios sin̄yucmi. Nimpa:

—Siip anwatneum y anwatpatim̄ eybic iga acujípyajiñ jém p̄ixiñtam.

²⁹ Jesic jém p̄ixiñtam, jém antuum̄aneyajw̄ip, imatonyaj jém j̄yi. Nimyajpa iga tiñpa jém majiywiñ. Pero tun̄gac nimpa:

—Ij̄iyáy tum̄ sin̄yucm̄ipic p̄ixiñ.

³⁰ Jesic Jesús iñímáy jém p̄ixiñtam:

—Tammaton̄neta yíp j̄yi mimichtam̄ in̄cuyucmi, da para ich, iga in̄cutīiyit̄amiñ ti iwatpa Dios.

³¹ Siip núcpa jém hora iga c̄ip̄intap̄ jém ityajw̄ip yíp naxyucmi. Siip accáyaȳtap̄ ip̄imi jém Woccīwiñ, jém in̄jacnew̄ip yíp naxyucmi. ³² Pero ich cuando acquímtap̄ cunusyucmi, jesic anchiiba j̄ixi jém p̄ixiñtam iga acup̄iguiñ.

³³ Cuando in̄matpa jem̄pic jém Jesús, in̄quejáypa jém p̄ixiñtam iga accaatap̄ cunusyucmi. ³⁴ Jesic jém p̄ixiñtam iñímayyaj jém Jesús:

—Tammaton̄ne iga nimpa jém Dios in̄mat̄i iga it̄pa jém Cristo para it̄ump̄iy tiempo. ¿Jesic tiiga

miññempa iga accaatap cunusyucmi jém Miññewiip
 Siñyucmi? Anímaayi: ¿Iapaap jém Miññewiip
 Siñyucmi?

³⁵ Jesic Jesús iñímáypa jeeyaj:

—Jém juctian̄tsoca poy it tum rato con
 mimichtam. Wittaami iganam it jém juctian̄tsoca
 iga odoy mictsíyiñ jém piichi. Porque jém
 witpáppic jém piichcām da ijodon̄ juť nicpa.

³⁶ Iganam itpa jém juctian̄tsoca, jesic acupictaami
 aich iga iniittámiñtim jém juctian̄tsoca jém
 iñanaman̄jom.

Jesic cuando yaj n̄imi jém Jesús, nic iyámáy jém
 pixiñtam.

Wati jém judíos da idic icupicyajpa

³⁷ Tsam jáyan milagro y seña iwat Jesús jém
 pixiñtáman̄jom, pero jeeyaj da icupicyajpa iga je
 jém Cristo. ³⁸ Iwatyajpa jempic iga cupaguiñ jém
 an̄maťi jém ijaychacnewiip jém wiñicpic profeta
 jém Isaías. Nimpa:

Man̄jatun̄ Dios, mich inin̄quejáy jém pixiñtam jém
 imp̄imi,
 pero da i icupicpa mich inin̄maťi jém
 anamiññewiip.

³⁹ Jeeyucmi jém Israelpic pixiñtam da
 icupicyajpa jém Cristo, porque n̄imtim jém Isaías:

⁴⁰ Dios icáchtiwatpa jém pixiñtam,
 icamamwadáy icobac iga mástim da wiap
 icutiñyiyay jém Dios in̄maťi.

Jempam iwat Dios iga jém pixiñtam da ti
 iixyajpa iixcuymi ni da wiap icutiñyiyay
 iñanaman̄jom iga Dios iw̄iwadaytooba idic.

Datim wiap ichacyaj jém malopíc ijixi iga Dios iccáýáñ itánca.

⁴¹ Wia inmat jempic jém Isaías porque wiñigam iix jém Cristo ipimi. Ijaychacne ti iñascaaba jém Cristo cuando miñpa yíp naxyucmi.

⁴² Pero da itumpiy jém Israelpic pixiñtam cuixayaj. Jáyan icupicyaj, hasta algunos jém anjagooyiyaj icupicyajtim jém Jesús. Pero iga tsam icinyajpa jém fariseoyaj jesic inyampa iga icupicne. Icinayajpa iga quebacputyajtāp jém sinagoga. ⁴³ Más iwianjamyaj iga cujipyajtaiñ yíp naxyucmi que iga Dios icujippa.

Jém Jesús inmati icipinpa jém pixiñtam

⁴⁴ Jesic ocmi pimi jiypa jém Jesús. Nimpa:

—Siiga i acupicpa aich, jesic icupicpatim mex jém anJatun Dios jém acutsatnewip yíp naxyucmi. ⁴⁵ Jém aixpáppic aich, iixpatim mex jém anJatun Dios jém acutsatnewip. ⁴⁶ Ich, jém ajuctiantsoqa, amiñ yíp naxyucmi iga itumpiy jém acupicyajpáppic aich, da tsíyyajpa piichcim. ⁴⁷ Siiga i imatonpa ich ananmati, pero da icupicpa, jesic ich anyaac da anchiiba jém icastigo. Ich da amiñ iga acipínóypa. Amiñ iga anciacputpa jém ityajwip yíp naxyucmi. ⁴⁸ Siiga tum pixiñ ajóyixpa y da iwatpa juuts nimpa ich ananmati, jesic jém inanpigam jama ich ananmati tsíypa juuts tum juez. Jeetim ananmati icipinpa y ichiiba castigo jém dapic ipictsonpa ich ananmati. ⁴⁹ Ich anyaac da anjixquimpa jém ananmati, pero jém anJatun Dios jém acutsatnewip anímáy jutsap ananmat

jém an̄mat̄i y ti anan̄quejáypa jém p̄ixiñtam.
⁵⁰ Ich an̄jod̄on̄ iga jém an̄Jat̄un̄ Dios in̄quím̄ayooyi
 ichiiba jém p̄ixiñtam jém vida jém ñap̄ic cuyajpa.
 Jeeyucmi anan̄mat̄pa jém anan̄mat̄i juuts an̄ím̄ayñe
 jém an̄Jat̄un̄ Dios.

13

Jesús icheáypa jém icuyujc̄wiñ ipuy

¹ Jesic núctooba jém j̄ama iga jém Israel̄pic
 p̄ixiñtam iwat̄yajpa jém pascuas̄in̄. Ij̄od̄on̄ Jesús
 iga núcneum jém hora iga n̄icgacpa s̄in̄yucmi j̄ut̄
 it̄ iJat̄un̄ Dios. Jém Jesús ts̄am̄ p̄imi itoȳpa jém
 itún̄j̄yyajw̄ip̄, jém im̄ich̄ip̄ic, ña nunca ichacpa iga
 itoȳpa.

² Jesic iganam w̄icmon̄yajpa Jesús con jém
 icuyujc̄wiñ, jém Woc̄c̄wiñ icc̄am̄ jém malop̄ic
 j̄ix̄i jém Judas Iscariote īan̄aman̄j̄om̄ iga iwad̄áypa
 atraición jém Jesús. Ȳip̄ Judas jém Xim̄oj im̄an̄ic.

³ Ij̄od̄ón̄a Jesús iga jém iJat̄un̄ Dios ic̄ij̄un̄cod̄áy
 it̄ump̄iy cosa ic̄ij̄om̄. Ij̄od̄on̄t̄im̄ iga miñ de Dios
 y eyb̄ic n̄icpa j̄ut̄ it̄ Dios. ⁴ Cuando yajtoobam
 w̄iiquiyaj, teñchucum jém Jesús, ichac iyooti,
 ip̄ic t̄um̄ toalla, iwoycun̄úc jém im̄j̄p̄acyucmi.
⁵ Itec n̄i t̄um̄ palanganaj̄om̄, moj icheáy ipuy jém
 icuyujc̄wiñ. Ocm̄i icuj̄ich̄áyáypa ipuy con jém
 toalla jém iwoycun̄úcnew̄ip̄ jém im̄j̄p̄acyucmi.

⁶ Cuando núc Jesús j̄ut̄ it̄ jém Peto, jesic Peto
 iñím̄áy:

—Mán̄Om̄i, ¿que mich antseáypat̄im̄ ampuy?

⁷ N̄impa Jesús:

—Siip da inçutiïyíypa tiiga mantseaytámpa jém impuy, pero ocmi inçutiïyíytámpa.

⁸ Jesic jém Peto iñímáypa jém Jesús:

—Mich da nunca manjígáypa iga antseáypa ampuy.

Jesic nimpá Jesús:

—Siiga da mantseáypa impuy, jesic da je mammichi.

⁹ Jesic Peto iñímáy jém Jesús:

—MánQmi, atseaayí ampuy. Atseaayitim jém añci y añcobac.

¹⁰ Jesic iñímáy Jesús:

—Siiga yaguiñ chinne tum pixiñ, jesic da ixunpa iga chinpa eybic. No más ixunpa iga icheeba ipuy porque cuáyñeum icutero. Mimichtam micuáyñeum, pero tum de mimichtam, jém mançuyujcïwiñ, da micuáyñe.

¹¹ Porque jém Jesús ijodon japaap iwadáypa atracción. Jeeyucmi nimpá Jesús iga: “Da iñtumpiytam micuáyñeta.”

¹² Cuando yaj icheáy jém icuyujcïwiñ ipuy, jesic jém Jesús icot iyooti, eybictim coñ jém mesacim. Iñímáy jém icuyujcïwiñ:

—¿Inçutiïyíy ti siip manwadayta? ¹³ Mimichtam annímaytámpa iga: mamMaestro y mánQmi. Wí iga miñimtámpa jempic porque mimichtam numa manaccuyuppa y numa mimichtam mammichane. ¹⁴ Aunque michtam amMaestro y ánQmi, mantseáypa impuy, jesic wítim iga minitseaytamtaiñ impuy mimichtam. ¹⁵ Mantseáy jém impuy iga manañquejáypa iga wí iga inçwattámiñ juuts ich manwadayta. ¹⁶ Numa

mannímáypa, tum p̄ixiñ iesclavo da wiap iñasca jém iomi. Tum mensajero da más mij que jém icutsatpápic. ¹⁷ Siiga in̄cutīiytámpa ti mannímáypa y siiga in̄wattámpa jempic, jesic agui mimaymáyatámpa.

¹⁸ Eyb̄ic jiypa Jesús. Nimpa:

—Da animtooba iga iñtumpiytam wiap in̄cutīiyta porque an̄wīxp̄icpa jém an̄cupīneyajwīp. An̄jodon̄ iapaap amalwadáypa. Nimpa jém Dios in̄mat̄i, jém jayñetaw̄īp, iga: “Tum p̄ixiñ an̄waganawíc̄pa aich, ocm̄i awadáypa atraición.” Siip cupactoōba jém an̄mat̄i.

¹⁹ Mannímáypa siip ti annascaaba aich, jesic cuando iñixtámpa iga cupacum jém anan̄mat̄i, wiap in̄cupicta iga ich jém aCristo jém acup̄īnew̄īp Dios. ²⁰ Numa, mannímáypa siiga ī ipictson̄pa jém an̄cutsatnew̄īp, jesic apictson̄patim̄ aich. Siiga ī apictson̄pa aich, ipictson̄patim̄ jém an̄Jatun̄ Dios.

*Nimpa Jesús iga jém Judas iwadáypa atraición
(Mt. 26:20-25; Mr. 14:17-21; Lc. 22:21-23)*

²¹ Jesic cuando yaj in̄mat jempic jém Jesús, tsam̄ p̄imī anyácne ianaman̄jom. Nimpa Jesús:

—Numa siip mannímáypa, tum de mimichtam ac̄ījun̄cotpa jém ánenemigo ic̄ījom.

²² Jesic jém Jesús icuyujc̄īwiñ tsam̄ naámyajtap. Nimyajpa ianaman̄jom iga: “¿Iapaap iwadáypa atraición jém tán̄omi?” ²³ Tum jém Jesús icuyujc̄īwiñ, jém tsampic̄ itoypa, iwaganacoñ jém Jesús. ²⁴ Jesic jém Peto iwadáy seña con icobac iga jém p̄ixiñ icwáguiñ Jesús iapaap jém

iwadaypaap atraición. ²⁵ Jesic jém pìxiñ icunúc noco iga iyámacwácpa. Nímaytap jém Jesús:

—MánQmì, ¿i miwadáypa atraición?

²⁶ Jesic Jesús icutson. Nìmpa:

—Siip ansonpa tum jaca caxtánañi jém anchi-majom, anchiiba jém pìxiñ jém awadaypáppic atraición iga quejiñ ìapaap.

Jesic cuando ixon jém caxtánañi, ichi jém Judas Iscariote, jém Ximój imanic. ²⁷ Jesic yaj ipictson jém Judas jém caxtánañi, tigiy jém Wocciwiñ jém Judas ìanamajom. Jesic Jesús inímay jém Judas:

—Jém siippic inwatpa, nigi wati jicsciy.

²⁸ Jém tungac icuyujcwiñ, jém ityajwiip mesaciim, da icutiyyiyaj tiiga inímay jempic jém Judas. ²⁹ Ijisyajpa algunos iga cutsattap jém Judas iga niguiñ ijuy titam ixunyajpa iga sinajajpa. Tungac ijisyajpa iga cutsattap jém Judas iga ichiñ tumiñ jém yaachayajpáppic. Porque iwatpa cuenta jém tumiñ ibolsa. ³⁰ Jesic yajum icút jém caxtánañi, nic jém Judas. Piichcim.

Jém jomipic anquímayooyi

³¹ Jesic cuando nicneum jém Judas, moj anmati jém Jesús. Inímay jém icuyujcwiñ:

—Siip cujíptap jém Miññewiip Sinjucmi. Cujíptap tim tanjatun Dios je icuyucmi. ³² Siiga cujíptap Dios ich ancuyucmi, jesic acujíptap tim aich jém anjatun Dios icuyucmi. Siip iwatpa Dios jém wítampic cosa iga acujíptaiñ y da jáyñe iccupacpa.

³³ Mammanictam, mantoytampáppic, siip tum ratotim tawagaitta. Pero ocmi mimichtam tsam ancuámtámpa, da ampáttámpa. Siip mannímáypa

juuts annímayñe jém judíos, mimichtam da wiap iññicta jut ich anicpa. ³⁴ Siip manchiiba tum jomipic anquímayooyi, natoytamtaji con jém iññiwitam. Juuts mantoytámpa mimichtam, jesic jempictim natoytamtaji con jém iññiwitam. ³⁵ Siiga minitoytamtap con jém iññiwitam, jesic itumpiy jém ityajwiip yíp naxyucmi ijodónayajpa iga ich mancuyujcñwiñ.

Nimpa Jesús iga jém Peto iñnécpa

(Mt. 26:31-35; Mr. 14:27-31; Lc. 22:31-34)

³⁶ Jesic jém Peto icwác jém Jesús, iñímáy:

—MánQmi, ¿jut miñicpa?

Nimpa Jesús:

—Jemum jut ich anicpa, mimichtam da wiap iññicta siip, pero ocmi miñictámpatim mex mimichtam.

³⁷ Jesic jém Peto iñímáy:

—MánQmi, ¿tiiga da wiap annicta siip? Ich anyaac anchiiba amvida iga accaatap para mimich.

³⁸ Jesic nimpa Jesús:

—¿Que mich michióypa imvida iga miccaatap para aich? Numa mannímáypa iga antes que anweipa jém cayu, anañécpa tres veces iga ich mancuyujcñwiñ.

14

Jesús je jém tun jém nicpáppic jut it tanJatun Dios

¹ 'Mimichtam, odoy anyáctaami iññanamanjom iga ich anicpa. Cupictaami Dios, acupictaamitim mex aich. ² Jém anJatun Dios iticcñm tsam it jém

w̄itampic lugar j̄ut nicpa mīititam. Meega da idic i, da idic mannímáy. Nicpa man̄w̄itsagáy tum lugar para mimichtam. ³ Siiga nicpa man̄w̄itsagáy tum lugar para mimichtam, jesic amiñgacpa eybic iga mananictámpa, iga j̄ut aĩtpa aich jemtim miittámpa mimichtam. ⁴ Mimichtam iñjodon̄tam j̄ut anicpa, iñjodon̄tim jem tun̄.

⁵ Jém Tomax iñímáy:

—MánQ̄mi, da anjodon̄tam j̄ut miñicpa. ¿Jutsap anjodon̄gata jem tun̄?

⁶ Jesic Jesús iñímáy jem Tomax:

—Icham jem atun̄. Ich anamiñ jem numapic anquímayooyi. Ich anchiiba jem p̄ixiñtam jem vida jem dapic cuyajpa. Da i núcpa j̄ut it anJatun̄ Dios siiga da acupicpa aich. ⁷ Siiga mimichtam ánixpictámpa aich, jesic iñixpictámpatim jem anJatun̄ Dios. Sīp mojum iñixpicta Dios, iñixñetámum.

⁸ Jesic jem Felipe iñímáy Jesús:

—MánQ̄mi, aguixtaami jem tanJatun̄ Dios, jesic itum w̄i. Da ti más ansuntámpa.

⁹ Jesic Jesús iñímáy jem Felipe:

—A que miFelipe, tsam wiñigam awagaitta con mimichtam. ¿Que mich da ánixpicpa? Jém aixñew̄ip aich, iixñetim jem anJatun̄ Dios. ¿Tiiga mich annímáy iga: “Aguixtaami jem tanJatun̄ Dios”? ¹⁰ ¿Que da incupicpa iga anwaganait̄ anJatun̄ Dios y jem anJatun̄ Dios awaganait̄ aich? Jém anan̄mat̄i, jem manan̄madayñew̄ip, da je anj̄ixquiimi. Jém anJatun̄ Dios, jem itw̄ip ánanaman̄jom, iwatpa jem w̄itampic cosa juuts je

iwianjam. ¹¹ Cupictaami iga anwaganait anJatun Dios y jem anJatun Dios it ananamanjom. Siiga da wiap incupicta iga ich anwaganait jem anJatun Dios, jesic acupictaami aich porque inixñeta jem milagroyaj jem anwatnewip. ¹² Numa mannimáypa; jem pixiñ, jem acupicnewip, wiaptim iwat jem milagroyaj jextim juuts ich anwatpa, wiaptim iwat más wibic milagro que ich porque anicgacpam sinyucmi jut it anJatun. ¹³ Siiga ininwejpáttampa Dios ich anniyimi iga inwágaytampa algun ti, jesic ich anwatpa juuts mich anwágáypa iga cujíptaiñ jem anJatun Dios. ¹⁴ Titam inwágáypa Dios ich anniyimi, jesic ich anwatpa juuts anwágáypa mimichtam.

Nimpa Jesús iga icutsatpa jem Dios iAnama yip naxyucmi

¹⁵ 'Siiga mimichtam antoytampa, jesic cupictaami ananquímayooyi. ¹⁶ Ich an��unucsáypa anJatun Dios iga michiitámiñ jem Dios iAnama iga miyoxpáttámiñtim juuts aich iga míñiñ miwaganait con mimichtam para siempre. ¹⁷ Jem Dios iAnama minquejaytampa itumpiy jem numapic anquímayooyi. Jem ityajwip yip naxyucmi ijóyixyajpa Dios, da wiap ipictson jem Dios iAnama, porque da wiap iixyaj ni da wiap iixpicyaj. Pero cuando núcneum jem Dios iAnama, jesic mimichtam inixpictámpa porque miwaganaitta. Miñpa iti jem Dios iAnama mimichtam inananamanjom. ¹⁸ Da mantsactámpa incutum juuts tum yuctucu. Eybic miñpa aiti con mimichtam. ¹⁹ Da jáyñe anicpa, jesic yip

naxyucmipic p̄ixiñtam da más aixyajpa, pero mimichtam eybic ánixtámpa. Ich manchiiba jém vida porque ich anait jém vida. ²⁰ Jesic cuando núcpa jém jama, mimichtam iñjodónatámpa iga anwaganait jém anJatun Dios. Iñjodónatámpatim iga mich miit con aich y ich ait con mimichtam. ²¹ Siiga tum p̄ixiñ ijodon ich ananquímayooyi y icupicpa, jesic quejpa iga tsam atoypa jém p̄ixiñ. Siiga atoypa aich tum p̄ixiñ, jesic jém anJatun Dios tsam itoypatim jém atoypáppic aich. Ich antoypatim jém atoypáppic. Ich anyaac anwiñquejáypa jém p̄ixiñ iga icutiñiyiñ aiaapaap.

²² Jesic jém tungac Judas, jém dapic Iscariote, iñímáy jém Jesús:

—MánOmi, ¿tiiga anwiñquejaytámpa aichtam, pero da inwiñquejáypa jém ityajwip yíp mundo, jém dapicnam micupicneyaj?

²³ Jesic Jesús iñímáy jém icuyujcwiñ:

—Siiga tum p̄ixiñ atoypa, jesic numa icupicpa jém ananmati. Jém anJatun Dios tsam itoypatim jém p̄ixiñ. Jesic ich con jém anJatun Dios miñpa anwaganaitta jém icupicpáppic ich ananmati. ²⁴ Jém p̄ixiñ, jém dapic atoypa aich, da iwatpa juuts nimpá ich ananmati. Yíp anmati, jém siippic immatone, da anjixquimi; achiiñe jém anJatun Dios, jém acutsatnewip yíp naxyucmi.

²⁵ 'Mananmadáy itumpiy yípyaj cosa iganam ait con mimichtam. ²⁶ Jesic ocmi anJatun Dios micutsadáypa jém Dios iAnama iga miyoxpádiñ juuts tum representante para ich. Miñpa

minquejayta itumpiy jém ananquímayooyi. Miñpa iga micjístamiñ itumpiy jém ananmatí jém mananquejayñewip.

²⁷ 'Siip mantsagáypa jém paz, manchiiba jém wibic jixi iga da ti idíyiy íñanamanjom, da jex juuts michiitap yíp naxyucmi. Jesic odoy anyáctaami íñanamanjom, odoy cñtaami. ²⁸ Immatonjeta cuando mannímáy iga: "Anicpa, pero eybic miñpa aiti con mimichtam." Siiga numa antoytámpa, jesic maymáyataami iga ich anicgacpa siip jut it anJatun Dios, porque jém anJatun más wiap que aich. ²⁹ Mananmadáypa siip titam miñpa antes que núcpa, jesic cuando íñixtámpa itumpiy cosa juuts mannímayne idic, incupictámpa iga Dios acutsat.

³⁰ 'Siip tum ratotim mananmatpa, porque siip núcum jém tiempo iga miñpa yíp naxyucmic anjagooyi. Je da iticutigiyi con ich, da ti wiap awadáy. ³¹ Pero siip anwatpa juuts apimíypa jém anJatun Dios iga jém ityajwiip yíp mundo ijodónayajiñ iga tsam antoypa jém anJatun Dios. Siip tsucumtaami. Tanictámpam.

15

Jém Jesús juuts tum uvas icobac

¹ 'Ich ajex juuts tum nunta uvas icobac. Jém anJatun Dios jém iwatpáppic cuenta jém uvas. ² Jagaytap itumpiy jém uvas incis jém dapic tímāp. Pero jém incis jém tímāpáppic, witsactap, anticsaytap uxan inqini iga más tímāiñ. ³ Siip mimichtam cuáyñeum íñanama porque incupic jém ananquímayooyi, jém mananmadayñewip.

⁴ Seguido wagaittaami con aich y ich seguido manwaganaitpa mimichtam. Siiga tum cuy incis da piimane jem cuyyucmi, jesic da timap. Jem cuy incis da wiap itima iyaac. Jesaptim mimichtam da wiap inwatta jem witampic cosa juuts ixunpa Dios siiga da miwagaitta con aich.

⁵ 'Ich ajex juuts tum uvas icobac. Mimichtam mijex juuts tum uvas incis. Siiga tum pixiñ seguido awaganaitpa aich y siiga ich anwaganaitpa jem pixiñ, jesic wiap iwat jem witampic cosa juuts tsam timap. Siiga da manyoxpattampa, jesic da ti wiap inwatta. ⁶ Siiga tum pixiñ da seguido awaganaitpa aich, jesic jex juuts tum cuy incis jem dapic timap. Patsaytap, titspa. Ocmi pintap, cottap juctjom, nooquettap.

⁷ 'Siiga seguido miwagaitpa con aich y da inñacpa iga incupicpa ich ananmati, jesic wagytaami Dios titam inñunpa y je michiiba.

⁸ Jem anjatun Dios tsam cujítap cuando inwiwattampa mimichtam, juuts tsam miwitimap. Jempigam michiytampa iga ich mancuyujciwiñ.

⁹ Mantoytampa mimichtam juutstim jem anjatun atoypa aich. Seguido wiwattaami porque ich tsam mantoytampa. ¹⁰ Siiga incupictampa ich ananquimayooyi, jesic seguido inwiwattampa porque ich tsam mantoytampa. Jextim juuts aich ancupicpa jem anjatun Dios inquimayooyi y seguido anwatpa juuts je iwianjam porque tsam atoypa jem anjatun Dios.

¹¹ 'Mananmadáypa yipyaj cosa iga iniidiñtim jem maymáyaji juutstim ich anait, iga

tsam pimi mimaymáyatámiñ. ¹² Yim it ich ananquímayooyi: Natoytamtaji con inñiwitam juuts ich mantoytámpa mimichtam. ¹³ Siiga nachiiitap iyaac tum pixiñ iga accaatap para jem iamigo, jesic quejpa iga tsam pimi itoypa jem iamigo. ¹⁴ Mimichtam manamigotam siiga inhwattámpa juuts mannímáypa. ¹⁵ Siip dam más michíypa juuts man esclavo porque tum esclavo da icutiíyíypa ti iwatpa jem iomi. Pero siip mannímáypa iga manamigotam porque mananquejayñetámum itumpiy jem jixi jem achiiñewiip jem anjatun Dios. ¹⁶ Mimichtam da ancupiñneta aich, pero ich mancupiñneta mimichtam. Manchiiñeta jem cargo iga niguiñ inwatta jem wibic cosa juuts ich ansunpa. Jesic numa inwíwatpa y da inñacpa jem wibic jixi, juuts tanímpa, miwítimá. Jesic titam inwágáypa anjatun Dios, ich anniyimi, michiiba. ¹⁷ Siip mananquímpa iga natoytamtaji con jem inñiwitam.

Jém malopic pixiñtam ijóyixajpa Jesús con jém icupicneyajwip

¹⁸ Siiga tsam mijóyixpa jem malopic pixiñtam jem ityajwip yip naxyucmi, jesic jisi iga wiñti ajóyixtim aich. ¹⁹ Siiga mimichtam mimalotim juuts jem ityajwip yip naxyucmi, jesic mitoytámpatim jem malopic pixiñtam. Pero mancupiñne iga inñchaganpudiñ jem ityajwip yip naxyucmi. Jeeyucmi tsam mijóyixpa jem malopic pixiñtam porque dam mijex juuts jeeyaj. ²⁰ Jistaami ti mannímáy iga tum esclavo da más

mij ipimi que jém iomi. Siiga yíp naxyucmipic pxiñtam amalwadayyaj aich, jesic michgacti mimalwadayyajpatim. Meega icupicyaj ich anañmati, jesic icupicyajpatim mex mich iniñmati. ²¹ Mimalwadaytamtap ich añcuyucmi porque jém malopic pxiñtam da iixpicyajpa jém anJatun Dios jém acutsatnewip yíp naxyucmi.

²² Meega ich da miñ anañmadayyaj jém pxiñtam jém wibic añmati, jesic jeeyaj da iniñyaj la culpa iga imalwatyajpa. Pero ich anamíñáy jém wibic añmati, jesic jeeyaj iniñtyaj la culpa siiga da icupicyajpa, da wiap inñecyaj itañca. ²³ Jém ajóyixpáppic aich, ijóyixpatim jém anJatun Dios. ²⁴ Jeeyaj da iniñyaj la culpa meega da miñ añwat jém wibic milagroyaj jém pxiñtamanjom, jém dapic oypa íñix. Pero siip jém pxiñtam iixñeyajum jém milagroyaj y ajóyixyajpa aich y ijóyixyajpatim jém anJatun Dios. ²⁵ Annascaaba jempic iga cupacpa jém añmati juuts jayñeta wiñigam jém inquímayooyi de jeeyaj. Nimpa: “Jém malopic pxiñtam ajóyixyajpa sin motivo.”

²⁶ 'Cuando anúcpa jut it anJatun Dios, mancutsadáypa jém Dios iAñama iga miyoxpáttamiñ, iga icamamwadiñ íñanama. Miñpa miñmadáy de aich. Minquejaytámpa itumpiy jém numapic añmati. ²⁷ Mimichtam wiaptim iniñmadáy jém pxiñtam de aich porque miitta con aich dende moj anañmat jém wibic añmati.

16

¹ 'Siip manañmadáypa yípyaj cosa iga

inꞑcutiꞑiytámiñ ti miñpa. Jesic siiga mimalwadaytamꞑap, da miñyáctámpa ni da iñchactámpa jém Dios inꞑmáti. ² Miquebacputtamꞑap jém sinagoga. Núcpa jém hora cuando jém malopíc pixiñtam imétsyajpa jutsap miccaayaj, porque iꞑisyajpa iga iwatyajpa juuts ixunpa Dios siiga miccaaba. ³ Yicxpíc cosa iwatyajpa jém malopíc pixiñtam porque da queman iixpicyaj jém anꞑatunꞑ Dios y datim aixpicyajpa aich. ⁴ Siꞑp mananꞑmadáypa ti miñpa iga cuando núcpa jém hora iga jém malopíc pixiñtam mimalwadáypa, jesic iñjístámpa ti mannímayñeta. Pecam da idic mananꞑmadayñeta ti miñpa porque manꞑwaganaiñta mimichtam.

Tanꞑuejáypa ti iwatpa jém Dios iꞑnama yꞑp naxyucmi

⁵ 'Siꞑp nicgacpa aiti ꞑut it jém acutsatnewiꞑp. Pero ni tum de mimichtam da anacwáctámpa iga: “¿ꞑut miñicpa?” ⁶ Pero siꞑp tsam miñyácneta iñanamanꞑom porque mananꞑmadayta ti miñpa. ⁷ Manníamáypa siꞑp jém numapíc anꞑmáti. Más wi para mimichtam iga anicpa. Porque siiga da anicpa, jesic da miñpa jém Dios iꞑnama iga miyoxpáttámpa. Pero siiga anicpa, jesic manꞑcutsadáypa jém Dios iꞑnama. ⁸ Cuando núcpa yꞑp naxyucmi jém Dios iꞑnama, jesic inꞑuejáypa jém ityajwiꞑp yꞑp naxyucmi iga tánꞑaíy. Inꞑuejáypatim jém pixiñtam jutsap iwatyaj juuts ixunpa Dios. Inꞑuejáypatim jém pixiñtam iga núcpa jém jama iga ciꞑpinꞑajꞑap itumpiꞑy jém malopíc pixiñtam, chiꞑiyajꞑap castigo. ⁹ Jém Dios iꞑnama

inquejáypa jém pìxiñtam iga táncaıyyaj porque da acupıcyajpa. ¹⁰ Anquejayyajtaptim jém pìxiñtam jutsap iwatyaj juuts ixunpa Dios porque siip anıcgacpa jut it jém anJatun y mimichtam da más ánixtámpa. ¹¹ Anquejayyajtaptim jém pìxiñtam iga cıpınóypa Dios porque Dios icıpınneum jém Wocı#wiñ, jém injacpáppic yıp mundo, y ichiibatim castigo.

¹² 'Mananmadaytamtooba jáyan más cosa, pero siip da wiap iñyaachıy. ¹³ Pero cuando miñpa jém Dios iAnama jém inmatpáppic jém numapic anmati, jesic minquejaytámpa itumpiy jém numapic anquımayooyi. Porque Dios iAnama da minmadáypa de iyaac, pero minmadáypa itumpiy jém cosa jém imatonnewiip. Minquejaytámpa ti miñpa. ¹⁴ Jém Dios iAnama ipictsonpa itumpiy jém ich ananquımayooyi y miwianquejaytámpa. Iwatpa jemıpic iga jém pìxiñtam awıixyajiñ aich. ¹⁵ Itumpiy jém anJatunıpic imıchi, ammmıchitim aich. Jeeyucmi mannımáypa iga jém Dios iAnama ipictsonpa ich ananquımayooyi y minquejaytámpa mimichtam.

Cáypa jém anıyaaqui, maymágyajiñ jém Jesús icuyujc#wiñ

¹⁶ 'Da jáyñe mimichtam da ánixtámpa. Pero ocımi da jáypa ánixtámpa eybıc. Porque anıcpa jut it anJatun Dios.

¹⁷ Jesic algunos jém Jesús icuyujc#wiñ nanımayyajtap entre jeeyaj:

—¿Que ti nimtooba iga: “da jáyñe da ánixtámpa”, y “da jáypa ánixtámpa eybic” y “porque anicpa jut it anJatun”? ¹⁸ ¿Que ti nimtooba iga: “dam jáyñe da tánixtámpa”? Da tançutiñiyíypa ti nimtooba jém tánQmi.

¹⁹ Jesic jém Jesús icutiñiyíy iga jém icuyujcñwiñ icwáctooba. Jesic iñímáy jeeyaj:

—¿Que minicwáctamtap ti animtooba cuando mannímáyñe iga: “dam jáyñe, da ánixtámpa” y ocmi, “da jáypa ánixtámpa eybic”? ²⁰ Numa, mannímáypa iga tsam miwejtámpa, tsam minyáctámpa. Jém malopic pixiñtam jém ityajwñip yíp naxyucmi tsam maymáayajpa. Pero mimichtam tsam minyáctámpa. Pero ocmi cáypa jém anyaaqui, setpa iga mimaymáyatámiñ mimichtam. ²¹ Cuando tum yomo icnaypa tsixi, agui anyácne iga yaachap porque núcnem jém tsixi itoya. Pero ocmi cuando nayñeum jém tsixi, dam ijispa jém yomo iga tsam yaachā micnay jém tsixi porque agui maymay iga icnayñe tum tsixi yíp naxyucmi. ²² Jesanetim mimichtam siip tsam minyáctámpa, pero jesic ocmi miñgacpa mánám y tsam mimaymáyatámpa. Jesic jém maymáayaji da i wiap miccáyáy. ²³ Cuando núcum jém jama iga amiñgacpa, jesic da ti anacwáctámpa mimichtam.

’Numa mannímáypa iga jém anJatun Dios michiiba titam inwágaytámpa ich anniyimi. ²⁴ Hasta siip da ti inwágayta Dios ich anniyimi. Siibam wágaytaami Dios titam iñxunpa iga tsam mimaymáyatámpa cuando impictsonjtámpa.

Jesucristo icoñwiy jém Woccïwiñ ipimi

²⁵ 'Hasta siip manañmadayñe cuentujmi, pero núcpa jém hora iga da manañmadáypa cuentujmi. Mannuntawianmadáypa ti iwianjam jém anJatun Dios. ²⁶ Jesic cuando núcpa jém jama, da anañwejpátpa Dios para mimichtam porque mimichtam inwágáypa Dios titam iñxunpa ich anniyimi. ²⁷ Jém anJatun Dios iyaac mitoytámpa porque michtam antoytámpa aich y incupictámpa iga ich atsucum jut it anJatun Dios. ²⁸ Ich atsucum jut it anJatun Dios. Miñ aiti yíp naxyucmi. Siip acáypam yíp naxyucmi. Eybictim anicgacpa jut it anJatun Dios.

²⁹ Jesic nımyaj jém icuyujcïwiñ:

—Siip numa iññuntawianmatum. Dam inmatpa cuentujmi. ³⁰ Siip anjodónatámum iga incutiıyıypa itumpiy cosa, da iñxunpa iga i micwácpa. Jeeyucmi mancupictámpa iga numa Dios micutsatne yíp naxyucmi.

³¹ Jesic jém Jesús iñímáy jeeyaj:

—¿Numa, incupictámpa siip? ³² Mannímáypa iga núcum jém jama iga ancupóyaytámpa mimichtam. Micupujaytámpa. Miñictámpa yım jeexic. Antsactámpa aich ancutum. Pero ich da atsıypa ancutum porque siempre it con aich jém anJatun Dios. ³³ Mannímáyta itumpiy yıpyaj cosa iga odoıy ti incıntámiñ porque ancupicneta aich. Tienes que miyaachwattamtap yıp naxyucmi, pero camamwatı iñanama porque ich ancoñwiıñeum itumpiy jém Woccïwiñ ipimi jém itwiip yıp naxyucmi.

17

Jesús inwejpátpa Dios para jém icuyujc#wiñ

¹ Jesic cuando yaj inmat jempic jém Jesús, ámqúim sinyucmi. Moj inwejpát Dios. Nimpa:

—ManJatun Dios, siip núcneum jém hora iga ac-caatap. Siip watí titam iñxunpa iga jém pìxiñtam awìxyajiñ aich, jém michpic immānic. Jesic ich anwatpatim jém yoxacuy juuts mich iñxunpa iga jém pìxiñtam miwìxyajiñtim. ² Mich an-chi jém pimi iga ananjacpa itumpiy jém pìxiñtam. Ampictson jém autoridad iga anchiiyajpa jém vida jém dapic cuyajpa itumpiy jém pìxiñtam jém michpic anchiiñe. ³ Ipietsonyaypa jém vida jém dapic cuyajpa siiga miixpicayajpa mimich jém tumpic miDios y siiga aixpicayajpatim aich, jém aJesucristo jém michpic ancutsatne yíp naxyucmi.

⁴ 'Yajum anwat jém yoxacuy jém anchiiñewiip mimich, jeeyucmi tsam micujípyajpa jém ityajwiip yíp naxyucmi. ⁵ Siip manJatun Dios, awadaayi juuts mich iñxunpa iga acujíptaiñ con mimich jutstim acujípneta cuando jáy tawagañti cuando danam tanwatne yíp mundo.

⁶ 'Yíp ampixiñtam, jém incupiñnewiip yíp naxyucmi, mich immichi idic y siip mich anchi. Ananquejayyay yíp ampixiñtam itumpiy jém michpic ininquímayooyi iga miwìxpicayajiñ. Siip iwatyajpa juuts nimpa ininquímayooyi.

⁷ Siip ijodónayay iga mich immichi itumpiy jém ananquímayooyi jém michpic anchiiñe.

⁸ Anchiiñeyajum jém ampixiñtam jém anmati, jém michpic anchiiñe. Siip ipietsonneyajum jém

aṇmaṭi y ijoḍoṇayajum iga numa ich amiñ siṇyucmi juṭ miit. Icupicyajpa iga mich aṇcutsatne yíp naxyucmi.

⁹ 'Siip manañwejpátpa mimich para jém ampixiñtam. Da manañwejpátpa para jém ityajwiip yíp naxyucmi jém ḍapic acupicneyaj. Solamente manañwejpátpa para jém ampixiñtam jém michpic anchiiñe porque immichitim mich. ¹⁰ Itumpiy jém ichpic ammiichi, immichitim mich. Y jém michpic immichi, ammiichitim ich. Acujíṭap aich porque jém ampixiñtam iwíwatyajpa.

¹¹ 'Siip ich da atsíypa yíp naxyucmi. Tsíyyajpa jém ampixiñtam. Ich anicpa siṇyucmi juṭ miit. Siip manJaṭuṇ Dios, miCuáyñewiip, con mich impimi waṭi cuenta jém ampixiñtam jém anchiiñewiip iga iniityajiñ tumti jixi juutstim taichtam. ¹² Iganam aṇwaganaityaj yíp naxyucmi jém aṇcuyujciwiñ, jém anchiiñeyajwiip mimich, ich aṇwatneyaj cuenta con mich impimi. Da ti iñascaneyaj. Da togoyñe ni tum, nada más jém togoyñewiip dende wiñigam. Je togoy iga cupacpa jém aṇmaṭi jém jaychacnetawip.

¹³ 'Siip anicpa juṭ miit, manJaṭuṇ Dios. Pero iganam ait yíp naxyucmi, mannímáypa yípyaj cosa, jesic jém aṇcuyujciwiñ maymáayajpatim juutstim aich. ¹⁴ Ich anchiiñeyaj jém aṇcuyujciwiñ jém michpic ininmaṭi. Jém malopic pxiñtam, jém ityajwiip yíp naxyucmi, tsam ijóyixajpa jém aṇcuyujciwiñ porque jeeyaj ḍatim yíp naxyucmic pxiñtam. Jextim juuts ich da yíp

naxyucmipic apixiñ. ¹⁵ Siip da manní máypa iga accaayi jém añcuyujciñwiñ yíp naxyucmi. Pero manní máypa iga watí cuenta iga jém Wocciñwiñ da wíap imalwadáy. ¹⁶ Ich añcuyujciñwiñ da je yíp naxyucmipic pxiñtam, jextim juuts aich da yíp naxyucmipic apixiñ. ¹⁷ Accámyaji yíp añcuyujciñwiñ juuts mich iñyoxaciñwiñ iga tsiyyajiñ juuts mich immichi iga inmatyajiñ jém numapic añmati. Jém michpic ininmati jém nunta numapic. ¹⁸ Añcutsatpa jém añcuyujciñwiñ iga inquejayyajiñ jém pxiñtam jém ityajwíp yíp naxyucmi juutstim mich añcutsatne yíp naxyucmi. ¹⁹ Ich anyaac anaccámta juuts mich iñyoxaciñwiñ para que jém añcuyujciñwiñ wíaptim iniccám juuts tum iñyoxaciñwiñ iga inmatyajiñ jém numapic añmati.

²⁰ 'Da manañwejpátpa solamente para jém añcuyujciñwiñ jém siippic it, pero manañwejpátpa para itumpiy jém pxiñtam jém acupicyajpáppic aich cuando imatonjajpa jém añcuyujciñwiñ inmati. ²¹ Manwágáypa, manJatun Dios, iga tumti jixi iniityajiñ itumpiy jém ampixiñtam jém acupicneyajwíp, jesaptim juuts taich tumti jixi tanaifta. Yoxpaati itumpiy jém acupicneyajwíp iga tumti jixi tanaiftámiñ tantumpiytam. Jesic jém dapic acupicneyaj, wíaiñ icupicyaj iga mich añcutsatne yíp naxyucmi. ²² Anchiiñe jém impimi, jém michpic anchi, iga tumti jixi iniityajiñ jextim juuts taichtam tumti tanjixi tanaifta. ²³ Ich ait jém añcuyujciñwiñ ianamanjom. Mich miittim ich ánanamanjom. Jeeyucmi tumti jixi tanaifta tantumpiytam. Jesic jém tungac pxiñtam, jém

ɖapɪc ɪcupɪcneyaj, iwɪjɔɖɔŋ ɪga mɪch aŋcutsatne yɪp naxyucmɪ. ɪjɔɖɔŋtɪm ɪga tsam ɪñtoyyajpa jém aŋcuyujcɨwɪñ juutstim mɪch antoypa aɪch.

²⁴ ManJatun Dios, ansunpa ɪga aŋwaganaitɨyajiñ jém aŋcuyujcɨwɪñ, jém mɪchpɪc anchiiñe. Ansunpatim ɪga iixyajiñ jém ampɪmi jém mɪchpɪc anchiiñe porque mɪch antoypa antes que wattap yɪp nas. ²⁵ ManJatun Dios, agui micuáyñe. Jém itɨyajwɪp yɪp naxyucmɪ ɖa miixpɪcyajpa, pero ɪch, nɨma mánixpɪcpa y jém ampɪxiñtam ɪjɔɖɔŋayaj ɪga mɪch aŋcutsatne yɪp naxyucmɪ. ²⁶ Aŋwɪañquejáy jeeyaj ɪga ɪcutɨiyyajiñ ɪga miɪapaap mimich. Seguido anañquejáypa ɪga iniɨtyajiñ jém wɪbɪc tóyooyi juuts mɪch antoypa aɪch. Jesɪc ɪch aít jém ampɪxiñtam ɪanamanjom.

18

Matsta Jesús, nanicta preso

(Mt. 26:47-56; Mr. 14:43-50; Lc. 22:47-53)

¹ Jesɪc cuando yaj ɪŋmat yɪpyaj aŋmatɪ, moɪ nɪquiyaj con jém ɪcuyujcɨwɪñ. Nɪcyaj tɨm nɪ aŋwiñtuc, ɪñiyi Cedrón. Jemum it tɨm finca de olivos, tigɨyyaj Jesús con ɪcuyujcɨwɪñ. ² Jém Judas, jém iwadaypaap atraición, ɪjɔɖɔŋtɪm jut it jém lugar porque watciy iwaganaoyyaj jém Jesús jém ɪcuyujcɨwɪñ. ³ Jém panɪj anjagooyiyaj con jém fariseoyaj ɪcutsatyaj jutɨn pɪxiñtam y jém policía con jém Judas ɪga nɪcpa ɪmatsyaj jém Jesús. Jesɪc jém Judas ɪninɪcpa jeeyaj hasta jut it jém Jesús. ɪninɪcyaj jém espada y lanza. ɪninɪcyajpatim jucti ɪga ɪyɪcquejpa. ⁴ Iwɪjɔɖɔŋ Jesús ti ɪñascaaba, pero

da c̱iŋpa. Jesic nic iwiñquejáy jém miññeyajw̱iip. Iñímáy jeeyaj:

—¿I immétspa?

⁵ Ṉimyajpa jém policía:

—Jém Jesús, jém Nazaretpic.

Jesic Jesús iñímáy:

—Aicham.

Jém Judas, jém iwadaypaap atraición jém Jesús, iwaganait jém policía. ⁶ Cuando iñímáy Jesús jém miññeyajw̱iip iga: “Aicham”, jesic itump̱iy de jeeyaj iñiccayaj ituuñi, tsutyaj. ⁷ Jesic eybictim iñímáy Jesús jém policía:

—¿I immétspa?

Ṉimyajpa jeeyaj:

—Jém Jesús, jém Nazaretpic.

⁸ Jesús eybic iñímáy jeeyaj:

—Mannímayñeum iga aicham. Siiga ammétstámpa aich, jesic wiñti j́igaayi iga nicyajiñ ýip amp̱ixiñtam.

⁹ Ṉimpa jemp̱ic jém Jesús iga cupacpa jém aŋmaŋti jém iŋmatnew̱iip wiñti. Ṉimpa: “Jém amp̱ixiñtam, jém achiiñew̱iip Dios, ni tum da antsictogoy.”

¹⁰ Jesic jém Peto itop jém espada, iṯiŋquímáy tum p̱ixiñ itatsic jém aŋw̱im̱ipic. Jém p̱ixiñ icuyoxap jém cobacpic paŋij, iñiyi Malco. ¹¹ Jesic Jesús iñímáy jém Peto:

—Coti jém espada iñacjom. ¿Que da iñjodon iga anJatun Dios ij̱cpa iga ayaachwattap y ich tienes que anyaachíypa?

Nanicta Jesús jém panij anjagooyi iticcim
(Mt. 26:57-58; Mr. 14:53-54; Lc. 22:54)

¹² Jesic jém p̄ixiñtam jém icutsatneyajw̄ip jém panijyay y jém comandante con ipolicía imatsyay jém Jesús. Ichenyaj. ¹³ Jesic wiñt̄i nanictap Jesús jém Anás iticcim, jém Anás im̄it jém Caifás, jém cobacp̄ic panij jém amt̄iy. ¹⁴ Jeetim Caifás, jém ichiñew̄ip consejo jém judíos, iga más w̄i iga acatañ̄ tum p̄ixiñ iga odoy togoyyajiñ itump̄iy jém Israelp̄ic p̄ixiñtam.

Jém Peto innécpa iga iixpicpa Jesús
(Mt. 26:69-70; Mr. 14:66-68; Lc. 22:55-57)

¹⁵ Jém Peto itún̄iy Jesús con jém tungac icuyujc̄iwiñ. Jém Caifás iixpicpa jém p̄ixiñ, jeeyucmi tiḡiy con Jesús jém Caifás itaañijom. ¹⁶ Pero ts̄iy an̄sicmi jém Peto jém taañi an̄naca. Tiḡiyñe jém tungac discípulo, jém iixpicp̄appic jém Caifás, ij̄iyáy jém yomo jém iwatp̄appic cuenta jém puerta. Icunucsáy iga tiḡiyiñ jém Peto.

¹⁷ Jesic jém yomo in̄imáypa jém Peto:

—¿Que mimich, da ȳip p̄ixiñ micuyujc̄iwiñ?

Jesic n̄impa jém Peto:

—Ich da aje.

¹⁸ Jesic como ts̄am succ̄uc, jém policía con jém icuyoxayajpaap jém cobacp̄ic panij, icnúcyaj juct̄i iga samyajpa. Iwaganait̄yajt̄im jém Peto. Sampatim mex je.

Jém panij anjagooyi icwácpa Jesús
(Mt. 26:59-66; Mr. 14:55-64; Lc. 22:66-71)

¹⁹ Jesic jém cōbacpic pañij moj icwác jém Jesús. Nímaytap:

—¿Itam jém inçuyujcïwiñ? ¿Juutspic anquímayooyi síp ininquej?

²⁰ Jesic Jesús icutson. Nímpa:

—Ich siempre anañmatpa jém anañmati itumpiy jém pixiñtam iwiñjom juť wiať imatonayaj i quej. Siempre accuyujóypa jém sinagoga y jém mijpic masticjom. Da ti anyámanmatpa. ²¹ ¿Tiiga anacwácpa aich? Acwácyañi jém pixiñtam jém amatonneyajwiip. Jeeyaj wiať minmadayyaj ti anañquejayñeyaj. Iwijodonayaj ti annímáy.

²² Cuando nímpa jempic jém Jesús, jesic tum policía ichi tum toji iacpacyucmi. Nímpa jém policía:

—¿Que jempigam inçutsonpa jém cōbacpic pañij?

²³ Jesic Jesús iñímáy jém policía:

—Siiga amalnim, jesic anímaayi ti mal anim. Pero siiga da amalnimne, ¿jesic tiiga ançótspa?

²⁴ Tsenneta jém Jesús cuando jém Anás icutsadáy jém cōbacpic pañij, jém Caifás.

*Eybictim innécpa jém Peto iga iixpicpa Jesús
(Mt. 26:71-75; Mr. 14:69-72; Lc. 22:58-62)*

²⁵ Jesic jemum teñ jém Peto nocojom jém jucticim. Sampa ixi. Jém ityajwip iñímayyaj jém Peto:

—Mimich, ¿da yíp pixiñ micuyujcïwiñ?

Jém Peto innécpa. Nímpa:

—Ich da aje.

²⁶ Jesic tum jem icuyoxapaap jem cobacpic panij ijiyáypa jem Peto. Jem itíwi, jem itinquímayñewiip itatsic. Nímayta jem Peto:

—¿Que da mánix jem finca de olivos, jut matsta jem pixiñ?

²⁷ Jesic eybictim inñéc jem Peto iga iixpicpa Jesús. Jesic jeetim rato anwejpa tum cayu.

Nanicta Jesús jem Pilato iwiñjom

(Mt. 27:1-2, 11-14; Mr. 15:1-5; Lc. 23:1-5)

²⁸ Jesic topta Jesús jem Caifás iticcim. Nanicta jem palacio jut it jem Romapic gobernador. Tsuuytim. Joccuquej. Jem panij anjagooyiyaj da tigiyay jem palacio porque ijiyaypa jem Israelpic pixiñtam siiga tigiyay jem Romapic pixiñtam iticjom, da tsíy juuts cuáyñe, jesic da wiap icútyaj jem pascuasij wíccuy. ²⁹ Jeeyucmi put ipalacio jem Pilato, nic ançim iga iám jem Israelpic anjagooyiyaj. Nímayta jeeyaj:

—¿Ti quejaj inimiñ para yíp pixiñ?

³⁰ Jesic jem judíos injagooyiyaj icutsonyay, nímaj:

—Meega da pimi mal iwatne yíp pixiñ, jesic da mançijunçodáypa inçijom.

³¹ Jesic jem Pilato iñímáy jeeyaj:

—Nasettaami eybic jemic, çipintaami con michtam ininquímayooyi.

Jesic nímajpa jem judíos:

—Da anajta derecho iga anaccaatámpa ni tum pixiñ.

³² Iwatayajpa jempic iga cupacpa jem anmati jem nimnewiip Jesús cuando iñímáy jem icuyujçwiñ

juṭpic accaatap. ³³ Jesic jém Pilato tigiygacum jém palacio. Inwejáy Jesús, iñímáy:

—¿Que micham jém judíospic miRey?

³⁴ Jesic Jesús icutson jém gobernador, iñímáy:

—¿Que mich iñyaac miñimpa jempic o tungac minmadayñe iga aṭapaap?

³⁵ Nimpa jém Pilato:

—¿Que ich ajudío? Jém michpic iñṭiwitam, jém judíos, con jém panij anjagooyiyaj micijunṭotyaj ich anṭijom. ¿Ṭi mal inwatne?

³⁶ Jesic Jesús iñímáy jém Pilato:

—Numa ich atsiypa juuts anjagooyi, pero da ananjacpa jém pixiñtam juuts yíp naxyucmipic anjagooyiyaj. Siiga ananjacpa juuts yíp naxyucmipic anjagooyi, jesic anayajpa jém ampixiñtam iga odoy i wiñiñ acijunṭot jém judíos icijom. Pero ich da ananjacpa juuts yíp naxyucmipic anjagooyiyaj.

³⁷ Jesic jém Pilato iñímáy jém Jesús:

—¿Que numa micham jém miRey?

Jesús icutson. Nimpa:

—Mich miñimpa iga ich aRey. Ich anay y amiiñ yíp naxyucmi iga ananmadáypa jém pixiñtam jém numapic anquímayooyi. Jesic itumpiy jém icupicyajpáppic jém numapic anquímayooyi, imatonayajpa ti ananmadáypa.

³⁸ Nimpa jém Pilato:

—¿Ṭi jém numapic anquímayooyi?

Cijunṭotta Jesús iga accaatañ

(Mt. 27:15-31; Mr. 15:6-20; Lc. 23:13-25)

Jesic cuando yaj icwác jém Pilato, putgac an̄sicmi. Eybictim nic iñímáy jém judíos:

—Ni tum itán̄ca da ampadáy yíp p̄ixiñ. ³⁹ Pero iniitta tum costumbre iga cada pascuas̄in an̄cutsigáypa tum preso para mimichtam. ¿Jesic ti iñxunpa, in̄wian̄jamta iga an̄cutsigáypa jém judíos iRey?

⁴⁰ Jesic itump̄iy de jeeyaj eybictim p̄imi j̄iyyajpa. N̄imyajpa:

—Odoy cutsigaayi yíp p̄ixiñ. Cutsigaayi jém Barrabás.

Jém Barrabás tum númpaap.

19

¹ Jesic jém Pilato ip̄im̄íy isoldado iga imatsyajiñ jém Jesús y icótsyajiñ p̄imi con jém cótsóycuy. ² Jesic ocmi jém soldado ip̄icyaj apit, itacpa tum corona, iccámayyaj jém Jesús icobacyucmi. Iccámayyaj̄tim tum yagats yooti moradopic. ³ Jém soldado ix-aaȳiyyajpa, icunúcyajpa Jesús, iñímayyajpa:

—Xutsóy, miRey de jém judíos.

Tsam icótsayyajpa iācpac.

⁴ Jesic jém Pilato eybic put an̄sicmi jém ipalacio. Iñímáy jém judíos:

—Ixtaami. Manamíñáy eybic yíp p̄ixiñ iga man-acjodón̄ata iga da ampádáy ni tum itán̄ca.

⁵ Jesic naputta Jesús jém palacio. Accámayñeta jém apit corona icobacyucmi. Accámayñet̄atim jém yagats yooti moradopic. Jesic jém Pilato iñímáy jeeyaj:

—Ȳim it jém p̄ixiñ.

⁶ Jesic cuando jém pañij anjagooyiyaj con jém policía iixyaj jém Jesús, pimi jiyaypa, nımyajpa:

—¡Cunúntaami cunusyucmi! ¡Cunúntaami cunusyucmi!

Jesic Pilato iñímáypa jeeyaj:

—Nanictaami mimichtam. Cunúntaami cunusyucmi. Ich da ampadáy ni tum itañca.

⁷ Pero jém judíos iñímáypa jém Pilato:

—Anaitta tum ananquımayooyi. Nimpa jém ananquımayooyi iga accaatañ jém pıxiñ porque nimpa iga: “Dios aManic.”

⁸ Jesic jém Pilato mu imaton ti inmadayyaj, mástim cıñ. ⁹ Jesic eybictim jém Pilato ininıc Jesús jém palacio, eybic icwácpa, nımayta:

—¿Jutpıc mipıxiñ?

Pero Jesús da icutson.

¹⁰ Jesic Pilato iñímáy jém Jesús:

—¿Que mimich, da anjıyáypa? ¿Da iñjodon iga ich anait jém autoridad iga mancunúnpa cunusyucmi y anaıttim autoridad iga mancutsigáypa?

¹¹ Jesic Jesús iñímáypa jém Pilato:

—Mich da ti wiap anwadáy siiga da ijıcpa anJatun Dios. Jém autoridad jém iniıtwıip mimich, michiıñe jém anJatun Dios. Jeeyucmi jém acııjunıcotnewıip mich inııııom más táncaıy que mimich.

¹² Dende jesıgam jém Pilato imétstip jutsap icutsigáy jém Jesús. Pero pimi jiyaypa jém judíos. Nımyajpa:

—Siiga inıcutsigáypa yıp pıxiñ, jesic da je miamigo jém emperador jém itwıip Roma. Siiga tum pıxiñ

nacámtap iga rey, jesic tsíypa iga jém emperador ienemigo.

¹³ Jesic cuando jém Pilato imaton ti iñímayyajpa jém pixiñtam, eybictim itop jém Jesús jém palacio. Ininic an̄sicmi. Coñ jém Pilato jém coñcuyyucmi jut ciipínóypa. Jém lugar iñiyi Gabata. Jém hebreopic an̄matimi nimtooba jém piso jut wíwatneta con jém tsa. ¹⁴ Iwatyajpa jempic como las seis de la mañana. Yíp jém jama antes que núcpa jém jejcuyjama, jeetim semana cuando wattap jém pascuas̄. Jesic jém Pilato iñímáy jém judíos:

—Yim it jém iñRey.

¹⁵ Jesic pimi jiyyajpa jém pixiñtam. Nímyajpa:

—¡Accaataami! ¡Accaataami! ¡Cunúntaami cunusyucmi!

Jém Pilato iñímáy jém pixiñtam:

—¿Que iñxuntámpa iga an̄cunúnpa cunusyucmi jém iñRey?

Jesic jém panij anjagooyiyaj iñímayyajpa jém Pilato:

—Da anaíta tungac más rey. Aichtam anrey jém emperador jém itw̄ip Roma.

¹⁶ Jesic ocmi jém Pilato iciijun̄cot Jesús jém soldado iciijom iga cunúntaĩ cunusyucmi. Jeeyaj ininicyaj jém Jesús.

Cunúnta cunusyucmi jém Jesús

(Mt. 27:32-44; Mr. 15:21-32; Lc. 23:26-43)

¹⁷ Jesic nanicta Jesús. Accónneta icunus. Nicpa jém lugar iñiyi jém Tsútscōbacpac̄im. Iñiyitim Gólgota jém an̄matimi hebreo. ¹⁸ Jemum cunúnta Jesús cunusyucmi. Jeetim jama cunúntatim

cunusyucmi tungac wisten p̄ixiñ. P̄anayta jem icunus tumtum cada lado. Cucmi ts̄iy jem Jesús icunus. ¹⁹ Jém Pilato iwat tum letrero iga accámaytaiñ jem Jesús icobacant̄icmi. Jaycámnet̄a: “Jesús jem Nazaretp̄ic jem judíos iRey.” ²⁰ Jáyan jem judíos imayyajpa jem letrero porque jut cunúnnet̄a cunusyucmi jem Jesús, da juumi de jem attebet Jerusalén. Watnetawom jem letrero tres an̄mat̄imi, jem hebreo, jem latín y griego. ²¹ Jém panij anjagooyi iñimayyaj jem Pilato:

—Odoy jaȳi iga: “judíos iRey”, jaȳi iga: “N̄impa ȳip p̄ixiñ iga ich aRey de jem judíos.”

²² Pero jem Pilato iñimáy jem panijyaj:

—Como anjayñeum, ts̄iyñam jut̄pic anjayñe.

²³ Jesic jem soldado cuando icunúnneyajum jem Jesús cunusyucmi, itobayyaj itump̄iy jem Jesús ipuct̄ucu. Iwéc̄yaj icucuatro jem soldado, pero jem iyooti tácnetā icuyagats, da núnne. ²⁴ Jesic nanimayyajtap jem soldado:

—Da tanjactámpa ȳip yooti, pero tammétstámpa por sorteo ī icoñw̄iypa. Jeam im̄ichap ȳip yooti.

Iwatyajpa jem̄pic iga cupacpa jem an̄mat̄i juuts jayñetā jem Dios in̄mat̄i. N̄impa iga: “Jém p̄ixiñtam awégayyajpa ich ampuct̄ucu. Imétsyajpa por sorteo ī icoñw̄iypa jem anyooti.” Jempam iwatyaj jem soldado.

²⁵ Jut cunúnnet̄a cunusyucmi Jesús, da juumi ittim iapa, con iapa iyom̄t̄iwi, it jem Malía jem Cleofas iwichomo y Malía Magdalena. ²⁶ Jesic cuando iix Jesús jem iapa y iixtim iga nocojom teñ tum jem

icuyujc̃wiñ jém ts̃ampic itoypa, jesic iñímáy jém iapa.

—Miyomo, jempic it mich immanic.

²⁷ Jesic oc̃mi jém Jesús iñímáytim jém icuyujc̃wiñ jém ts̃ampic itoypa:

—Jempic it mich iñapa.

Jesic dende jém tiempo jém p̃ixiñ ininic jém Jesús iapa itic̃c̃im iga iwatpa cuenta.

Ca jém Jesús

(Mt. 27:45-56; Mr. 15:33-41; Lc. 23:44-49)

²⁸ Jesic oc̃mi ijodon Jesús iga cupacneum itumpiy jém iyoxacuy. Jesic iga cupacpa jém Dios iñmati, jém jaychacnetaw̃ip, ñimpa:

—Ich añictitspa.

²⁹ Jemum it t̃um majcuy comne con jém t̃ampic vino. Jesic algunos imujpa juuts t̃um puqui con jém vino, iccám t̃um waycuyyuc̃mi iga igucpa Jesús ux̃aj jém vino. ³⁰ Jesic iuc ux̃aj jém t̃ampic vino, ñim Jesús:

—Cupacneum.

Iñquet icobac, put ianama, caum jém Jesús.

Tsé̃ỹat̃a jém Jesús ipócpac̃añaca con lanza

³¹ Jesic ỹip jém jama antes que núcpa jém jejcuyjama. Jeetim jejcuy jama cuyajpa jém pascuas̃in, jeeyuc̃mi jém judíos da iw̃iañjamyaj iga ts̃iyyajpa jém ts̃úts cunusyuc̃mi jém jejcuyjama. Jesic iw̃ágayyajpa jém Pilato iga ichiñ orde iga nácsnácsquidayt̃aiñ jém iw̃it̃puy jém cunúnnetaw̃ip cunusyuc̃mi iga ixt̃aiñ iga caaneum. Jesic wiap icquetyaj. ³² Jesic jém soldado ñic iñácsnácsquídayyaj

iwitpuy jem wiñtipic pixiñ jem cunúnnetawip cunusyucmi con Jesús y ocmi jem tungac. ³³ Pero cuando núcyaj jut it jem Jesús, jem soldado iixyaj iga caaneum. Jeeyucmi da iñácsnácsquídáy jem iwitpuy.

³⁴ Pero tum soldado ichénáy ipócpacanaca con lanza, jeeti rato putpa nipiñ y ni. ³⁵ Ich, jem ánixñewip ti iñasca jem Jesús, atsiy juuts testigo jem numapic iga inçupictámiñ. Da mammigóyáypa. Ich anwijodon ti sip mananmadáy. ³⁶ Iwatyajpa jempic iga cupacpa jem anmati jut jayñeta jem Dios inmati. Nimpa iga: “Da i iquidáypa ni tum ipac.” ³⁷ Tungac parte nimpatim jem Dios inmati: “Jem pixiñ agui iámyajpa jem pixiñ jem tseñnetawip.”

Cumta jem Jesús

(Mt. 27:57-61; Mr. 15:42-47; Lc. 23:50-56)

³⁸ Ittim jem tum pixiñ iñyi José, Arimateapic pixiñ. Icupicnetim Jesús, pero inyampa iga icupicpa porque tsam icinpa jem Israelpic anjagooyiyaj. Jesic cuando caaneum Jesús, jem José nic iwágáy permiso jem Pilato iga ininigáypa Jesús imijtay. Jem Pilato ichi permiso. Jesic jem José oy ipigáy imijtay, ininíc. ³⁹ Sibbatim jem Nicodemo, jem oyñewip iám Jesús tsuucim. Jem Nicodemo inimiñ cien libras jem pooti jem cinpaap, namotneta jem mirra con jem áloes. ⁴⁰ Jesic jem José y jem Nicodemo ininigáy jem Jesús imijtay. Iccámayyaj jem pooti jem cinpaap, inmónayyaj con wibic punctucu. Iwadáy itumpiy juuts jem Israelpic pixiñtam icostumbre cuando icumpa tum tsúts. ⁴¹ Jem jut cunúnta cunusyucmi

jém Jesús it tũm huerto. Jém huertojõm it tũm tsaajos yaguiñ watneta, juť cũmtap tsúts. Pero da i queman icot ni tũm tsúts jém tsaajosjõm. ⁴² Noco it jém tsaajos. Jeeyucmi jém José y Nicodemo nic icodayyaj jém Jesús imijtay jém tsaajosjõm porque tsucumtoobam jém jejcuy jama iga jejjajpa jém judíos.

20

Pis jém Jesús

(Mt. 28:1-10; Mr. 16:1-8; Lc. 24:1-12)

¹ Jesic cuando nasneum jém jejcuyjama, jém tungagam jama, icuquejama, jém Malía Magdalena nic tsuuytim jém tsaajoscim. Piichinam. Mu iñúc, iix iga jopputnetawum jém tsa jém jos inñúcuy.

² Jesic póyan̄sucum jém Malía, nic iám jém Peto y jém tungac icuyujc̄wiñ, jém tsampic itoypa Jesús. Jém Malía iñímáy jém wisten icuyujc̄wiñ:

—Topnetawum jém tánQmi imijtay jém tsaajosjõm, nanicnetawum. Da anjodon juť tsacta.

³ Jesic moj niqui jém Peto con jém tungac jém Jesús icuyujc̄wiñ. Nicyajpa jém tsaajoscim.

⁴ Poyimi nicyaj icuistic, pero jém tungac icuyujc̄wiñ más jicsciy nic que jém Peto. Anjagóy miñúc jém tsaajoscim. ⁵ Jém mojnewip nuuqui ámcúm jém tsaajosjõm. Iix iga it no más jém wibic puctucu, jém Jesús inmónóycuy, pero da tigiy jém tsaajosjõm. ⁶ Ocmim núc jém Peto, tuuñian̄cim miñ. Tigiy jém tsaajosjõm. Iixtim iga jemum it no más jém inmónóycuy. ⁷ Iixtim iga it jém icobacan̄mónóycuy, pacsnetawum, tsacnetawum tũm áñeymi. ⁸ Jesic tigiy mex jém

tungac icuyujci#wiñ, jém mojnnewip nuuqui jém tsaajosciim. Iix iga da i jém Jesús imijtay, jesic icupic iga pisneum. ⁹ Porque danam icutiyyiñeyaj jém Dios inmati jut jayñeta iga tienes que pispá jém Jesús de jut it jém caaneyajwiip. ¹⁰ Jesic jém wisten jém icuyujci#wiñ setyaj eybic iticciim.

*Iwiñquejáy Jesús jém Malía Magdalena
(Mr. 16:9-11)*

¹¹ Pero tsíy jém Malía jém tsaajosanñaca. Wejpa jém yomo. Iganam wejpa ámcúmpa jém tsaajosjom. ¹² Iix wisten jém sinyucmipic pixiñ. Agui popo ipuctucu. Jemum coñyaj jut it idic jém Jesús imijtay. Tum coñ jut it idic icobac, tum coñ jut it idic ipuy. ¹³ Jesic jeeyaj icwácyajpa jém Malía. Nímaytap:

—Miyomo, ¿tiiga miwejpa?

Jesic nimpa jém Malía:

—Awejpa porque nanicnetawum jém ánQmi imijtay y da anjodon jut tsagayñeta.

¹⁴ Cuando yaj jiyi jém Malía, ámsset ituuñiancciim. Iix iga jemum teñ jém Jesús. Pero da icutiyyíypa iga numa jeam jém Jesús. ¹⁵ Jesic Jesús iñímáy jém Malía:

—Miyomo, ¿tiiga miwejpa? ¿I immétspa?

Jém Malía da iixpicpa iga jeam jém Jesús, injampa iga je jém pixiñ jém iwatpáppic cuenta jém huerto. Jeeyucmi Malía iñímáy:

—Mimich, siiga ininicne jém ánQmi imijtay, anmadaayi jut iñchacne, jesic nicpa ampic.

¹⁶ Jesic nimpa Jesús:

—¡MiMalía!

Jesic áms̄et jém Malía. Ij́íyáy jém Jesús. Nímayta jém hebreop̄ic aṇmat̄imi:

—¡Raboni!

Tanaṇmat̄imi nimtooba: MamMaestro.

¹⁷ Jesic Jesús iñímáypa jém Malía:

—Odoy ats̄ici porque danam aquímne j̄ut it anJ̄atun̄ Dios. Siṇ niḡi aṇmadaayi jém tant̄iw̄itam, jém aṇcuyujc̄iwiñ, iga aquímgacpa j̄ut it jém anJ̄atun̄ y iñJ̄atun̄tim mimichtam, hasta j̄ut it ich anDios y iñDios̄tim mimichtam.

¹⁸ Jesic jém Malía Magdalena nic inmadáy jém Jesús icuyujc̄iwiñ. Nimpa jém Malía:

—Ánixñeum jém tánQ̄mi.

Inmadáytim jeeyaj ti iñímáy jém Jesús.

*Iwiñquejáytim Jesús jém icuyujc̄iwiñ
(Mt. 28:16-20; Mr. 16:14-18; Lc. 24:36-49)*

¹⁹ Jesic jém wiñtip̄ic jama de jém semana, aṇtuumaneyaj tsuuc̄im jém Jesús icuyujc̄iwiñ tum ticj̄om. Wiṇpajnet̄a jém tic porque tsam ic̄iṇyajpa jém judíos. Jesic jeeti rato iixyaj iga jém Jesús iwaganaityajum icuyujc̄iwiñ. Pero da i iix j̄ut tiḡiy. Nimpa jém Jesús:

—¡Xutsóytam!

²⁰ Mu iñímáy Jesús, jesic inquejáy jém ici y ipócpacaṇnaca j̄ut coow̄ane. Jesic icuyujc̄iwiñ cuando iixyaj jém tánQ̄mi, tsam p̄imi maymayyaj.

²¹ Jesic eybictim iñímáy Jesús:

—¡Xutsóytam! Juuts jém anJ̄atun̄ Dios acutsat ȳip naxyucmi iga aṇwatpa jém Dios iyoxacuy,

jempictim mañcutsattámpa mimichtam iga inwattámiñ jém Dios iyoxacuy.

²² Jesic cuando yaj inmadáy jempic jém Jesús, ixujpa jém icuyujcɨwiñ. Inímáy:

—Pictson̄taami jém Dios iAnama. ²³ Siiga mimichtam in̄yoxpátpa jém p̄xiñtam iga jeeyaj inmadáypa Dios itánca, jesic wadaytap perdón jém itánca. Dam i ichiiba castigo. Pero siiga da in̄yoxpátpa jém p̄xiñtam iga inmadáypa Dios itánca, jesic da i iwadáypa perdón jém itánca.

Jém Tomax iix iga n̄uma p̄isneum jém Jesús

²⁴ Pero jém Tomax tum de jém docepic icuyujcɨwiñ, jém in̄iyitim Mechí, da i con los de más cuando núc jém Jesús jut it icuyujcɨwiñ.

²⁵ Jesic jém tungac icuyujcɨwiñ inmadayyaj jém Tomax ti iixñeyaj:

—Ánixñetámum jém tánQmi.

Pero jém Tomax inímáy jeeyaj:

—Siiga da ánixáypa ici jut jetne con jém clavos y añcodáypa añwayci jut coowane y siiga da añcucompa añci jut tsenayñeta jém ipócpacañaca, jesic da añcupicpa.

²⁶ Jesic tungagam ocho día eybictim antuumayaj jém Jesús icuyujcɨwiñ tum ticcim. Jesic itum mex jém Tomax. Iwianpajneyajtim jém tic. Jesic eybictim miñ Jesús, iwaganaityaj jém icuyujcɨwiñ. Da i iix jut tigiy jém Jesús. Inímáy jeeyaj:

—iXutsóytam!

²⁷ Jesic inímáy jém Tomax:

—Miñi aámaayi jém añci. Coti inwayci jut coowane. Cucomi in̄ci jut coowane jém

ampócpacañaca. Tsaci iga da inçupicpa. Cupici iga apisneum.

²⁸ Jesic jém Tomax iñímáy jém Jesús:

—¡MánQmi, manDios!

²⁹ Jesic Jesús iñímáy jém Tomax:

—Mich inçupicpa iga apisneum porque ánixñe. Pero tsam wítta jém dapic ánixñeyaj, pero icupicyajpa iga apisneum.

Nimpa jém Xiwan tiiga ijay yíp libro

³⁰ Jém Jesús tsam jáyan wítampic milagro iwat cuando iwaganait icuyujcwiñ. Pero da anjaycámne itumpiy jém milagro yíp librojom.

³¹ Pero yimpic anjaycámneum iga inçupictámiñ iga Jesús je jém Cristo jém Dios iManic. Siiga inçupictámpa, jesic impictsonjtámpa jém vida jém dapic cuyajpa jém tánQmi Cristo iñiyimi.

21

Iwiñquejáy Jesús siete jém icuyujcwiñ

¹ Jesic ocmim Jesús iwiñquejáy eybictim jém icuyujcwiñ jém laguna añaca jém Tiberias. Yimpic iwiñquejáy jém icuyujcwiñ.

² Iwaganaityaj jém Ximój Peto algunos jém Jesús icuyujcwiñ. It jém Tomax, iñiyitim Mechi, ittim Natanael jém Galileapic pixiñ, ittim Zebedeo imañictam con tungac wisten jém icuyujcwiñ.

³ Jesic jém Ximój Peto iñímáy jém icompañeroyaj:

—Nícpa atipmachí.

Nimyaj jeeyaj:

—Anictámpatim. Tawaganicpa.

Jesic nicyaj, químyaj tūm barcojom. Pero jém tsuu da ti imatsyaj ni tūm tūpi. ⁴ Jesic cuquejtoobam, núc Jesús jém ni aññaca. Pero jém icuyujcñwiñ da iixpicyaj iga Jesús. ⁵ Jesic jìypa Jesús, iñímáy:

—¿Miwoñjaychixtam, da iniitta tūpi?

Jeeyaj icutsonyaj. Nìmyaj:

—Da ì.

⁶ Jesic jém Jesús iñímáy jeeyaj:

—Coti jém iñred jém añwimipic lado de jém imbarco. Jemum immatspa jém tūpi.

Jesic icotyaj jém ired y tsam jáyan tūpi imatsyaj. Da wiap itopyaj jém ired porque tsam jáyan tūpi imatsyaj. ⁷ Jesic jém Jesús icuyujcñwiñ, jém tsampic itoypa, iñímáy jém Peto:

—Yíbam jém tánQmì.

Jesic cuando jém Peto imaton iga tánQmì, icot iyooti, porque iccáyñe idic iga tūpmatspa. Quet jém barcojom, tigiy nñcñm jém Peto iga nicpa iám jém Jesús. ⁸ Jesic los de más jém Jesús icuyujcñwiñ inimiñyaj jém barco hasta playa aññaca. Ijicneyaj jém red comne de tūpi, porque da juumi jém playa como cien metros. ⁹ Cuando putyaj añsicmì, ipátyaj jut acnúcnetā jucti. Iixyaj iga síp ijaasta tūpi juuyjom, ittim caxtánañi. ¹⁰ Jesic Jesús iñímáy icuyujcñwiñ:

—Namiñi algunos jém tūpi jém yaguiñpic immatsta.

¹¹ Jém Peto quím jém barcoyucmì, iwij jém ired, moj ijic añsicmì. Comne jém red con mñjtampic tūpi. Ityaj ciento cincuenta y tres. Tsam jáyan

t̃iipi, pero da jac jém red. ¹² Jesic Jesús iñímáy jém icuyujc̃wiñ:

—Miñi miwiiquitam.

Ni tum de jém icuyujc̃wiñ da icwácyaj iga: “¿Mijapaap?” Porque iñuntawijodon iga tánomi.

¹³ Jesic Jesús icunúc, ipic jém caxtánañi ic̃ijom, ichi icuyujc̃wiñ, jesaptim iwat con jém t̃iipi.

¹⁴ Siip tres vecesam iwiñquejáy Jesús jém icuyujc̃wiñ dende pisne.

Añmatyajpa Jesús con jém Peto

¹⁵ Jesic yaj wiiquiyaj, jém Jesús icwác jém Peto. Nímayta:

—MiPeto, jém Jonás mimanic, ¿que mich más antoypa que jém tungac añcuyujc̃wiñ?

Jesic Peto icutson. Iñímáy jém Jesús:

—Numa, mánomi, mich iñjodon iga tsam mantoypa.

Jesic Jesús iñímáy jém Peto:

—Acwiici jém ammañborregoyaj.

¹⁶ Jesic eybictim icwácpa Jesús jém Peto. Nímayta:

—MiPeto, jém Jonás mimanic, ¿que tsam antoypa?

Jém Peto icutson. Nimpa:

—Numa, mich iñjodon iga tsam mantoypa.

Jesic Jesús iñímáy:

—Wati cuenta jém amborregoyaj.

¹⁷ Jém Jesús túcciyam icwácpa jém Peto. Nímaytap:

—MiPeto, jém Jonás mimanic, ¿que tsam antoypa?

Jesic jém Peto tsam anyác porque tres vecesam icwácpa siiga itoypa, jesic iñímáy jém Jesús:

—MánQmi, mich iñjodon itumpiy cosa. Iñjodonjim iga mantoypa.

Jesic Jesús iñímáy jém Peto:

—Acwícya_{ji} jém amborregoyaj. ¹⁸ Numa mannímáypa iga cuando danam michami, jesic injotpa iñyaac jém iñyooti y miñicpa jut mich iñxunpa. Pero cuando michamim, jesic iñtimpai y tungac miccámáypa iñyooti. Mininicpa jut mich da miñictooba.

¹⁹ Nimpa jempic Jesús iga icjodonap jutpic acaatap jém Peto iga cujítaiñ Dios. Jesic Jesús iñímáy jém Peto:

—Atúniiyi.

Jém Jesús icuyujcñwiñ jém tsampic itoypa

²⁰ Jesic ámsētpa jém Peto, iix iga itúníypa jém tungac jém Jesús icuyujcñwiñ jém tsampic itoypa, jém ipitsnewip cuando wagawícyaipa jém pascuasiñ. Jeetim pñxiñ jém icwácnewip Jesús iga: “¿I miwadáypa atraición?” ²¹ Cuando Peto iix iga itúníypa jém pñxiñ, jesic iñímáypa jém Jesús:

—MánQmi, ¿ti iñascaaba yíp pñxiñ?

²² Jesús icutson. Nímaytap jém Peto:

—Siiga ich ansunpa iga da caaba yíp pñxiñ hasta amiñgacpa, ¿jesic mich iñticutigiyi? Mich atúniiyi.

²³ Núc jém anmat_i jut it jém icupicneyajwip Jesús, wanpa iga da caaba jém tum jém icuyujcñwiñ, jém tsampic itoypa. Pero Jesús da nim iga da caaba jém

p̄ixiñ. N̄im iga: “Siiga ich ansunpa iga da caaba ȳip p̄ixiñ hasta amiñgacpa, ¿jesic mich iñticutigiyi?”

²⁴ Icham jém aXiwan jém tsampic atoypa jém Jesús, jeeyucmi wiap manañmadáy ȳipyaj cosa. Siip anjaycámpa librojom. Anjodon iga da je migooyi.

²⁵ Ityaj jáyan cosa más jém iwatnewiip Jesús. Si-iga jaycámtap itumpiy cosa juuts iwatne Jesús, ich animpa iga icuwiti ȳip naxyucmi da cutigiyajpa jém libro. Jemum cuyaj.

Jém jomipic trato jém iwatnewip tánomi Jesucristo

New Testament in Popoluca, Highland

copyright © 2009 Wycliffe Bible Translators, Inc.

Language: Popoluca, Highland

Translation by: Wycliffe Bible Translators, Inc.

Popoluca, Highland

poi

Mexico

Copyright Information

© 2009, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

- You must give Attribution to the work.

- You do not sell this work for a profit.

- You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Popoluca, Highland

© 2009, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

- You include the above copyright and source information.

- You do not sell this work for a profit.

- You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 11 Nov 2022 from source files dated 29 Jan 2022

da18b773-264a-519b-a8dd-012e48df725d